

Տ. ԱՅՃԱՎ ԿՈԴԵԼԻՆ

Մասնաւութեան

ՀՅՅ ԱՐԺԵՔԱՆՐ


ՈՒ ԱՐԺԵԱՆԻՔԱՆՐ

ԲԱՆԱԽՕՍՈՒԹԻՒՆՆԵՐ

ԱԶԳԱՅԻՆ ՏՕՆԵՐՈՒ ԱՌԹԻՒ

ՎԻԵՆՆԱ  
ՄԵԽԱՐԵԱՆ ՏՊԱՐԱՆ

1938



9W

Librairie H. PALOUYAN  
43, Rue Richer  
PARIS (9<sup>e</sup>) Tél. PRO. 25-46

17 APR 2013

507

Տ. ԱՅՃԵԿ ԿՈԴՅԱՆ  
Մահմադ. Ռեսուլյան

BIBLIOTHÈQUE  
THOMASSIAN

ՀԱՅ ԱՐԺԵՔԱՆՐ INTERDICTION  
d'emporter ce livre

ՈՒ ԱՐԺԵԱՆԻՔԱՆՐ

ԲԱՆԱԿԱՍՈՒԹԻՒՆՆԵՐ

ԱԶԳԱՅԻՆ ՏՕՆԵՐՈՒ ԱՆԹԻՒ

ՎԻԵՆՆԱ  
ՄԱԿԱՐԵԱՆ ՑՊԱՐԱՆ

1938

ՈՒՆԿՆԴԻՐՆԵՐՈՒՄ

Հ. Ա. Կ.



11-5079P

## ՅԱՆԿ

Ա. ՀԱՅ ՄՇԱԿՈՅԹԻ ՕՐ	ԵԶ
Հայ Մշակոյթը .....	1
Մշակը .....	11
Կոքող ու զենք .....	19
Մաշտոցեան Միութիւն .....	27
*Մշակոյթի պակասը .....	36
Բ. 1915Ի ՆԱՀԱՏԱԿՆԵՐՈՒԻ ՕՐ	
*Ազգային լիիդը .....	47
Մեր պարծաճիք .....	53
Գ. ՄԱՅԻՍ 28	
Ազգային անկախութեան համար .....	59
Դ. ՎԱՐԴԱՆԱՆՅԻ	
Հայրենասիրութիւն, Ազգասիրութիւն .....	69
Ե. Հ. Մ. Ը. Ը.	
Ոչ միայն մարմին .....	81
Բարձրացի՛ր. Բարձրացո՛ւր .....	89
Արժանի՞ է ապրելու .....	95
Զ. ՄԽԵԹԱՐ ՍԵԲԱՍՏԱՅԻ	
Դրօշին .....	103
* Աստղանիշները հրատարակած է «Արագ» (Բուլարեստ)։ Վերստին կը տպենի չնչին փոփոխութիւններով։	

Ա.

ՀԱՅ ՄՇԱԿՈՅԹԻ ՕՐ

(Ս. ԹԱՐԳՄԱՆՉԱՑ)

ՀԱՅ ՄՇԱԿՈՅՑԹԸ

ՅԵտ-պատերազմեան շրջանի նորոյթներէն է՝ Օրեր նուի-  
րել մարդկային կարեւոր արժէքներու։ Շատերու համար  
աղօտ ու մթին, բայց յինքեան լուսատեսիլ այդ արժէքները՝  
Օրերու չնորհիւ կը պայծառանան, մարմին կ'առնուն, այնու  
որ ամէն մարդու ըմբռնումին եւ միանդամայն շահագրգոռ-  
թեան կը մերձեցուին անոնք։ Լաւաղյն եւ դիւրին միջոցն  
էր դա, հասարակութիւնը ցնցելու եւ զայն բաղձացուած տե-  
սակէտին վերացնելու։ Կան օրեր մայրերու, տղոց, որբերու։  
Պատճա՞ռը Որովհետեւ դէպքերու դժնեայ ու դժխեմ շղթայու-  
մով՝ մարդիկ կը մոռնան արժէքը մօր, տղուն, որբին, ու  
նաև մշակութային բարձր արժէքները։ Ու Օրերուն բոմ-  
րիւնը, մրձանման հարուածները պէտք են որպէս զի հասա-  
րակութիւնը թոթուէ իր թմրիրը, բանայ աչքերն ա՛յն լոյսին,  
որ կ'արտաղեղու տօնախմբուած զաղափարներէն։

\* \* \*

Հարցուցէք այժմ Հայ Մշակոյթի բախտը, որուն դատա-  
պարտուեցաւ նա յետ-պատերազմեան առաջին շրջանին, եւ  
հարցուցէք դարձեալ թէ այդ դատակնիքը չի՞ ներգործեր տա-  
կաւին լայն զանդուածներու վրայ։ Տարագիր ու վայրավա-  
տին ցրիւ եկած Հայութիւնը՝ կեանքի անմիջական կարիքնե-  
րուն ի խնդիր՝ ստիպուած էր անտեսել արժէքներ, որոնք  
չէին տար յափուրդ՝ սովալլուկ մարդկան։ Մինչ մէկ կողմէն  
թուղար ամպերով կը մթաղնէր արեւելք ամբաթաքուր. ծած-  
կելով Հայրենական արժէքները, մինչ միւս կողմէն օտարու-  
թիւնը, օտար հողն ու ջուրը, օտար երկինքն ու օդը, օտար  
իմացական ու բարոյական արժէքները կ'առինքնէին զմեղ —

թանձր պատնէներ կը կանգնուէին Հայու եւ Հայութեան միջեւ, Հայուն եւ Հայ կրօնին, բարոյականին, Հայ լեզուին ու պատմութեան, Հայ զբականութեան ու գեղարուեստին, մէկ խօսքով՝ պատնէներ, բարձրաթանձր պատնէներ կը կանգնուէին Հայուն եւ Մշակոյթի մը միջեւ, զոր դարերը իբր Հայ ճանչցած ու պանծացուցեր էին:

Կը կրկնեմ՝ դէպքերու դժնեայ ու դժխեմ շղթայումով Հայը կը մոռնար իր մշակոյթը. Թունաւոր ու մահառիթ մթնոլորտէ մը ազգուած՝ նա կը կորսցնէր իւր տեսողութեան զծէն լուսասփիւո ջահերը: Կ'ուծանար իր մշակոյթէն: Կը մոռնար, կը թաղէր ինքինքը մոռնալով Հայ Մշակոյթը: Այդ մահանման քնէն արթնցներու համար հարկ էին ահապնադղորդ բոմբիւներ: Թմբիրը փարատելու համար անհրաժեշտ էին կաշնբուռն հարուածներ:

\* \* \*

Ու ծնաւ այդպէս Հայ Մշակոյթի Օրը, իբր բոմբիւն որոտասաստ, իբր մրճանման հարուած Հայ սրտին, Հայ ըդեղին, Հայ հոգւոյն: Այդ օրը յոյսի եւ լրցի, սրտապնդումի եւ խանդավառութեան օր է, վասն զի ան կը ձգտի ի լուր աշխարհի սա աներեր իրողութիւնը ի հեծուկս թերահաւասներու, յաշագկուսներու, եւ ղաչացուներու, հոչակել, թէ կայ Հայ Մշակոյթ մը, հնութեամբ՝ պատկառազգու, բովանդակութեամբ՝ ամենածոխ, նկարագրով՝ ինքնատիպ:

Ազգը սոսկ արիւնէ, սոկրէ, գանգէ ու ճակատէ չի կաղմուիր: Նա կ'ենթաղրէ ազգային դիտակցութիւն, իսկ դարնական պտուղն է Մշակոյթի: Մշակոյթը ազգի մը համար աւելորդ պերճանք մը չէ, այլ հոգի եւ սիրտ. առանց անոր կարող էք ունենալ ցեղեր, ամբոխներ, խմբակցութիւններ, բայց ոչ ազգ: Ունեցած ենք մենք ալ մեր ամբոխային շրջանը — բայց արդէն ի սպառ միդամած մշուշապատ: Երբ Հայը երեւան կու գայ պատմութեան թատերաբեմին վրայ, նա արդին ազգ մըն է իւր գիտակցութեամբ եւ իւր ինքնուրոյն մշակոյթով: Նա ունի իւր սեպհական անունը, իւր լեզուն ու

երգը, կրօնն ու բարոյքը, իւր սեպհական ճարտարարուեստն եւ գիտակից, նպատակակից ճիղը՝ միանական ուժով իւր բախտը տնօրինելու, ապագան կերտելու: Թէեւ ոչ անկախ միշտ, թէեւ պետականօրէն հպատակ, բայց ինքնակաց իր մշակոյթով:

\* \* \*

Պատկառելի կոչեցի զայն իւր հնութեամբ, ո՛չ առաջինը, ամենահինը, ակնաղրիւրը ուրիշ մշակոյթներու: Պարծանքով կը շեշտեմ այս պարագան, վասն զի մեզ համար աւելի պատուաբեր է մեր իրական գիրքը քան առապելային առաջնութիւն մը: Ամէն ազգ կ'ունենայ իր մանկութեան շրջանը, երազային ու մառախլապատ, եւ ամէն ազգ իւր մանկութեան շրջանին՝ իւր մշակոյթը առաջին եւ ամենահին կը համարի: Այսպէս Յոյնը, այսպէս Լատինը, այսպէս նաև մենք, մեր անչափահաս գարերուն: Սակայն մանկութեան հետ թօթափած երազներ՝ չափահասի վայել զգօնութեամբ կը խոնարհինք պատմութեան պատղամներուն առջեւ, ու թոյլ կու տանիք, որ ուրիշներ, որոնք տակաւին հաղիւ կը թեւակոխեն մանկութեան հասակը, թոյլ կու տանիք որ նման երազներով օրօրուին, խլելով մեղմէ արդահատանքի ժպիտ:

Երեք հպար տարուան հնութիւն ունի մեր անդիր, եւ առ նուազն 1600 տարուան հնութիւն մեր զրաւոր մշակոյթը: Դա պատկառանք կ'ազգէ: Թոյլ գան հրապարակ արդի ամէնէն քաղաքակիրթ ազգերը: Ոչ մին կարող է ուրանալ ալեզարդ փառքը Հայ Մշակոյթին: Եղած են, այս, հնագոյն մշակոյթով ազգեր ու կան տակաւին. բայց քանիներ այսօր չունին այլեւս դոյութիւննին: Իսկ ինչ որ այսօր դոյութիւն ունի եւրոպայի կամ Ամերիկայի մէջ պարտական է զլուխ ծոել Հայ Մշակոյթի առջեւ: Զեմ խօսիր երեկածին ծծկերներու մասին, քանի որ Գերմանն ու Ֆրանսացին, Ռուսն ու Անգլիացին անդամ պարտական են յարդանքի տուրքը տալ Հայ ալեւոր Մշակոյթին: Զեմ ուզեր վիրաւորել, բայց ինչո՞ւ լոել, որ Հայ Մշակոյթը ծնողքի, մօր ու դաշեկի գեր կատարած է ազգերու հանդէպ՝ որոնք այսօր իրեն կ'անկուշեն: Զէ՞ որ ծնողանարդու, հայր-

ուրաց որդիներ եւս կրնան աշխարհք գալ: Եթէ թոյլ տաք,  
որ Քրիստոնէութիւնն ալ էտան տարը համարիմ մարդկային  
եւ հայ մշակոյթի աղնուացումին ու պայծառակերպումին,  
հպարտօրէն պէտք ենք ի վեր հանել, որ Հայն առաջինն եղաւ  
բոլոր ազգերու մէջ, որ ճանչցաւ քրիստոնէութեան մշակու-  
թային ոյժը եւ խաչն ընդունեց պաշտօնապէս՝ խորհրդանշան  
իւր յառաջդիմութեան ու վերելքին: Մեր տէրերն անդամ  
մեզմէ յետոյ պիտի փարէին խաչին՝ նոր Դարու ու նոր Մարդ-  
կութեան նշանին: Այսպէս ուրեմն պատկառելի հնութեան մը  
լուսապակալը կը կրէ իւր ճակտին՝ Հայ Մշակոյթը, թէ՛ հե-  
թանոսական եւ թէ՛ քրիստոնէական:

Սակայն հնութիւնը արտաքին, ժամանակագրական հան-  
գամանք մըն է, որ, մեղի համար թէեւ նշանակալից ու պա-  
տուարեր, սակայն մշակոյթի մը ներքին արժէքը չէ: Աւելցը-  
նենք ուրեմն պարծանքի վայել բուն առարկան — մեր մշա-  
կոյթի ամենաճոխ բովանդակութիւնը եւ ինքնատիպ նկարա-  
դիրը: Դա է, որ ամէն Հայու սիրտ պէտք է ուռեցնէ սուրբ  
հպարտութեամբ մը: Հայ Մշակոյթը կը բովանդակէ պա-  
տուական քարեր ամէն մեծութեամբ, ամէն գոյնով եւ հիա-  
նալի յղկուածքով:

\* \* \*

Բայց ըսենք նախ թէ ի՞նչ է Մշակոյթը, որ անչափ ան-  
գամ հոլովեցինք, առանց մէկին ու վճիռ սահմանով մը գա-  
ղափարը պայծառացնելու: Մշակոյթը համազումարն է այն  
բոլոր արժէքներուն, որոնցմով հոգի ու մարմին կը զար-  
գանան կ'ազնուանան, կեանքը կը բարելաւուի ու դեւրաստար  
կը դառնայ, մարդ կը յարի բարւոյն, ձշմարտին ու զեղեցկին  
եւ հաղորդակից կ'ըլլայ անոնց բնութեան: Մշակոյթով մարդ  
կը տիրապետէ բնութեան, անոր ոյժերը կը դարձնէ իրեն  
հարկասու, ծառայ: Դա մշակոյթի կեղեւն է, պատեանը որ  
կը կոչուի քաղաքակրթութիւն եւ որ առանձինն չի՛ բաւեր,  
զմարդ երջանկացնելու եւ պայծառակերպելու համար: Մշա-  
կոյթի էտան արժէքը, հոգւո՛յ մշակոյթի մէջ է:

Ու ահա Հայուն փառքը: Եթէ նոյն իսկ չունենայինք ճար-

տարարուեստ ու զրականութիւն, երդ ու ճարտարապետու-  
թիւն, եթէ նոյն իսկ չզարծէինք թատերագիր, իմաստաէր,  
պատմագիր թագաւորներով, սակայն եւ այնպէս պիտի կա-  
րենայինք տանել Հայ Մշակոյթը, որ հեթանոսական դարերէն  
ի վեր տնկած ու մշակած է սրտին ու հոգւոյն մէջ չքնաղ առա-  
քինութիւններ հաւատարմութիւն, պարկետութիւն, սէր ըն-  
տանիքի, հողի, հայրենիքի, հիւրասիրութեան, մեծանձնու-  
թեան, մեծագործութեան: Հայ հոգւոյն այս մշակոյթը չեմ  
փոխեր ուեւէ մեծաշունդն քաղաքակրթութեան հետ, որ ար-  
տաքին փայլի շպարի ներքեւ կը ծածկէ փտախտի մանրէններ:  
Մեր դիւցազներգութիւնն է հաւատարմ հայելին ու ցոլա-  
ցումը այս հոգեկան մշակոյթին: Անոր լուսահեղձ ներկայա-  
ցուցիչներն են Զարուհի մը, որ Կիւրոսի համար կոյր՝ Տիգրա-  
նով կը հիանայ, Արայ մը՝ որ կ'արհամարհէ զնամիրամ՝  
Նուարդով երջանիկ, Աստղիկ մը՝ որ մշուշներով կը ծածկէ իւր  
զգաստութիւնը Հայ կտրիճներու աչքերէն, Դրաստամատ մը,  
որ մինչեւ Անյուշ կը հետեւի իւր տիրոջ: Արագածի ծաղիկ-  
ները չեն այնպէս երփներանդ ու քաղցրաբոյր ինչպէս Հայ ըն-  
տանեկան եւ ընկերային առաքինութիւնները: Հին դիւցազ-  
ներգութիւնը ցոլքն էր Հայ իրական բարքերու: Իսկ թէ այժ-  
մեան բարքերը ինչպիսի՞ դիւցազներգութիւն պիտի ծնէին —  
կը թողում ձեր խորհրդածութեան: Հարկ համարեցայ չեց-  
տել Հայ Մշակոյթի այս փառաշուր կողմը, որ յաճախ կը  
մոռցուի ի սէր գրականութեան եւ ուրիշ ձիւղերու:

Հոգիէն անցնինք արտաքին մշակոյթի հիման՝ հողին:  
Հողագործութիւնը ամենահին եւ ամենամաքուր թանձրա-  
ցումն է արտաքին մշակոյթի: Եւ Հայ մշակոյթի չէնքն այդ  
անսասան հիման վրայ կառուցուած է: Դժուարաւ կարող էք  
դանել երկրորդ ազգ մը, որ այնպէս յարած ըլլայ իւր հողին,  
ինչպէս Հայը: Ու այդ յարումը զգացումի, վայելքի, հանդսուի  
սէր չէր բղիսեր: Դա զաղափարական պաշտամունք էր, նուի-  
րագործուած Հայուն քրտինքովն ու արիւնովը: Բերրի, պտղա-  
բեր, արգաւանդ այդ արտերն ու մարգերը Հայ հողագործին  
դուրդուրանքին առարկայ են: Նա կ'ոռողէ, կը հերկէ, կը

վարէ, կը ցանէ այն եռանդով ու տեսլապաշտ արիմով, որով նկարիչը իւր վրձինը, բանաստեղծը իւր գրիչը կը շարժէ: Միթէ ամէն Հայուն մէջ բանաստեղծ մը չա՞պրիր ու Հայուն լաւագոյն ներկայացուցիչը հողակործը չէ՞ր: Միտ գրէք անոր երգերուն: Պէտք չէ տալ մոռացութեան, որ հայ լեզուի ու գրականութեան ոսկեգարէն շա՞տ յառաջ հայ աւանդութիւնը կը սիրէ յիշատակել ոսկեգարը հայ հողակործութեան, երբ արտավար մը խոպան հող չէր զանուիր հայ աշխարհի մէջ:

Հողի բերքերուն հետ միասին կը ծլի ու կը գարդանայ հայ վաճառականութիւնը, որուն կ'իյնայ սահմանայ գերը՝ կամուրջներ ձգելու աղղէ-աղդ, մշակոյթէ մշակոյթ: Հա՞րկէ ապացուցանել, որ հայ ծաղկեալ հողակործութեան թեւ թիւկունք եղած է ծաղկեալ վաճառականութիւն մը: Հայ վաճառականներն իրենց կարտաններով ամենաճարպիկ զոդը եղած են հին աշխարհամասերու: Հնդկաստանէ մինչեւ Արքիկէ կը համէին հայ վաճառականին կապերը, այնպէս որ յոյն եւ ուրիշ աշխարհակալներ Հայոց մէջ կը վիճառէին աշխարհագէտ առաջնորդներ: Ինչ որ Եփրատի վրայ ծփացող կաշեպատ կլոր նաւերն եղած էին, նոյնը եղան դարեր վերջ բեռնաբարձ հսկայ նաւեր Միջերկրականի վրայ — յուշարձան հայ մեծատարած վաճառականութեան: Ի՞նչ էր հայ վաճառականին տուրեւառութեան, արտածութեան առարկան: Լոկ հողի՞ բերքեր: Հոս է որ պիտի յիշատակեմ հայ մշակոյթի մէջ նոր, ոչ նուազ պանծալի ճիւղը՝ Հայ ճարտարարուեստը, Հայ արհեստը:

\* \* \*

Հայուն արհեստագիտական բացառիկ կարողութիւնները, մտքի սրութեան եւ մատներու ճարպիկութեան փառաւոր վկանները կարծես վաճառականութեան դանդաղ ընթացքին դժգոհ, հալածանքներու, տեղահանութիւններու փոթորիկին հետ սփոռեցան: Եթէ 1000 տարիէ ի վեր օտար այնքա՞ն երկիրներ իրենց դոները կը բանան Հայուն առջեւ. դա հայ ճարտար արուեստին չնորհն է: Դրացի եւ հեռաւոր, բարեկամ ու թշնամի — մանաւանդ թշնամի — լիուլի նպաստա-

ւորուած են Հայուն ճարտարարուեստով: Եթէ ազգի մը համար անհրաժեշտ է, որ համամարդկային արժէք եւ օգուտ ներկայացնէ, մենք այդ պայմանը լրացուցած ենք մշակոյթի այս մասով արդէն: Ճարտարարուեստով Հայը ամէն տեղ յառաջադէմ աղղակ եղած է — Լեհաստան ու Հունգարիա, Պարսկաստան ու Ծովասատան, Ֆրանսա եւ Եգիպտոս: Հայ Մշակոյթի այս աղղակող կոթողներուն ի տես՝ ծայրայեղ կուրութիւն կը պահանջուի մեր ճակտին մուրացկանի պիտակը փակցընելու համար: Կրկնենք ու երեքնենք միշտ որ Եթէ մենք օտարին շատ բան կը պարտինք, այդ պարտքը տոկոսներով վճարած ենք ու կը վճարենք մշակութային այս արժէքներով: Տեղոյ անձկութիւնը կը ստիպէ զիս ակամայ հրաժարիլ հայ հոյակապ ճարտարապետութիւնը, դունագեղ մանրանկարչութիւնն ու քնքուշ երգը խօսքի նիւթ ընելէ: Երկու խօսք միայն Հայ գրականութեան բովանդակութեան մասին:

\* \* \*

Վերլուծեցէք, Եթէ կարող էք, հայ հին, միջին ու նոր գրականութեան կազմիչ տարրերը: Մարդկային միտքը, սիրան ու երեւակայութիւնը ինչ որ կարող էր հնարել, կը գտնէք հայ գրով: Օտար հարստութիւնները, գոհարները կը շահագրգուեն զեղի: Բնտրեցէք ձեղի առաջնորդ հայ գիրը, ու ապահով պիտի նաւարկէք տիեզերական ծովանման մատենագրութեան մէջէն: Թարգմանութիւն է, կ'առարկէք, օտար մշակոյթ: Զեմ պատասխաներ, որ սկզբնագրի համարծէք ու աւելի մեծարծէք թարգմանութիւններ կան, այլ թարգմանութեանց կողքին մատնանիշ կ'ընեմ տոհմիկ գրականութիւն մը, որ համայնապարփակ է: Պատմութիւն, փիլիսոփայութիւն, բնական դիտութիւններ, աստղաբաշխութիւն, բժշկութիւն, բանաստեղծութիւն, իւր բոլոր սեռերով — մարդկային հասողութեան բոլոր այս նիւթերը մշակուած են հայ մտքով, լեզուով ու գրով, եւ մշակուած են այնպէս, որ ստորթեան կը ծառայենք, Եթէ ըսենք «օտար»: Ստիպուած ենք ողջունել հոն հայ գրական մշակոյթի ամենաճոխ բովան-

դակութիւնը։ Ու այդ մշակոյթը սոսկ սեղմ ազդային օդուտէ զատ՝ ունեցած է եւ ունի նաեւ համազգային նշանակութիւն։ Պատմութիւններ կան, որոնք առանց հայ պատմագիրներու աջակցութեան, չեն կրնար գրուիլ։ Լեզուաբանական հարցեր կան, որոնք առանց հայ լեզուի տարրերուն եւ յուշարձաններուն անլոյծ առեղծուած կը մնան։ Արմատներ կան, որոնք ամբողջ արխական աշխարհը կը հետաքրքրեն, ու անոնց մեկնութեան բանալին հայ գրականութեան մէջ է։ Քանի՛ աղդերու պատմութիւննը, անունն իսկ անհետ կորսուած կ'ըլլար եթէ չունենայինք հայ գրականութիւն։ Օտար հեղինակներ կան, որոնց մեծարժէք գրութիւնները միայն չնորհիւ հայ գրին հասած են քաղաքակիրթ աշխարհին։ Իսկ ի՞նչ ըսենք հայ բանաստեղծութեան, մանաւանդ հայ քնարերգութեան մասին, որ գեղեցիկ գրականութեան հոգին է։ Գողթան երդիշներէն սկսած մինչեւ մեր Երզնկացիները, թլկուրանցիները, Քուչակներն ու Սայաթ Նովաները՝ գրականութեան մէջ սեռ մը մշակեցին եւ այնպէս մշակեցին, որ կրնանք ամենայն վստահութեամբ անոնց անունները հակագրել ժթ։ Դարու Եւրոպական բանաստեղծներու։ Հայ մշակոյթը փշեպատ փոթորկալից դարերու ծնունդ է։ Ուրիշ ամէն տեղ զէնքի շառաչով մշակոյթներ ուժացած են — Հայուն մշակոյթը զէնքով ծնած ու սնած է։ Մուսաները բարեկամ չեն զէնքերու. միայն հայուն նկատմամբ բացառութիւն ըրած են։

\* \* \*

Հայը միշտ ենթակայ եղած է օտար մշակոյթներու աղեցութեան, եւ այդ օտարները եղած են միշտ իրարու անհաշտ հակառակորդ, անհամբոյր մրցակիցներ ու մահացութչնամիներ։ Հայը ընդոտնել, նուածել, բոնի ներարկել անոր իրենց մշակոյթը, խղդել ոչնչացնել հայկականը — ահա անոնց նպատակը, որուն ջանադիր եղած են։ Հայուն վրայ գրու տուող թշնամի այն մշակոյթները կը կոչուին դարէ դար՝ Արխական ու Սեմական, Արեւելք ու Արեւմուտք, Ասիա ու Եւրոպա։ Իսկ Հայը կանգնած իր բարձաշխարհին վրայ, կ'ըն-

դունի, կը մարսէ, կը նմանափոխէ այդ թշնամի տարրերը եւ կ'երկնէ Հայ Մշակոյթը ինքնուրոյն, ինքնատիպ։ Ինչո՞վ ինքնատիպ։ Անով որ Հայ Մշակոյթը գաղափարական ներդաշնակումն է երկու իրարամերժ տարրերու, համերաշխ զուղաւորումը Արեւելականութեան եւ Արեւմտականութեան, գունագեղութեան եւ զսպուածութեան։ Ահա նորութիւնը, հայաստեղծ նորութիւնը — որ Հայ Մշակոյթ անունը կը կրէ։ Տարօրինակ է։ Անմիաբանութեան համբաւ վայելող Հայը՝ մշակոյթի մէջ խաղաղութեան, հաշուութեան, համերաշխութեան զլուխ գործոցներ կ'արտադրէ։ Այնպէս եղած է, ու ցորչափ Հայ Մշակոյթը գիտակից մնայ իւր այս զերին եւ Հայրենիքն ներս ու գուրս՝ ըլլայ այն վայրը՝ ուր հանդիպին ու համբուրուին Արեւելք եւ Արեւմուտք, Հայ Մշակոյթը կ'ապրի ինքնուրոյն եւ ինքնատիպ։

Դժուար է առաջին ակնարկով հաշտուիլ սա գաղափարին հետ, թէ Հայ Մշակոյթը աղեցութեանց խառնուրդ է եւ սակայն ինքնատիպ։ Բայց այդ չէ՝ պատմութիւնը բոլոր մշակոյթներու։ Ամէն աղդ արտաքին աղեցութիւններ նմանափոխելով, օտար տարրերու վրայ ի՛րը աւելցնելով ստեղծած է աղդային մշակոյթը։ Յոյն մշակոյթը Փիւնիկեան եւ Եղիպտական մշակոյթներու աղեցութեան ենթակայ եղած է։ Եւ սակայն ո՞վ կարող է ուրանալ ինքնուրոյնութիւնը յոյն մշակոյթի։ Լատին մշակոյթը մնած է յունականով, բայց լատին բնորոշ գծերով կերպարանափոխուած։ Մեծ է այն աղդը, մեծ են այն ռահվիրայ մարդիկ, որոնք իրենց վրայ խուժող օտար տարրերէն առանց հեղձամղձուկ ըլլալու, անոնց կը տիրանան ու նոր մշակոյթ կը ծնանին։ Վերածնունդը աղեցութիւններու արդիւնք է։ Գէօթէ իւր միտքն ու սիրաը կը բանայ միջնադարեան (Ֆառաւ), յունական (Իփիգենիա), խտալական (Տասսոյ), նոյն իսկ պարսկական (Diwan) աղեցութեանց, բայց իւր յղացումները գերման մշակոյթին կը պատկանին, վասն զի օտար աղեցութեանց տիրելով ստեղծագործած է նա։ Միքել Անջելոյ ինքնինքը յունական արձաններով կը բեղմնաւորէր արտադրելու համար նոր դասա-

կանութիւն մը : Միայն անձկամիտ թուլահանձար անհատներ ու ազգեր՝ ազգեցութեանց առջեւ պատնէշ կը քաշէն , որովհետեւ գերի ըլլալ չեն ուղեր , եւ ոյժը չունին իրենց ինքնութիւնը արժեցնելու : Որքան բազմապիսի ու բազմակողմանի են ազգեցութիւնները , այնքան աւելի հիացումի արժանի է մշակոյթը , որ կրցած է զանոնք օգտագործել եւ ինքնատիպ մնալ : Այսպիսի է Հայ Մշակոյթը — հիացում խլող :

## ՄՇԱԿԸԼ

«Ո՞վ կարող է գրերու արժանի ներբողն հիւսել : — Գրերով է որ ննջեցեալները կը դրոշմուին կենդանիներու յիշատակին մէջ : Գրերով իրարու կը մօտենան հեռաւոր մարդիկ : Գրերով կը ստանան ազգային ու պետական դաշինքները տեւական ամբութեան մը երաշխաւորութիւնը : Գրերով կը պահուին հանճարեղ մարդկան իմաստուն խօսքերը , դից պատգամները : Գրերով կը յաւերթանան դիմառութիւն ու կրթութիւն սերունդէ սերունդ : Ուստի իրաւամբ կրնանք հաստատել , որ թէեւ կեանքը կը պարտինք բնութեան , բայց մարդավայել կեանքը կը պարտինք իմացական մշակոյթի , որ գրերով կը սկսի ::»

Դիոդորի (ՃԲ , 13) այս խօսքը անփոփոխ կ'իւրացնեմ ու կը հայացնեմ :

Յիրաւի , ո՞վ կարող է արժանի ներբողն հիւսել հայ գրերուն ու ներբողն այն հայ հանճարին , որ զանոնք մեղի պարգևեց :

Ուեէ իր գովելի է համեմատ իւր ներքին արժէքին եւ արտադրած պտուղներուն : Ու հայ գրերու արժէքը հայ մշակոյթի համար այնքան էական է , որ կարելի չէ զանոնք իրարմէ բաժնել : Հայ կեանքը , այդ կեանքը լի ելեւէջներով , բարձունքներով եւ անդունդներով , առապարներով եւ դիւրակոխ ուղիներով , ճահիճներով ու մարգերով , այդ կեանքը բազմանկիւն եւ հոսանուս՝ գրերով կ'աղնուանայ , կը նրբանայ , գրերով կը ճոխանայ , կը ճեւաւորուի : Կեանքը հոգւոյ ու մտքի՝ գրերով միայն կը հայանայ : Հայ գրական ու մշակութային կեանքը հայ գրերով ծնունդ ու մնունդ կ'առնէ , կ'արմատանայ ու կը ճիւղաւորուի :

Նոր կեանք կը ստեղծէր Մաշտոց ազգին մէջ իւր գրերով : Ազգային բնաստուր ու բնաստարը կեանքը կը վերածէր մարդավայել կեանքի : Զի — ըսաւ Դիոդոր — մարդավայել

կեանքը կը պարտինք իմացական մշակոյթի, որ գրերով կը սկսի, ու գրերով կը շարունակուի: Մաշտոց սկսաւ տալ ու ցայսօր կը շարունակէ տալ աղջին իմացական մշակոյթ՝ գրերով:

Եթէ անորոշ կը գտնէք «իմացական մշակոյթ» բացարձութիւնը, եթէ նա չի խօսիր երեւակայութեան, վերլուծենք զայն ու ըսենք. Մաշտոց հայ գրերով Հայուն տուաւ հայ լեզու, հայ միտք, հայ նկարագիր: Զի անհնար է իմացական մշակոյթ՝ առանց մշակեալ լեզուի, մտքի, նկարագրի:

Մաշտոց եռապատիկ մշակ է իւր գրերով:

### ՄՇԱԿԸ ՄԵՐ ԼԵԶՈՒԻՒՆ

Զգացող ու խորհող բնութեան արտայայտութիւնն է լեզուն: Իրաւամբ կոչուած է Ռուբիկոնը, որմէ անդին անսունները — զգացող, բայց ոչ խորհող այդ էակները — չեն կարող անցնիլ: Անասուններու հանդէպ անանցանելի ասհմանաղիծ է կենդանի լեզուն, հնչուն թրթուուն, յայտարար նշանը գաղափարներու:

Բայց երբ կենդանի լեզուի յօդաւոր ձայներն ու ձօճումները պատկերանան տեսանելի դառնան գրերով, լեզուն կը դառնայ Ռուբիկոն մը, սահմանաղիծ մը՝ բաժնելու համար ոչ թէ զաղանը մարդէ, այլ մարդ՝ մարդէ, աղդ՝ աղջէ: Մին մշակուած կրթուած, միւսը՝ անմշակ անկիրթ: Անքաղաքակիրթ մին, քաղաքակիրթ միւսը:

Հայ այբուբենի Ռուբիկոնով Մաշտոց բաժնեց զմեղ անմշակ աղդերէ ու դասեց քաղաքակիրթ աղդերու կարգը: Երեսունուվեց աստիճանէ բաղկացած սանդուղ մըն է, որով Հայերէնը կրնայ ելլել բարձրանալ խնամուած, կոկուած, բարեձեւուած լեզուներու կատարը:

Մաշտոցի գրերով կը սորվինք մեր լեզուն: Անոնցմով կը կատարենք առաջին ու տարրական վերլուծումը մեր լեզուին. կը բաժնենք խօսքը՝ բառերու, բառը՝ վանկերու. զգալի կերպարանք կու տանք բաղաձայնին ու ձայնաւորին: Գրերը կը համոզեն զմեղ, որ շա՞տ ճոխ է մեր լեզուն հնչիւններով ու

բառերով: Լեզուական առաջին քայլերը գրերով առնելէ վերջ, զրերով կը լնդելանանք լեզուի խորութիւններուն ու բարձրութիւններուն, պարզութիւններուն ու բարդութիւններուն, գեղեցկութիւններուն ու դժուարութիւններուն: Լեզուին քերականութիւնը — ձեւախօսութիւն եւ համաձայնութիւն — գրերով կը ստանայ բնորոշ օրէնք ու կը դառնայ ճկուն գործիքը երեւակայութեան, զգածումի, մտքի, սրտի, կեանքի — գրականութեան:

Մաշտոց մեր լեզուին կենդանի հոսանքը չկասեցուց գրերով, այլ լնձեռնեց աղդու եւ միակ տեսական միջոցը պահելու ունեէ գաւառի, ունեէ դարու առանձնայատուկ բարբառը: Այրարատ ու Գողթն, Տարօն ու Տայք թող իւրայատուկ բարբառներ ունենան — Մաշտոցի գրերով կարող են պահուել, մշակուել, զրականի վերածուել: Ոչ միայն հայ լեզուի ոսկին, այլ եւ արձաթն ու ողինձը, Յունաբաններու եւ Լատինաբաններու ցեխը, ժողովուրդին սամկօրէնը — բոլորը կը պատսպարուին Մաշտոցի գրերով:

Իսկ մեր աշխարհաբար այս երբեմնի խորթ զաւակը հայ գրագէտին:

Ան ալ կոկուեցաւ, նրբացաւ Մաշտոցի գրերով:

Մաշտոց թերեւս չհասկնայ մեր լեզուն, մեր բանաստեղծները, բայց իւր գրերով կը սորվեցնէ մեղ իւր չհասկցածը: Ի լուր Սիամանթոյի մը, Վարուժանի մը, ան պիտի գոչէր. իմ գրերովս կ'ողբաք, իմ գրերովս կը գուաք. իմ գրերովս կ'օրհնէք, իմ գրերովս վրէժ ու արդարութիւն կ'աղաղակէք: Ու իմ գրերովս պիտի յօրինէք երգը Հայուն Յաղթութեան:

Գրերուն չնորհիւ կարող ենք կազմել հայ լեզուի պատմութիւնը, ճղել անոր ցեղակցութիւնը, նկարագիրն ու գիրքը համեմատական լեզուաքնութեամբ: Ի՞նչ պիտի հետազոտէին Հիւրշման ու Մէյէ հայերէնին, ի՞նչպէս պիտի յօրինէր Այտնեան՝ Քննական Քերականութիւնը, Աճառեան՝ Արմատական Բառարանը՝ եթէ հայ լեզուն գրերով գրոշմուած չըլւար: Մաշտոց չէր անշուշտ արմատներ ստեղծողը եւ հայերէնի հնդերոպական բնոյթ տուողը: Բայց նա յանձնեց մա-

գաղաթներու լեզուն եւ հայթայթեց նիւթ լեզուաքննութեան : Զի առանց անոր գրերուն ի՞նչ պիտի մնար հայերէնէ : Ժողովուրդի կենդանի խօսքը : Բայց պիտի խօսէի՞նք արդեօք տակաւին հայերէն , եթէ Մաշտոցեան գրերու երկաթեայ պահպանակով զրահապատ չըլլայինք :

Ու ի՞նչ բարիք է մեղ համար , որ կը խօսինք հայերէն : Անոր կը պարտինք մեր հիանալի ընդունակութիւնը իւրացնելու կատարելապէս օտար լեզուներ — ընդունակութիւն մը , որմէ կը զրկուին օտարաշուրթն Հայեր մայրենի լեզուին հետ միասին : Բազմալեզու ենք , օտար հնչիւններու դիւրաւ կ'ընտելանանք , զի Մաշտոցեան հարուստ ստեղնաշարով մարդուած է մեր ձայնական գործարանը : Նրբամիտ հանճարով յօրինուած հայ բազմերանդ բաղաձայները — բ , պ , փ — գ , կ , ք — դ , տ , թ — ձ , ծ , ց — ձ , ջ , չ — զ , շ , ս — ւ , ՛ — ո , ր — կը պարունակեն գաղտնիքը այն ճարպիկութեան , որով հայը կը խօսի օտար լեզուներ ընտանի սահունութեամբ :

Անշուշտ , Մաշտոց չստեղծեց հնչիւնները , այլ զանոնք անթերի ըմբունեց եւ ճշգորէն արտայայտեց : Մեծ գործ էր , որուն պտուղները մենք կը վայլէինք :

Մաշտոց՝ հոյակապ ուսուցիչ , մշակ մեր լեզուին :

### ՆԱԵՒ ՄՇԱԿԸ ՄԵՐ ՄՏՔԻՆ

Մարդ աշխարհ կու դայ իրեւ սրբաշխնջ տախտակ , զուրկ գաղափարներէ : Հոգւոյ մէջ են միտք , իմացականութիւն , բայց ծանօթութեան առարկաները կը ստացուին արտաքին աշխարհէ : Այդ նպատակին կը ծառայեն բոլոր զբայարանքները , սակայն միտք մշակելու ամենաճոխ միջոցն եւ ամենաուժեղ ազդակը՝ է լեզուն , զրական լեզուն , գիր ու գրականութիւն :

Մտքի այս գրաւոր մշակոյթը կը սկսի այն բոսկին , երբ մանուկը՝ գրիչը ձեռքը՝ երերող տատանող գրեր կը չանայ բեւեռել թղթի վրայ : Դա լոկ ձեռքի մարդանք չէ , այլ նաեւ մտքի , զի մանուկը կ'աշխատի գրերն իրարու այնպէս յարելէ :

որ իմաստ մը յառաջ դայ : «Իմաստն» է մտքին առարկան , եւ իմաստ փնտուողը՝ միտք կը մարզէ , կը մտածէ :

Գիրը միջին տեղը կը գրաւէ աննիւթ գաղափարին եւ թանձր առարկային միջեւ : Մանուկը գրերու սանդուղներով կը բարձրանայ նիւթէն դէպի աննիւթը , զգալիէն դէպի անզգայականը : Երեխային համար հացը այն սպիտակ բանն է , զոր մօրմէն կը ստանայ , կը ծամէ : Գրող կարգացող մանուկին համար հացը կը թօթափէ տակաւ այդ նիւթական հանդամանքը եւ կը գառնայ մտքի աննիւթական գաղափար մը :

Այսպէս կը մշակէ Մաշտոց մեր միտքը : Ու որքան աւելի յառաջադիմենք գրի մէջ , այնքան աւելի կը յառաջանայ , կը բարձրանայ մտքի մշակոյթը :

Զափելու համար բարձրութիւնն ու խորութիւնը , որուն մդուեցաւ հայ միտքը Մաշտոցեան գրերով՝ հարկ էր թուել հայ 1500ամեայ ճոխ մատենագրութիւնը : Անթերի շղթան հայ պատմագիրներու , գունդը հայ աստուածաբան հեղինակներու , աստեղափայլ հոյը հայ բանաստեղծներու , թէ միջնադարեան թէ՛ աշխարհաբարեան — ամէնքը պարտապաններն հայ գրերուն — ու ոչ երեք ապերախտ պարտապաններ :

Բնականաբար , մշակուած միտքը պէտք չէ որ ազգայինով գոհանայ , միայն ազգային տարրներով զբաղի :

Մաշտոցեան գրերը մտքի ոչ լոկ ազգային , այլ նաեւ համագոյն մշակոյթ ապահովեցին մեղի : Մենք շատ բան փոխ առնելու , սորվելու ենք օտարէն : Չունինք զոմերոս մը , Պղատոն մը , Վերգիլ մը , Շէյկսպիր մը , Գէօթէ մը : Բայց ունինք Մաշտոց մը , որ փոխանակ փիլիսոփայական ու բանաստեղծական հասորներու՝ տուած է 36 գիր : Այդ գրերով կարող ենք մեր մտքի սեպհականութիւն դարձնել օտար խորհուղներու արտադրութիւնները : «Հայաբարբառք , հայերէնախօսք գտան Մովսէս եւ մարգարէք» — կ'ըսեր պատմիչը : Աւելցնենք . Հայաբարբառ հայերէնախօս կրնայ դառնալ ուեւէ հեղինակ օտար , որ արժանի է հայանալու : Ու քանինե՛ր հայացած են Ե . գարէն մինչեւ ցայսօր : Ու ոչինչ տուած են հայանալով : Քանի օտարներ ի սպառ կորսուելէ , անյիշա-

տակ անյայտանալէ փրկուած են հայանալով։ Այդ ալ հայ զրերուն երախտագիտութեան տուրքն է հանդէպ օտար մշակոյթներու։

Մտքին հետ կը բաղձայի յիշատակել երեւակայութիւնը — արարիչը գեղարուեստի, աստուածային արարչակործ ոյժին ստուերը մարդու մէջ։

Հայնածաւալ դաշտ մը կը բացուի երեւակայութեան Մաշտոցեան գրերով։ Գեղարուեստական ճաշակ կը մարզեն անոնք, զի Մաշտոց կը պահանջէ ոչ միայն ուղիղ գիր, այլ նաև գեղեցիկ, այնպէս որ գրականութեան այբուբենը միաժամանակ այրուբենն է հայ գեղարուեստի։ Կ'ուղեմ ակնարկել ոչ միայն այն բաղմապիսի ձեւափոխութիւններուն, զորոնք հայ գրերը կը հանդուրժեն հաճոյք պատճառելով եւ յաղուրդ տալով վաս երեւակայութեան մը։ Այլ կ'ակնարկեմ մեր միջնադարեան մանրանկարչութեան, որուն զարկ կու տան հայ գրերը եւ զայն հիանալի նրբութեան ու կատարելութեան կը հասցընեն։ Զեռք առէք դիտեցէք մեր հին Աւետարաններէն մին, ու պիտի չկարենաք ձեր հիացումը զլանալ այն հայրենակցին, որ կրցած է վառ զոյներով եւ ամենաքնքուշ զծերով հայ գրերու մէջ խտացնել թուչուններ, ձկներ։ Հայ գրերու հեղինակը հիմ դրած էր հայ մանրանկարչութեան եւ ձեռք առած նաև հայ երեւակայութեան դաստիարակութիւնը։

Դաստիարակութեան մէջ մեզի ընդ առաջ կու զայ արդէն նկարագրը։

\* \* \*

### Ողջունենք ուրեմն Մաշտոցի մէջ

ՄՇԱԿԸ ՄԵՐ ՆԿԱՐԱԳՐԻՒՆ

Մարդ՝ անհատական նկարագրով է մարդ։ Նոյն իսկ բոնապետական տէրութիւններ, որոնք հաւաքական մարդը կը պանծացն ու անհատներ կը փացնեն անինայ, անոնք անդամ անհատական նկարագրի ոյժն ունին իրենց հիմ ու նե-

ցուկ։ Տիրող անհատներու ազդեցութեամբ, սերունդներու աղեցութեամբ, սերունդներու գործակցութեամբ, արեան եւ բարքերու հաղորդակցութեամբ, հողային եւ ընկերային բաժանակցութեամբ ու պատմակցութեամբ կը կերտուի նաև աղեցին նկարագրի։

Մեր աղեցին նկարագրին կերտուածքը Մաշտոցի հզօր աղեցութեան գրոշմը կը ցուցնէ։

Թէ այբուբենի ուսուցումը ընդհանրապէս կ'աղդէ նաև նկարագրի վրայ, ճշմարտութիւն մըն է դաստիարակ հողեխուներէ ընդունուած։

Յիրաւի, զիր ու գեղարուեստ իրարու օտար չեն։ Միւս կողմէն գեղարուեստական գեղեցիկն, արուեստագիտական ուղիղը սերտ աղերսի մէջ են բարոյապէս ուղիղին եւ գեղեցիկն հետ։ Սահմանեցէք նկարագրը ինչպէս կ'ուղէք, սահմանին մէջ պէտք է որ զնէք բարոյական ուղղութիւն ու գեղեցկութիւն իրեւ էական ծանուցիչ լաւ նկարագրի։ Արդ Ալբուբենը, այնու որ կ'առաջնորդէ ճաշագիտական գեղեցկին եւ ուղիղին, կ'առաջնորդէ նաև բարոյական գեղեցկին եւ ուղիղին՝ լաւ նկարագրի։ Կրնա՞ք միթէ ուրանալ, որ կը պահանջուի կամք, ուշագրութիւն, տոկոնութիւն՝ ստանալու համար ունակութիւնը հայ գեղեցիկ այբուբենի։ Ու որքան հաստատուին, նրբանան, գեղեցկանան Ա. Բ. Ի. գծերը, թեքումները, ոլորումները, կորերն եւ ուղիղները, այնքան աւելի կը հաստատուի կամքը, կ'աղնուանայ ճաշակը, կը լրջանայ անհատը։ Այդ հաստատութիւնը, կենդրոնացումը, աղնուացումն ու լրջացումը՝ այբուբենն է կեանքի լրջութեան, հաստատուն բարոյականի, գեղեցիկ նկարագրի, աղնիւ հոգւոյ։

Բայց նաև աղգային նկարագրի<sup>o</sup>։ Հակառակ Տակիտոսի հանրածանօթ վճովն եւ Մօրիկ կայսեր հայագրուժ դատաստանին (Ազգ մի խոսոր եւ անհաղանդ են, կան ի միջի մերում եւ պատորեն, Աեր. Զ.), որոնք արժէք չունին, զի օտար շահէ ներշնչուած են — կը սիրեմ մեր նախնեաց իբր նկարագրական առաքինութիւն հոչակել հաւատարմութիւնը։ Հաւատարմութիւն հողի եւ ջրի, Աստուծոյ եւ եկեղեցոյ, հաւա-

տարմութիւն լեզուի եւ ցեղի։ Հաւատարմութիւն այնքան խոր, անդրդուելի, անձնուրաց, որ Սասանեան Շապուհի նախանձը կը գրգռէր։ Այսպէս էին նախնիք։ Այսօր սակայն տիսուր է իրողութիւնը, որ մեր առջեւ կը ցցուի։ Հայորդիներու ցըիւ ու թափառական, հայրենապուրկ եւ անտուն կեանքն անհնար դարձուց ազգային միաձոյլ նկարագիր մը։ Հայը կը փոխուի դէպի յոռին օտար երկնքի ներքիւ։ Արդեօք բնական հետեւութիւնը չէ՞ սա նոյնքան տիսուր իրողութեան, որ Հայը կը մոռնայ գրել իւր գիրը։ Շատ հեռու եմ կարծելէ, որ ամէն հայերէն գրող աղնիւ նկարագիր ունի։ Բայց հայ զրին անծանօթը կը զրկուի նկարագիր կազմող, կամք մարդող ոյժէ մը, որ ծածկուած է Մաշտոցեան այբուբենին մէջ։ Մաշտոցեան գրերը վարակիչ նկարագիր ու հոգեբանութիւն ունին։ Կը գտնէք հոն պարզն ու կնճոռտը, համեստն ու վսեմը, բմբոսան ու հլուն, խեռն ու դիւրաթեքը։ Եթէ կ'ուղէք հայերէն գրել, պէտք է որ հաւատարիմ մնաք հայ գրերուն հոգւոյն։ Սակայն ճիշդ հոն է, որ կը սկսի արդի Հայուն անհաւատարմութիւնը, եւ կը շարունակուի ուրիշ կարդի անհաւատարմութիւններով։ Սնհաւատարիմ հայ գրին, ապա՝ լեզուին, ապա՝ հոգւոյն, ապա՝ նկարագրին, ապա՝ շահերուն — ազգուրաց։

Թերեւս այդ մարդիկ — աշխարհահոչակ զրագէտներ են, գերասաններ, բեմայարդարներ։

Բայց անհաւատարիմ հայ գրին՝ հայ չեն, ո'չ լեզուով, ո'չ մտքով, ո'չ նկարագրով։ Անոնք կամ տղէտ կամ ապերախտ են հանդէպ Մաշտոցի՝ մեր Մեծ Մշակին։

ԿՈԹՈՂ ՈՒ ԶԷՆՔ

Այսպէս կը կոչեմ Մաշտոցի — մեր զրական մշակոյթի հիմնագրին — մեծ գործը։

Ամենի փոթորիկներու, աշխարհասասան յեղափոխութիւններու հետառող ժայռանման կոթող։ — Զէնք սայրասուր, մահառիթ՝ յաղթապանծ ինքնապաշտպանութեան։

Կոթող ու Զէնք — ծնունդ խորաթափանց մտքի, նուրբ ճաշակի, աննկուն կամքի։

Երանի՛ անոնց, որոնք այդ կոթողին յենած, այդ զէնքը բոնած՝ կը պաշտպանեն մարդկային, երկրաւոր արժէքներէն լաւագոյնը։ Կը պաշտպանեն օտարութեան եւ այլասիրումի դէմ։

ԿՈԹՈՂ ՄՏՔԻ, ԿԱՄՔԻ

Շինարար եղած է մեր ցեղը։ Հաղիւ հրապարակ կ'ելլէ եւ իւր դերը կը ստանձնէ պատմութեան թատերաբեմին վրայ, իսկոյն կը նուիրուի շինարարութեան։ Կը չինէ թէ՛ հաւաքաբար թէ՛ անհատապէս։ Ո'չ ժամանակի ժանիքը, ո'չ ուրիշ եւ աւելի վայրագ ոյժեր չեն յաջողած ծածկել ակօնները, ջնջել հետքերը հայ շինարարութեան։

Մի՛ կարծէք, թէ միայն օտարը ջանացած է աւերել։ Հայն ինքնին քանդելու հարկադրուած էր երրեմն։

Բայց ա'յլ է աւերը՝ իբրեւ պայման նորացէն կառուցուածքի, եւ այլ իբրեւ վախճան, նպատակ։ Այս վերջին բարբարոսութիւնը անծանօթ է Հայուն։ Նա ընդգրկած է աւերը իբրեւ պայման, իբրեւ հիմնայարդարութիւն, ու բարձրացուցած յուշարձաններ զաղափարի։

Դարեր տեսած էր նա, ողործածած էր զէնք ու բրիչ՝ չելու համար իւր նոր հայրենիքը։

Մաշտոց, արքունի խորհրդական ու դիւնապետ, կը տեսներ բազմազարեան աշխատանքին արգասիքները։ Ծանօթ էր նա Երուանդին եւ Արտաշեսին, Տիգրանին ու Տրդատին — բոլորը զոռ մարտիկներ եւ իմաստուն աշխարհաշէններ։

Երկու հակոսնեայ յատկութիւններ, իրարամերժ, անհաշու:

Զէ՞ որ չինարարութիւնը ընկեր ու պտուղ է խաղաղութեան, յատկանիշ խաղաղամէրներու:

Այո՛. բայց արեւու այս մոլորակին վրայ մոլորած մարդկութիւնը չի տար խաղաղութիւն, եթէ ինք զինքու չես ցուցներ արժանի խաղաղութեան — զէնքով:

Ահա թէ ինչո՛ւ անվեհեր մարտիկներ պէտք էին ըլլաւ ու եղած էին հայ շինարարները:

Այս է անսուստ պատգամը պատմութեան:

Հայ բարեշն հայրենիքի կոթողները հայ զէնքերու համեղածակ պտուղներն էին:

Բայց Մաշտոց, նոյնակս մարտիկ, զէնքի մասնագէտ, Մաշտոց դժողոհ էր այն կոթողներէն:

Հոգեխոռվ խորհուրդներ, հարցական ու սպառնական, Աղան կ'ընէին անոր մէջ:

Ի՞նչ մնացած էր Երուանդակերտէն, Արտաշատէն, Տիգրանակերտէն: Ո՞ւր էին արաստոյ քարերէ հսկայ, հոյակապ ապարանքները, հաստարեստ աշտարակները:

Քարուքանդ, սուր ու թափիծ զգեցած՝ անշքացած վառքեր կ'ողբան:

Իսկ մտքի արգասիքնե՞րը:

Ո՞ւր էին Արտաշիսի մը ողբերգութիւնները. Պարոյր — Պրոյերեսիասի մը ճոռոմ խօսքերը:

Ինչո՞ւ չէին հնչեր առաքելական քարոզները: Գրիգորի մը, Ներսիսի մը աստուածաշունչ խրատները պէ՞տք էին ի սպառ յօդս ցնդիլ:

Միայն աւերակնե՞րը պատմեն մեր թագաւորներուն մեծադործութիւնները: Իսկ անոնց օրէնքները, դիւանագիտական գաշինքները օտարի՞ն ստացուածք ու գաղտնիք մնան:

Ապա մե՞նք, կը խորհէր Մաշտոց, ի՞նչ կը թողունք մեր յաջորդներուն:

Պիտի մոռցուի՛ Վոստշապուհ: Մեր ալ պատմիչները մունջ քարերը պիտի ըլլան:

Բայց մեր զաւակները պիտի հասկնա՞ն լեզուն Տրդատի հովանոցին, Տեկոսի տաճարին, Վաղարշապատի կաթողիկէին:

Ու որքա՞ն պիտի տեւէ անոնց իսկ գոյութիւնը: Արդեօք պիտի չգա՞յ ժամանակ, երբ հայը վատասերած, այլասերած, իւր ձեռքով քանդէ զանոնք: Կրնա՛յ գալ: Պիտի գա՛յ: Հայ շինականը հոգւով ու սրտով հեռու է այն հոգիէն, զոր տաճարները կը խորհրդանշեն: Հեթանոս անունը նետեց, բայց բարքով մնաց նոյն, զի օտարը չի խօսիր սրտին: Խորթ է անոր Ասորին, խորթ է նաև Յոյնը:

\* \* \*

Այսպէս կ'ալեկոծէր Մաշտոց:

Ու լքեց զինուորական ասպարէզը հեռացաւ արքունիքէն. չուզեց այլեւս հայ պետական դիւանը պահլաւ ու յոյն լեզուներով խճողել:

Առաւ կրօնաւորական սքեմ. քաշուեցաւ միայնարան:

Անապատ ու միայնութիւն բերրի հող, չերմիկ արեգակ ևն մեծ ու փրկաւէտ խորհուրդներու համար:

Հոն հասունցաւ պտուղն անոր հոգեկան վսեմ երկունքին: Կրօնաշունչ եւ ազգասիրական:

Հոն վճռեց նոր կոթող մը կանգնել:

Թոյլ ու ջլատ երաղատեսի վճիռ չէր:

Վճռին գործադրութիւնը չսպասեց երազներէ, տեսիւներէ:

Զինուորականի խառնուածքով լծուեցաւ գործի: Զունէր զինավառ բանակներ իրեն տրամադրուած: Ունէր խորաթափանց միտք, անվեհներ կամք:

Նախ թափանցեց հայ լեզուի էութեան, հնչիւններուն: Ապա դուաւ միջոցը հանելու զանոնք օղոյ եւ ականջի միահեծան իշխանութենէն եւ ենթարկելու աչքի լոյսին:

Անապատը հասունցուց, բայց անապատը չէր յարմար վայրը գործադրութեան:

Դուրս կու գայ անապատէն Տիտանը՝ մեծ խորհուրդը կուրծքին մէջ:

Տեսդադին աշխատութիւն։ Ճամբորդութիւն նահանդէ  
նահանդ, գաւառէ գաւառ։ Մանրամանը խուղարկութիւն զա-  
ւառական հնչիւններու եւ բառերու։

Ապա դէպի արտասահման։

Ճշմարիտ աղջասիրութիւնը դիմէ օդտուիլ օտարէն։

Պրադտում, որոնում օտարութեան մէջ։ Մայրաքաղաք-  
ներ իրարու կը մօտենան Հսկային քայլերով։

Կատարեալ պէտք է որ ըլլայ կոթողը։ Իսկապէս բնորոշ  
ծրագիր, յղկուած ձեւեր, հաստատուն ատաղձ։ Նպատա-  
կայարմար ու ճաշակաւոր։

Առանց յոխորդ յանձնապատաճութեան կը դիմէ փոր-  
ձագիտներու մասնագիտներու հմտութեան, ձիրքերուն։ Բայց  
ինքն է ճարտարապետը։ Ինքը կը չափէ, կը թափէ, կը ձեւէ  
կաղապարը կոթողին։

Ու անծանօթ — աւա՛ղ անծանօթ — օրուան մը յաւէտ  
բարեբաստիկ մէկ ժամուն Դիւցազնին մատներէն կը ծորին  
կը թորին մէկ մէկ, անջատ անջատ, պարզ ու յատակ՝ ԱԲ—Ք։

Ո՛ կախարդական դրեր, ի՛նչ խորհուրդ եւ ի՛նչ ոյժ կը  
մարմացնէք։

Վե՛ր առէք Զեր գլուխները Հայե՛ր։ Հոլարտ ու վստահ՝  
մատնցոյց ըրէք կոթողային դործը Մաշտոցի։ Կիկերոն պիտի  
չհամարձակի կոչել զմեղ բարբարոս։ Նետեցինք բարբարոսի  
կեղեւանքները։ Քաշեց կորպեց զմեղ Մաշտոց անդիր աղգե-  
րու ամբոխէն։ Վիհ մը բացաւ, ու վիհեն մէջ ցցեց երկա-  
թեայ գրերը աշահայեաց աջաշարժ։ Դրաւ տարածեց մեր  
վրայ հովանին լոյսի ու դրականութեան։

ԱԲԳ — ու ահա Եղնիկ, Կորիւն, Թաթուլ։

ԱԲԳ — ու ահա Հրեաներ, Յոյներ, Ասորիներ իրենց  
մտածութիւններուն հայկական զգեստ կու տան։

ԱԲԳ — ու երթաք բարով պահլաւ ու սասանական գրեր  
ու գրքեր։ Տեղ տուէք սա անդուղական գրերուն, հայ գրե-  
րուն։

ԱԲԳ — սրեցէք ձեր աչքերը, ու պիտի նշմարէք ինչ-  
պէս բարձրաբերձ ծառի պտղաբարձ ճիւղերը սերման մէջ՝  
Մանդակունին, Խորենացին, Նարեկը, Շնորհալին, Կեչա-

սուեցին, Ֆրիկը — բոլորը, բոլորը, գրի ու գրչի վարպետ-  
ները, պարծանքները հայ մտքին։ Վենետիկ ու Վիեննա,  
Տփիս ու Պոլիս, Երեւան ու Պարիս ծրարուած ամփոփուած-  
են հոն կը սպասեն իրենց ժամանակին, որ բացուին ծաղկին։

ԱԲԳ — ու կը թօթափին իրենց քար լոռութիւնը շիրմ-  
ները, խաչքարերը, եկեղեցիները։ Միայն միջոց ու տեղ գտէք  
այդ գրերը քանդակելու, ու բարաւոր, դուռ, պատուհան,  
դմբեթ, մոյթ ու սիւն — ամէնքը կը սկսին խօսիլ անուններով  
ու թուականներով, եւ ամէնուն լեզուն հայերէն է։

Դարերը գաղտնիք չեն կրնար պահել հոն, ուր մուտ կը  
գտնեն այդ երկաթագիր կախարդները։ Եւ ո՞ւր մուտ չունին  
անոնք։ Պալատ ու խղիկ, կրկէս ու տաճար բաց են անոնց  
առջեւ։ Կարելի չէ աղջային կոթող կը կանգնել առանց Մաշ-  
տոցի կոթողին։ Բագաւան ու Բագնայր, Արուճ եւ Աւան,  
ճարտարապետական այդ չքնար կոթողները՝ Մաշտոցի գրե-  
րով կը յայտնեն իրենց ծագումը, հեղինակը, ժամանակն ու  
նպատակը։

Դիւցազնական ի՛նչ դրուագներ անհետ կորսուած են  
Մաշտոցի կոթողին յառաջ։ Իսկ այնուհետեւ՝ Տզմուտն ու  
Նուարսակը, Դուինն ու Բագրեւանդը կ'անմահանան, զի Մաշ-  
տոցի կոթողով հայկական սահմաններէն կը հալածուին խա-  
ւար ու մոռացում։

Կոթող մտքի, կամքի։ Բայց նաեւ ԶԷՆՔ։

\* \* \*

Մաշտոց ունէր խոր հասկացողութիւն աղդերու կեանքին,  
ծաւալման, զարգացման։ Նա գիտէր, որ պատերազմը գտան  
հարկ մըն է աղդերու գոյութեան եւ աղատութեան համար։  
Ապրիլ ուղղողը պէտք է կոռուիլ։ Թէ՛ աղդը թէ՛ անհատը։

Ապրելու կամքը զինավառած էր Հայը։ Ուզած էր ապրիլ  
իրբեւ յառաջադէմ տարր յետաղէմ տարրներու մէջ, իրբեւ  
արեւմտեան խմոր՝ արեւելեան ալիւրի մէջ։

Պատերազմն անխուսափելի էր։

Գրոհ ու յարձակում՝ մէկ կողմէն։ Յամառ ինքնապաշտ-

պանութիւն միւս կողմէն։ Թէեւ երբեք նուաճուած, բայց  
յաճախ յաղթուած զի անհաւասար էր կոիւը։

Թշնամիներու կրկնապատիկ — նիւթական ու մշակու-  
թային — ոյժին՝ Հայը դարերով հակադրած էր պարզ նիւ-  
թական ոյժ։ Մշակութային պարտութիւնը անբաժան ընկերն  
էր եղած Հայուն նոյն իսկ ամենափայլուն զինական յաղթու-  
թիւններուն։ Զենք ունեցած փառասէր, օտարի ստացուած-  
քին ցանկացող, անիրաւ պատերազմներ մղող աշխարհակալ-  
ներ — մէկ մեծ բացառութեամբ։ Ու այդ միակ բացառու-  
թիւնը, այդ միակ փառատենչ աշխարհակալը, որ գոռողու-  
թիւնն ունեցաւ չափուելու աշխարհայազթ պետութեան մը  
հետ եւ կարծեց թէ պիտի կարենայ վեհապետի իւր կամքը  
պարտադրել Կապիդոլիոնի, ինչպէս պարտադրած էր բար-  
բարոսներու — այդ միակ մեծ աշխարհակալն իւր յաղթու-  
թեան դափնիներուն, խոյրերուն ու թագերուն մէջ անդամ  
պարտեալ մըն էր։ Զիս չեն լացներ անոր զէնքերուն փայլն  
ու շառաչը, երբ կը տեսնեմ թէ անոր թագերուն ու դրամ-  
ներուն վրայ՝ պարտուածներու լեզուն դրոշմուած։ Ի՞նչ ընեմ  
պարթեւական 70 ընդարձակ հովիտները, ի՞նչ ընեմ Կապպա-  
դովկիա, Ասորիք, երբ օտար բառեր այնպէս կը յորդին հայ  
վերնախաւի մէջ, որ հայ լեզուն աւելի պարթեւ կը հնչէ  
քան հայ։

Սասանեան բանակները կանգ կ'առնուն Խոսրովի ու Տրդա-  
տայ օրերուն առջեւ, բայց այդ օրերը բութ են այն լեզուին  
հանդէպ, որ փոխանակ հայերէնի կը տիրապետէ հայ դիւանին։

Վաչէներ, Մուշեղներ, Մանուէլներ կարող են իրենց ա-  
րիութեամբ սարսափ ազգել Սասանեան, ու պատկառանք՝  
յունական բանակներուն, բայց չեն կարող կասեցնել յաղթա-  
կան չուն այն տարբներուն, որոնք կը սպրդէին Հայու լե-  
զուին, սրտին, հոգեւոյն մէջ, եւ կը սպառնային Հայը խեղդա-  
մահ ընել իւր իսկ հայրենիքի մէջ։

Պատի՛ւ Դ. դարու մեր դիւցազներուն։ Բայց չմոռնանք,  
որ այդ դարը օրհասական դարերու առաջին օղակը պիտի  
գառնար, եթէ ուազմագիտօրէն անհաւասար կոիւը չհաւասա-  
դառնար,

բակշուուէր, եթէ ճգնաժամային այդ ըոսէներուն Հայերը  
չստանային նոր սպառազինում։

Կղերական սքեմի ներքեւ զինուորական մը կատարեց այդ  
նորակազմ սպառազինումը՝ իւր գրերով։

Ծովէն ու ցամաքէն յառաջացող վիշապներու երախքէն  
կորզեց ազատեց իւր ազգը, որ բնազդաբար ըմբռնեց բախոռ-  
ուոչ վայրկեանը։

Կա՛մ յարիլ Մաշտոցի, ամուր բոնել անոր երկարած  
դէնքը, եւ կամ յօշոտուիլ վիշապներէն։

Ու Հայը կառչեցաւ նոր զէնքին հոգւով ու սրտով, խան-  
դավառ ու հաւաքական գաղափարապաշտութեամբ։

Մրցում ու եռուզեռ արքունեաց ու ժողովուրդի, կղերին  
ու աշխարհականին, զինուորականին ու քաղաքացոյն մէջ։

Կղերը կ'ողջունէ զայն իրրեւ միջոց քրիստոնէութիւնը  
հայացնելու։ Արքունիքը՝ իրրեւ թումբ օտարի ոտնձգու-  
թեանց դէմ։ Զինուորական ու քաղաքացի՝ իրրեւ միջոց դի-  
տակից առաքինութեան վերածելու հայրենասիրութիւն եւ  
աղղասիրութիւն։ — Ամէնքը կը տեսնեն հոն խարիսխը  
փրկութեան, ազատութեան։

Պատանիներ կը թողուն հայրենիք, կ'երթան ապրելու  
օտարութեան մէջ։ Բայց ո՛չ երբեք օտարանալու համար։  
Անխոց են, զինակուու։

Պիտի վերադառնան շտեմարանած լոյս եւ ոյժ։

Կը յօրինուին հայերէն երկեր։ Կը սփոռուի ցանցը դպրոց-  
ներու։ Կը բթանան հայ ազգային մարմնոյն մէջ միուած ճի-  
րաններն օտարութեան։

Ի սպառ նուաճուելու, ոտնհար ըլլալու, ճուլուելու վրայ  
եղող ազգը՝ յանկարծ կ'երիտասարդանայ դրական սպառ-  
զինումով։

Այս նոր զէնքով ազգը կրնայ անլիթար կուրծք տալ ապա-  
գայի բոլոր փոթորիկներուն, հարաւաշունչ խորչակին, անհ-  
պատածին գաղաններուն, հիւսիսական սառնամանիքին, արեւ-  
մտածաղ խարդախութեան ու նենդութեան։

կրնան փշրուիլ նիղակները, ձեղքուիլ վահամները: Բայց  
կը մնայ զէնքը գրին եւ Հայը՝ այդ զէնքին ապաստան:

Փոթորիկը կարող է սաստօրէն ցնցել տերեւալից պտղա-  
ղարդ ծառը Հայկեան. կայծակ ու շանթ կրնան ոստաքանց  
ընել ու չորս հովերուն նուիրել տերեւները — բայց կը մնայ  
Հայը ցորչափ ձեռքն է զէնքը գրին:

Կար ժամանակ երբ նիւթական զէնքի կապուած էր Հայուն  
դոյութիւնը: Մաշտոց գրին յանձնեց զէնքի գերը:

Թող ըլլանք զինաքափ — կրնանք ապրիլ իբրեւ Հայ:  
Բայց երբ վատօրէն ըլլանք զրաքափ — այն ատեն իբրեւ Հայ  
չունինք կեանք:

Եւ ինչո՞ւ լունք: Հայն ունի իւր գրին թշնամին:

Մենք կը պանծացնենք զՄաշտոց: Ուրիշներ կը խծրծեն,  
կը պարսաւեն:

Ինչո՞ւ — կ'ըսեն — փոխ չառաւ նա ուրիշ գիր: Թող  
առնուր յոյն, լատին կամ պահլաւ գրերը: Զէինք կզզիանար:

Ինչո՞ւ փոխ չառաւ: Զի պէտք էինք բաժնուիլ, կզզիա-  
նալ՝ աղատ չնչելու, անկախ ապրելու համար:

Մաշտոց չէր ուզեր զմեզ խառնուած ձուլուած կորսուած  
տեսնել: Այդ պատճառաւ յղացաւ ինքնուրոյն գիր:

Հայ գրի թշնամին՝ թշնամի է Հայու զոյութեան:

Այսպէս հնութեան մէջ: Այսպէս այօր: Այսպէս նաեւ  
ապադային:

Շրջակայ զօրեղ ու մեծ ցեղերու համատարած ծովուն  
մէջ կանզնեց Մաշտոց Ժայուը իւր գրերուն:

Այդ ժայռն է մեր ազգային փրկութիւնը:

Կամ այդ ժայռին վրայ զինավառ՝ իբրեւ Հայ. Կամ ժայ-  
ռէն վրա զինաթափ՝ իբրեւ օտար:

Կամ ժայռին վրայէն կը ժպտինք մրճահար թնշամիներու,  
եւ կամ ժայռէն թաւալգլոր՝ հիքօրէն կը դահավիթինք ան-  
դունդներն օտարութեան ու տմարդութեան:

## ՄԱՇՏՈՅՑԵԱՆ ՄԻՈՒԹԻՒՆ

Գրի գիւտը առաջին եւ էական պայմանն էր նոր դարու  
մը ոսկեղէն բովանդակութեան:

Ամբողջ մշակոյթ մը իւր բոլոր մասերով պարփակուած է  
Մաշտոցեան գործին ու դարուն մէջ — լեզու եւ գրականու-  
թիւն, պատմութիւն ու բանաստեղծութիւն, երաժշտութիւն  
ու ճարտարապետութիւն, կրօնական-բարոյական վերելք եւ  
աղդային փթթում:

Այսքան եւ աւելի ճոխ էր Մաշտոցի գործը:

Սակայն այսպիսի գործ մը կրնար ի գլուխ ելել միայն  
համագույշին Միութեամբ: — Այդ Միութիւնը կը պակսէր:

Ոսկեղէն դարուն արեղակէն յառաջ՝ Հայաստանի մէջ կը  
տիրապետէր պառակտում եւ ընդդիմամարտութիւն:

Արեւելքէն եւ արեւմուտքէն վիթխարի ալիքներ կը յա-  
ռաջանային գէպի Հայաստան, եւ հոն կը պայթէր ամեհի փո-  
թորիկ մը, որ կը սպառնար փճացնել երկիրը, խեղդամահ  
ընել բնակիչները:

Յունական-պարսկական փոթորիկին դէմ՝ փոխանակ իրա-  
րու օգնութեան ձեռք կարկառելու, լաստ ու փարոս դառնա-  
լու, զիրար կը քչէն յորձանքին բերանը: Օտարը քաղցկեղի  
նման կը քալէր դէպի կոկորդ ու չկար մէկը, որ կասեցնէր  
անոր ընթացքը:

Գահը, հայ գահը ունէր այդ բնական կոչումը: Բայց ազ-  
գային շահերը պաշտպանող մէկ գահին ճակատին դէմ՝ երեք  
կուսակցութիւններ կը կանզնէին պաշտպան սեպհական եւ  
օտար շահերու:

Պարսկամէտ կուսակցութիւնը կ'ուզէր Պարսկին վերա-  
պահէլ Հայաստանի տիրապետութիւնը: — Զէ՞ որ ցեղային  
արիւնային աղերսներ դոյութիւն ունէին:

Յունամոլ կուսակցութիւնը կ'ուզէր Յոյնին յանձնել գե-  
րիշխանութիւնը: — Զէ՞ որ նոյն Աստուածը կը դաւանէին,  
նոյն կրօնի եւ բարոյականութեան հետեւորդներն էին:

Ասորահակ կուսակցութիւնը Ասորի տարրը կ'ուզէր գե-  
րակշխու տեսնել զոնէ եկեղեցւոյ եւ դպրոցներու մէջ: — Զէ  
որ միջին եղրն էր սա, որ Պարսիկը կը գոհացնէր եւ քրիստո-  
նէական դաւանանքը անվթար կը պահէր:

Կուսակցութեան պետերը կը վարձատրուէին օաւարէն  
իրենց եռանդեան եւ հաւատարմութեան համար: Սակայն  
Հայաստան կ'աւրուէր, Հայերը կը վնասուէին բարոյապէս,  
կ'օտարանային աղդովին:

Ահա պարսկական բաժինը Հայաստանի: — Պարսկական  
բարք ու բարոյք, պարսկական նիստուկաց, պարսկական տօ-  
ներ՝ առաւելապէս հայ ազնուականութեան մէջ: Պարսկերէն  
կը խօսի աւագորեարը, եւ կամ հայերէն մը պարսկացած:  
Եկեղեցւոյ մէջ Ասորին է տէր տիրական իրք փոխանորդ  
Պարսկին:

Անդին յունական բաժին մը: Յոյն կարդ ու սարք, յոյն  
խօսք ու տառ: Կարծես աւելի մեծ է վտանգը յոյն տարրին: Անոր  
առջեւ ամէն դուռ բաց է — աշխարհական եւ եկեղե-  
ցական: Հայ սրբավայրները կը թափանցէ անարդել: Ինչ որ  
այսօր Հայութեան անառիկ ամրոց կը համարուի, այդ ամ-  
րոցը գրաւուած էր ամէնէն առաջ ու դիւրաւ:

Պարսիկը կը ջանար յառաջանալ դրսէն դէպի ներս: Յոյնը  
արդէն տէր էր ներքնոյն, հոգւոյն, կենդրոնին, կը մնար նուա-  
ճել արտաքին կեղեւը, եղերայինը:

Օտարութիւնը ահոելի սեպ մըն էր՝ միուած հայ աղդային  
եւ եկեղեցական մարմնոյն մէջ:

Գերաստիձան պառակտում, քայքայում:  
Վիհ արքունիքի եւ ժողովուրդի միջեւ:  
Վիհ ժողովուրդի եւ եկեղեցւոյ միջեւ:  
Եւ արդի՞ւնքը: Տիրապետութիւն՝ բաժնողին, եւ սորկու-  
թիւն՝ բաժնուողներուն:

Հայաստան դադրած էր դոյութիւն ունենալ է իրեւ քա-  
ղաքական ամբողջ: Անոր հետ միասին տուժած էր նաեւ աղ-  
դային ամբողջութիւնը: Հողային ամբողջութիւնը:

Եթէ իրերն այնպէս դահալէժ ընթանային, ամենադառն

էր հետեւութիւնը: Հայը իւր երկրին մէջ պիտի տեսնէր,  
պիտի զգար՝ ինք զինքը՝ օտար, եւ օտարը՝ տանուտէր:  
Հայութիւնը տեղի պիտի տար Հոռոմութեան ու Պարսկու-  
թեան:

Եւ ինչո՞ւ:

Զի հայութիւնը խմբուած չէր մէկ դրօշի, մէկ դաղափարի  
շուրջ:

Կը պակսէր ուժեղ Միութիւնը՝ կասեցնելու համար  
անդնդաթաւալ վաղքը:

\* \* \*

Աղդային պատմութեան այդ ճդնաժամուն՝ երեւան կու  
գայ տիպար, հսկայ Հայը: Հսկայ՝ ոչ նիւթական ոյժի, այլ  
կամքի եւ գաղափարներու, հոգւոյ եւ հասուն խորհուրդներու:

Նոր դաղափար մը կը նետէ հրապարակ: Հայ գրի, Հայ  
դրական մշակոյթի գաղափարը:

Աղդանշան էր նոր պատերազմի, նոր ուաշմաղաշտի, նոր  
ուաղմաղարութեան:

Այն մարզին վրայ Հայերը գաճաճներ էին, իսկ թշնամին՝  
վիթխարի: Ճիշդ այն մարզէն քաղած էր թշնամին յաղթու-  
թեան դափնիներ:

Հայ Տիտանը կը վճռէ այն մարզի վրայ չափուիլ ու խլել  
դափնիներ յաղթութեան:

Դիտէ՞ք թէ ինչ ոյժ կը բերէ մարդուս՝ յուսահատու-  
թիւնը: Ամէն մէկ մսան, նիարդ ու մազմզուկ՝ ուժազբիւրի  
կը փոխուի: Յուսահատական ոյժը՝ գերմարդկային ոյժ է:

Ոչ լոկանհատը, աղքն ալ կարող է զգալ ու ցուցնել յու-  
սահատական, գերմարդկային ոյժ: Եւ այն ատեն ազգը իրեւ  
մէկ գերանհատ, մէկ գերմարդ կը խորհի, կը վճռէ, կը գործէ:  
Անկարելին, անհաւատալին կը դարձնէ կարելի իրական:

Անհաւատալի բանի մը կը գտտէր Մաշտոց: Բայց ստեղ-  
ծեց միակ յարմար միջոցը զայն իրականացնելու. Միութիւն:

Ինչպէ՞ս եղաւ, չգիտեմ:

Բայց գիտեմ, որ հազիւ կը հնչէ աւետիքը Հայ Գրին — խորհուրդ ու գիւտ մէկ անհատի — ամբողջ աղղը, ամբողջ Հայաստան իրեւ մէկ մարդ կը յարի գրին :

Ո՞ւր է բաժան բաժան, ծուէն ծուէն եղած Հայաստանը : Կարծես հմայութեամբ կը չքանան կուսակցութիւնները, կը կամրջուին աղնուականի եւ ոամկի, կղերի եւ աշխարհականի վիճերը, ու բոլորը՝ միասիրտ, ու միարան, միախորհուրդ ու միակամ կը խանդալառուին հայ գրով :

Ոչ մի տարաձայնութիւն :

Մի՛ սպասէք որ ստորին նախանձէ տարուած՝ արդելք յարուցանէ՝ Ս. Սահակ: Ընդ հակառակն՝ կը զիջանի ըլլալ առաջին աշակերտ Մաշտոցի :

Մի՛ սպասէք, որ հայ արքունիքը խեթիւ նայի նոր դէնքին, որ կոչուած էր նսեմացնել միւս բոլոր գէնքերը: Վոամշապուհ է թեւ թիկունք հայ գրական Միութեան, հայ նոր շարժման: Թեւ թիկունք՝ նիւթապէս ու բարոյապէս:

Մի՛ սպասէք ուեւ խոչնդու հայ կուսակցութիւններէն: Որքա՞ն արդելք կը նային յարուցանել ու վսասել, վիժեցնել զործը: Պարսիկ կուսակցութիւնը կրնար բողոքել հայ գրին դէմ ի սէր պահլաւականին: Ցոյն կուսակցութիւնը կրնայ պահանջել որ անխախտ պահուի յոյն լեզու, յունարէն Ս. Գիրք: Ասորի կուսակցութիւնը կրնար մերժել հայ գրերը, քանի որ ասորի գրեր կարելի էր օպտագործել . . . :

Սակայն ոչ մի բողոք, ոչ մի պահանջ: Լոկ ձայներ ցնծութեան եւ հաւանութեան: Հայ նախարարական տներու զաւակները կը յանձնուին Մաշտոցի: Հայ գրերով պէտք է մարդուին անոնք, ոչ թէ միայն նետ ու տէկով:

Մաշտոցի հետ են հայ ժողովուրդի բոլոր խաւերը:

Զոհողութիւններ կը պահանջէ անոր գիւտը: Հարկ է լքել տուն, ընտանիք, հայրենիք: Հարկ է դառնալ պանդուիտ նժղեհ, տքնիլ քրտնիլ՝ մարմահական ու հոգեկան հիւծումներով:

Հոդ չէ: Պահանջն է դա Մաշտոցեան Միութեան:

Հայ մայրեր ու քոյրեր համակամ են, որ հեռանան իրենցմէ Եղնիկն ու Կորիւնը, Յովսէփն ու Ղեւոնդը: Թէեւ չգիտեն, թէ Ե՛րբ պիտի վերադառնան ու պիտի վերադառնան:

\* \* \*

Այո, վերադառնան այն կորիւններն իրեւ առիւծ, իրեւ ջահեր ու ջահակիրներ :

Անոնց վերադարձով Մաշտոցեան Միութիւնը ի վիճակի կ'ըլլար արշաւներ սարքելու:

Ու կը սկսին արշաւի — հայ գրերով գինուած Մաշտոցեան Միութեան այդ զինուորները:

Քանանուհինդ տարուան քրտնաթոր աշխատանքով կերպարանափոխ կ'ընեն Հայը, Հայաստանը, Հայուն ճակատագիրն ու պատմութիւնը:

Նոր ասպարէզ մը կը բացուի հայորդիներու առջեւ: Դպրոցականը:

Նոր գործունէութիւն մը կը ժպտի հայ մտքերու: Գրականը:

Մաշտոցեան Միութեան արձակած ճառագայթներով կ'ողողուին կը լուսաւորուին նաեւ դրացիներ: Վիրք ու Աղուանք, Հայերու կոթնած, Հայերէ առաջնորդուած, կը լքեն անդիր աղդերու գիշերային ընկերութիւնը:

Պատմականօրէն դարակազմիկ էր արդիւնքը Հայոց համար: Ներարկուեցաւ անոնց ինքնավահութիւն, ապրելու կորով եւ յաղթելու ապահովութիւն: Թշնամին կորսնցուց սէզ գիտակցութիւնը՝ ամենակարողի: Ստիպուեցաւ ճանչնալ իրաւունքը Հայուն գոյութեան:

Հայոց ինքնակաց գոյութեան խորհրդանշան են իրենց ինքնուրոյն գրերը, հայ երգերն ու աղօթքները, հայդիր հայաւեղու դաշնակներն ու արձանագրութիւնները:

Թշնամին կ'ուղէր Հայը հայրենիքին մէջ իսկ օտարացնել:

Մաշտոց գտաւ միջոց՝ օտարութեան մէջ իսկ Հայը պահելու եւ օտարացածներն ալ հայացնելու:

\* \* \*

Ու հոս է մեղի համար ամէնէն ուշադրաւ կէտը :

Կարծես Մաշտոց պայծառատեսութիւնն ունեցաւ Հայուն Հայրենազուրկ վիճակին . կարծես նախատեսեց , որ Հայը օտար երկիրներու մէջ պիտի ստիպուէր նոր Հայրենիք փնտուել :

Պատմութիւնը կը վկայէ , որ սխալած չէր :

Ու մենք կը վկայենք :

Մաշտոցի շնորհիւ Հայ ենք ու Հայ պիտի մնանք :

Ոչ թէ օտարը մեղի է եկած , ինչպէս Ե . դարուն , այլ մենք գացած ենք օտարին :

Այն բոլոր վտանգները , որոնք գոյութիւն ունէին Ե . դարուն եւ որոնց դէմ մաքառեցաւ Մաշտոցեան Միութիւնը , գոյութիւն ունին նաեւ այսօր — առանց գուրս հանելու նոյն իսկ հեթանոսութիւնն ու կրակապաշտութիւնը :

Անոնց դէմ ճակատ յարդարելու ենք :

Այո , տարբերութիւնը շատ մեծ է , երբ թշնամին տունդ կը խուժէ եւ կը բռնանայ վրադ , երբ եւ դու' տունդ կը թողուս եւ օտարէն կը հայցես պատ կեանք :

Ե . դարուն՝ օտարը թշնամի էր : Այսօր՝ օտարը հիւրըն-կալ է , բարերար է :

Բայց , աւա՛ղ , բարերար մը , որ կամայ ակամայ , նոյն իսկ առանց չարադիտութեան , զմեղ բարոյական ու ազգային կեանքէ կը զրկէ՝ երբ մեղի բնական , անհատական կեանք կը շնորհէ :

Օտարը չունի յանցանք մեր պարագային : Մերն է յանցանքը , զի կ'ազդուինք , զի կը մեռնինք իրեւ ազդ , թէեւ կրնայինք ապրիլ , կրնայինք պահել ինքնութիւնը՝ ապաւինած Մաշտոցեան Միութեան ու Գրին :

Կրնայինք , բայց չուզեցինք , ու մեռանք :

Այսպէս մեռան Զ . դարուն թուրքաստան գերի տարուած Հայեր : Զի , կըսէ Սիր . ԺԴ . «զլեզու իրեանց մոռացան եւ դպրութիւն նուազեալք եւ կարդ քահանայութեան պակառեալք» :

Այսպէս մեռան հին Հայերը , Լեհաստանի , Բալկաններու :

Այսպէս կը մեռնին Հայերը այսօր՝ գրեթէ ամէն տեղ :

Մաշտոցեան գիր , Մաշտոցեան Միութիւն — ահա մեր

Վրկութիւնը : Այն գիրը որ եղաւ խարիսխը Ե . դարու Հայուն ալեկոծ նաւուն , որ տուաւ անոնց վրկաւէտ ծանօթութիւն լեզուի ու պատմութեան , որ տոգորեց զանոնք նախնեաց նուիրական աւանդներու պաշտամունքով . այն գիրը որ լեցուց անոնց կուրծքերը օրինաւոր հպարտութեամբ ու կենսունակութեամբ , նոյն գիրը պիտի պահէ զմեղ , եթէ պահպանենք զինքը եւ անոր հետ լեզու եւ պատմութիւն , տոհմային աւանդութիւն եւ առաքինաւութիւն : Օտարին ձիգերը ի զուր են հանդէպ այս անխոց վահանին : Բայց երբ մենք նետենք զայն , մոռնանք հայ գիրը , եւ անոր հետ ամէն բան որ հայկական — մեր մահը անխուսափելի է : Վաղ կամ անադան :

Բայց Մաշտոցեան զաղափարը , գիրը կենդանի պահելու համար հարկ է Մաշտոցեան Միութիւն :

Ե . դարու հայկապ գործն ի գլուխ չէր ելլեր առանց աղպային համազործակցութեան : Նոյնպէս այսօր՝ օտարութեան մէջ գրի եւ ազդի պահպանումը միասիրտ գործակցութիւն կը պահանջէ :

Դիւրին է մատոնանիշ ընել նմանութեան գծեր Ե . եւ Ի . դարերու միջեւ , հակառակ բացայացտ խոշոր տարբերութիւններու :

Հոսանքներ , կուսակցութիւններ , բաժանում , պառակտում , քայքայում՝ նմանութեան գծեր են :

Բայց ազդային զրի եւ մշակոյթի զաղափարը չքացուց իրամատաները , միացուց սրտերն ու մտքերը :

Պարսկական ու յունական , ասորական եւ ազդային կուսակցութիւնները ձեռք ձեռքի բոլորուեցան մէկ լուսաւոր գաղափարի շուրջ եւ անոնց կարծնեղ բազուկներուն վրայ զրուեցաւ Հայ ազդի ապագան :

Ինչո՞ւ Հրաժարեցան իրենց զատող անջատող տեսակէտներէն եւ ենթարկուեցան Մաշտոցի :

Զի այդ կը պահանջէր ազդին գոյութիւնը , գերազոյն շահը :

Միտք ու խիզճ , կրօն ու ազդամիրութիւն կը պահանջէին այդ միակամ կենդրոնացումը , որ պայման էր ոյժի , յառաջադիմութեան , բարօրութեան :

Հնդհանուրը, պէտք է որ նաեւ այսօր յաղթէ անհատականին, մասնականին, եթէ կ'ուզէք՝ կուսակցականին:

Ուժեղ են անոնք, որ մի են:

Մաշտոց կընայ նաեւ այսօր, 1500 տարի յետոյ, ստեղծել միութին — միայն թէ հասկնանք զինքը:

Միութին՝ ոչ թէ մէկ օրուան համար, մէկ հարցի մէջ:

Միութին ամէն ժամանակ եւ ամէն հարցի մէջ, որ կը հայի կրօնի ու բարոյականի, ազգային կեանքի ու պատուց, ազգային արժէքներու ու պատմութեան:

Ազգին ոյժը՝ հայ անհատին ոյժ է: Ազգին փառքն ու յաղթութինը՝ հայ անհատին փառք ու յաղթութին է:

Մեզմէ, իւրաքանչիւր անհատէ, կախուած է ազգը՝ միութեամբ՝ դարձնել կենսայորդ հզօր:

Ինչո՞ւ ընենք զայն ուժաթափ ուժաքամ, կենազուրկ կենազրաւ — պառակտումով:

\* \* \*

Անմտութին է փրկութեան միջոցը ճանչնալ եւ զայն չկիրարկել:

Հին երդ պիտի ըլլար, եթէ յեղյեղէի, ինչ որ լսած էք բիւրից:

Գաղութներու մէջ, եւ, սոսկալի՛, հայրենիքի՛ մէջ, կը նսեմանայ Մաշտոցի գաղափարը, կը մոռցուի գիրը, չի սիրուիր լեզուն:

Մաշտոցեան գիր ու գաղափար՝ հրապարակաւ կը խծրծուի, կը պարսաւուի, կը նախատուի:

Մաշտոց — սարսա՛փ ու սոսկո՛ւմ — կ'ըսեն, ժողովուրդի թշնամի էր: Անպէտ էր հայ գիրը: Պատճառ եղաւ պատերազմներու: Նա բաժնեց զմեկ մարդկութեան մեծ համայնքն, եւ այսու՝ աղքատացուց, սնանկացուց զմեղ, վտանգեց մեր գոյութինը: Գիրը՝ զէնք էր: Եթէ չէր սիրեր պատերազմ, պէտք չէր զէնք տալ հայուն ձեռքը...

Մահաղէմ, ճիւաղայի՛ն տեսաբանութիւն:

Ե. դարուն այսպէս չխորհեցան իւրարու հակառակ կուսակցութիւնները:

Խեղաթիւրում արժէքներու: Զեղծում բառերու:

Անիմաստ է հերքել, հակածառել:

Դիմակաւոր հի՞ն թշնամիներ Հայուն գրին ու գոյութեան:

Եթէ նսեմացած է Մաշտոցեան գիր ու գաղափար — հետքն անդամ մնացած չէ Մաշտոցեան պահծալի միութեան:

Գծեցի Ե. դարու պատկերը: — Բերկրառիթ պատկեր, պատկերն այն համերաշխ, համաշունչ Միութեան:

Այսօր պատկերը փոփուած, անձանաչելի դարձած է:

Պառակտումի ակօնները օր է օր կը խորանան, վիհերու կը փոխուին: Եւ այն՝ Հայ գրին ուժով:

Երանի՛ թէ Հայ գիրը մունային անոնք, որոնք զայն կը դործածեն թոյն ժայթքելու, ժահը թափելու, ազգը յօշոտելու, ազգին մէջ տաելութիւն ու թշնամութիւն սերմանելու, Հայորդիները՝ զիրար բզկտող գաղաններու փոխելու:

Հին հայ գիրը անգնահատելի ծառայութիւններ մատուցած է թէ՛ ազգին թէ՛ մարդկութեան: Իսկ նոր հայ գիրը կը ծառայէ աշխարհի, զմեղ հիւրընկալող պետութիւններու՝ ցուցնելու թէ զիրար ինչպէս կը խածատեն, կը վարկարեկեն, կ'արատաւորեն, բարոյապէս կը մահացնեն Հայերը:

Ե. դարը մէկ ճակատ կազմեց օտարին դէմ Հայ գրով, ու յաղթեց: — Այսօր, օտարը մէկ ճակատ կազմած է մեղի, մեր գրին ու մշակոյթին դէմ, ու մենք չենք զգաստանար, ու ներքին ճակատներ կը խորտակենք Հայ գրով:

Երբ փրկութեան միջոցը՝ դաստապարտութեան, յաղթութեան միջոցը՝ պարտութեան, Միութեան ու կեանքի միջոցը քայլայման ու մահուան կը վերածուի — ի՞նչ կարելի է յուսաւ:

Մաշտոց, ներէ, որ ես ալ զրեթէ ուշակորոյս՝ դասակոչ ընեմ զբեղ ու հարցնեմ. ինչո՞ւ տուիր մեղի գիր: Զէի՞ր գիտեր, որ երկսայրի սուր է նա: Զէի՞ր գիտեր, որ ազգդ տղումը պէս պիտի խաղար անով: Խարուեցա՛ր — երեւի — անոր առաջին պատուզէն: Բարձրացուր այժմ գլուխդ եւ ըսէ. Հինցած չե՞ն գրերդ: Ժամանակը չէ՞ որ լքենք զանոնք ու վերադառնանք յոյնին, ասորւոյն կամ պարսկին...

## ՄՇԱԿՈՅԹԻ ՊԱԿԱՍԸ

Յանդուգն խօսք՝ մշակոյթի օրով:

Մեզի համար վեր է ամէն տարակոյսէ եւ անժխտելի, որ ի. դարու Հայերս գերակշխու ենք մշակոյթի մէջ: Կը պարծինք, որ կը պատկանինք լուսաշող դարու մը եւ իւրացուցած ենք անոր հոգին, լոյսի եւ յառաջադիմութեան հողին, աննախընթաց մշակոյթի մը պանծալի հոգին:

Բայց իրապէս պանծալի՞ :

Եթէ մշակոյթը համանիշ ըլլար ճարտարուեստի, տնտեսակիտութեան, ճարտարագործութեան — անշուշտ մէնք պիտի շահէինք ամենաբարձր մրցանիշը: — Եթէ մշակոյթ նշանակէր գեղարուեստ, ճարտարապետութիւն, նկարչութիւն, փիլիսոփայութիւն — պարծանքի մեր չեշտը պիտի տկարանար զգալիօրէն, զի մեր աստղերը կը նսեմանան հին աստղերու կողքին, մէնք թերուս աշակերտներն ենք հին վարպետներու: Այս տեսակէտէ՝ մեր մշակոյթի ցոլքը՝ փոխառութիւն է հին արեգակներէ: — Իսկ եթէ մշակոյթ կոչենք հաւասարակշռութիւնը մարդկային կեանքի, ներդաշնակութիւնը գոյութեան իմաստին եւ ապրուած գոյութեան, Եթէ մշակոյթն է ժամանակաւոր եւ յաւիտենական արժէքներու համերաշխ գուգորդումը, զանգումը, որպէս զի իրականանայ գաղափարական աղնիւ մարդը — հարցը բոլորովին ուրիշ կերպարանք կը ստանայ:

Ունեցած ենք ազգային մշակոյթ իրապէս պանծալի, իսկ այժմ ունինք ի. դարու բնորոշ մշակոյթը — եւ այդ է մեր պակասը: Ի. դարու ազգերուն աշակերտելով տիրած ենք բնութեան ոյժերուն, հում նիւթերուն: Բայց չենք տիրած ու կարծես չունինք ձգտում տիրելու այն հում նիւթերուն եւ անսանձ ոյժերուն, որոնցմով լի է մեր ներքինը:

Տիրել ներքնոյն, մշակել հոգի ու սիրտ — ահա ուժեղ կողմը մեր նախնեաց մշակոյթին: Անոնց սեպական էր իսկական մշակոյթը: Ամբողջ կեանքն ու դործունէութիւնը,

անոնց հայրենասիրութեան եւ գեղարուեստի կոթողները — որոնցմով հպարտ ենք — հոգւոյ խոր մշակոյթի, հոգեկան արժէքներու եւ յաւիտենական ճշմարտութիւններու ապացոյց են եւ արդիւնք: Մեր հայրերուն երկիրը չէր թաւալէր յաւիտենականին հակառակ ուղղութեամբ: Նիւթը չէր սպաններ երկնաւաց հոգին. այլ կը հպատակէր կը ծառայէր: Մարդու պատուին ու գիրքին չափանիշ չէր քսակը. այլ ներքին արժէքը՝ առաքինութիւնը: Ամէն բան չէր ծախուէր: Չէր կարելի ամենայն ինչ գնել: Կար զիտակցութիւնը անդինին: Վաս էր ստորնացնող, ոժնէօրէն անպատճող արատներու սոսկումը: Մին բառեր չէին ճշմարիտ ու սուստ, բարի ու չար, մեղք ու սրբութիւն: Անոնց համար՝ այդ էր բուն իրականութիւնը, որուն հանդէպ կը տժգունէր ուրիշ ամէն իր: Անծանօթ էր այն մշակուած հոգիներուն՝ իտանաշփոթութիւնը եւ վերիվայրումը արժէքներու նուիրապետութեան՝ Բացարձակին եւ Յարաբերականին, էականին եւ երկրորդականին, պարտականութեան եւ հաճոյքին: — Այսպիսի հոյակապ ներդաշնակութիւն էր անոնց մշակոյթը — համակ լոյս եւ ոյժ, ներամփոփ կենդրոնացում: Անկէ կը բխէր իբրեւ հարազադաւակի մէջ այլոց անոնց չքնաղ գեղարուեստը: Հոգւոյ մշակոյթին լոյսին ներքեւ միայն հասկանալի եւ հիանալի կը դառնան Զուարթնոցներն ու Երերուքները: Անոնք լոկ ճարտարարուեստ չէն: Եթէ այլ չափանիշով մօտենանք գեղակերտներուն, կ'անիրաւինք անոնց մշակոյթին, ու մենք մեղք կը փակենք հասկացողութեան, իւելամտութեան դոները:

\* \* \*

Որքա՞ն հեռացած, աննման ենք մենք մեր մշակոյթով, որ ազգային չէ, այլ ի. դարուն է:

Կամայ ակամայ, կամ ի բրեւ ի բնէ յառաջադէմ ցեղ, կամ դէպքերու բերումով նետուած ենք արդիական հոսանքի մէջ, կը քալենք հեւ ի հեւ՝ ժամանակի պահանջին համեմատ. ըմորած հեռածայնով ու հեռագրով, անթելով ու սաւանակով, տեսանելի եւ անտեսանելի, ծանօթ ու անծանօթ ճառապայթներով՝ չենք գտներ հանդիս ու գաղար լրջախոհ ու

ներքնահայեաց անդրադարձումներու եւ դասաւրումներու, քննելու խակական արժէքներ, որդեգրելու պիտանին, ոչ թէ պատեհապաշտօրէն այլ բարոյագիտօրէն ու ճշմարտազնորէն։ — Անհատական եւ ընտանեկան կեանքի ներդաշնակութիւնը խանգարած է։ Ընկերական հաւասարակշուութիւնը կորսուած է անբնական պրկուածներով։ Խմբաւորումներ մշակութային պիտակներով եւ հակամշակութային հոգւով՝ անհատներ կը կոյրցնեն ու կը զայրացնեն իրարու գէմ։ Միշտ աւելի կը լայն-նայ ու կը խորանայ վիհը բաժանարար, զի չքացած է ներուժ մշակոյթը։ — Մեկնեմ միտքս հակառիներով։ Ունինք լոյսի եւ նիւթի մասնագէտներ, որոնք խաւարը կը հալածեն նոյն խսկ ոսկըներու միջն։ ահա մշակոյթ։ Զունինք հոգիներ, ուր նշուղիք նախնեաց կրօնին ու բարոյականութեան լոյսը — ահա պակասը մշակոյթի։ Ունինք բժիշկներ ախտածանաչ ախտահալած, վիրաբոյժներ հրաշագործ մատներով, բնագէտներ՝ մանրագէտերով ու խոչորացոյցերով, որոնք անտեսանելին տեսանելի կը դարձնեն։ ահա մշակոյթ։ Հոգւոյ ախտերն աննկատ կը մնան, մահացու հանդամանք կ'առնեն, վէրքերը կը խղխայթնեն, մշուշը ներքին մարդուն տակաւ կը թանձրանայ ու հոգեզնին ջլերը կը թթանան կը բրտանան — ահա պակասը մշակոյթի։ Համոյքի պէտքը կը խթանուի, անոր յագուրդ տալու անսպաս միջոցներ կը ստեղծուին — աչքի եւ ականջի, քիմքի եւ չօշափելեաց — ահա մշակոյթը։ Բարւոյ եւ առաքինութեան կարիքը մոռացութեան կը տրուի, միջոցները կ'անտեսուին, կը մերժուին, կը ծաղրուին — ահա պակասը մշակոյթի։ Եսապաշտութիւն, հաճոյամուլութիւն, ընչափաղց մբցում — ահա մշակոյթը։ Անձնազոհութիւն, անձնազուապ ժուժկալութիւն, մեծասիրտ առատաձեռն համայնական բարեգործութիւն — ահա պակասը մշակոյթի։ Ամէն փառք ու պատիւ՝ չքոտի, չգոյ արարածին — ահա մշակոյթը։ Ոչ մի պաշտամունք, ոչ մի տեղ, ոչ մի պատիւ՝ Որ էն Աստուծոյ — ահա պակասը մշակոյթի։ Մէկ խօսքով՝ արտաքին մարդը, մարմինը, լեզուն, մտքի ծանօթութիւնները, ձարտարարուեստ ու արհեստ — ահա մշակոյթը։ Ներքին մարդը, ազնիւ սիրտ, բարւոյն յարած կամք, աստուածա-

պաշտ հոգի — ահա պակասը մշակոյթի։ Կայ մակերես — չկայ խորք։ Կայ շպար — չկայ ներքին գեղեցկութիւն։ Կայ մսանի ու կամքի բիրու ոյժ, որ կը փըռէ։ Զկայ հոգւոյ ոյժ խղճով ամոքուած՝ որ զսպէ, բուժէ, շինէ, պահէ։

Պանծալի<sup>○</sup> է այս հակակշիռը։ Զեղայ յոռետես, այլ իրատես։

Բայց ի՞նչ ընենք — այդ է դիրքը ամենամեծ ազգերուն։ Մենք անոնց բախտակից վիճակակից։

Ողորմելի՛ տրամաբանութիւն։

Եւրոպացւոյն սիրոյն համար լքեցինք մեր նախնեաց սրտի եւ հոգւոյ մշակոյթը։ Իւրացւոցինք կապկեցինք անոնց մահածին մշակոյթը — եւ պակասը մշակոյթի։ Բայց մեզի հետ՝ նաեւ ուրիշ կիսավայրենի ցեղերը . . .

Ու տուժեցինք, գառնօրէն տուժեցինք։ Կորսնցուցինք նախնին, տոհմայինն ու ցեղայինը ու ստացանք՝ ի՞նչ։

Անոնց շպարաւոր մշակոյթն — զոր սիրեցինք, որու համար մատնեցինք ուրացանք նախնեաց դաղափարականն ու աշխարհահայեացքը։ Ու այդ մշակոյթը՝ եսամուլ, հաճոյապաշտ, շահախնդիր՝ զրկեց զմեղ հայրենիքէ քանդեց մեր տունը, մարեց մեր օշախը, քչեց զմեղ անապատ ու գերեզման, ջարդեց զմեղ, ցրուեց զմեղ իրեւ մուրացկան, իրեւ թափառական, իրեւ անբաղձալի տարր, յափշտակեց մեր լեզուն, աղճատեց մեր բարքերը, օտարացուց մեր հոգին, չորցուց մեր սիրուր։ Ու տակաւին կառչած ենք այդ մշակոյթին, այդ գնդացիր գաղաճոս շանթաձիր մարդախոչշին եւ ազգաջինջին։

Մշակոյթ մը որ տներ կը քանդէ, ազգեր կ'անձիտէ անսիրտ անկիոդ ծրագրով ու նպաստակով։ որ միեւնոյն սառնութեամբ կոտորելու ի վիճակի է երկրորդ, տասներորդ անգամ, — մշակոյթը է աս։ Եթէ ա'յդ է մշակոյթը, ո՞րն է բարբարոսութիւնը։

\* \* \*

Կը զգաստանա՞նք գոնէ : Կ'անդրադառնա՞նք , որ փրկութեան մէկ ճամբայ կայ . լրացնել պակասը մշակոյթի՝ վճռական վերադառով դէպի մշակոյթը նախնեաց : Զշարժինք ամէն հովէ : Զըլլանք անձնատուր ամէն առաքեալի : Շոնդալից ծրագրեն ամուլ են : Արտաքին տունը , աղջային տունը չինելէ յառաջ՝ հարկ է ներքին մարդը վերակազմել : Խոյակէն յառաջ՝ Սիւն : Որմէրէն յառաջ՝ հիմնաքար : Ու հիմը՝ ոչ անկայուն մշտերեր աւազի , այլ ժայռի վրայ : Ժայռ մը՝ որ փոթորիկներու կուրծք տուած , ալիքներ փշրած , երկրաշարժերու դիմացած , շանթերով կուսնուած ըլլայ : Այդպիսի է մշակոյթը մեր նախնեաց :

Ի՞նչ ընենք ուրեմն : Ինչպէ՞ս վերադառնանք : Քանդե՞նք երկաթուղիները , կտրտե՞նք հեռագրական թելերը , հրաժարի՞նք ձայնակիր ձայնատար ալիքներէ . Ելեկտրականութիւնը ամպերո՞ւ մենաշնորհ դարձնենք , ածուղը յանձնենք հողին , աւերե՞նք ամպահուպ չքնքերը , ու մենք՝ քաշուինք հրապարակէ , մտնենք զետնափոր տները Քսենոփոնեան Հայերու , առանձնանանք ու Նարե՞կ կարդանք :

Սրբեցէ ձեր դէմքերու վրայ հեզնական քմծեծաղը ի լուր անուան մը , որ մեղի համար խորհրդանշանն է խրթինին եւ անհասկանալուոյն : Զենք հասկնար Նարեկի լեզուն , որ եղական լեզուն է հայ անհատի մը : Ոչինչ կը տեսնեմ աւաղելի : Այդ պակասը չէ էական : Բայց մենք չենք հասկնար , չենք ուղեր հասկնալ նաեւ հողին , որ հողին էր աստուածապաշտ քրիստոսասէր ու յաւիտենամէտ աղղի մը , Հայ ժողովուրդին , մեր ժողովուրդին : Ու ահա մեր ողբալի պակասը :

Նարեկ՝ խրթնաբան բայց դասական ներկայացուցիչն է այն արժէքներուն , որոնց՝ ըստ կարլայլի յանդելու է ամէն մշակոյթ , որ կ'ուզէ ըլլալ տեւական աղնուացնող , երջանկացնող : Նարեկի քով իբրեւ աղղային հարստութիւն եւ ցեղային ժառանգութիւն պիտի զանէք տարբները իսկական մշակոյթին , հողւոյ մշակոյթին — մեր ամենաէտական պակասին :

Պիտի արտասահմամ բառեր , որոնք խունկ կը բուրեն ,

և կեղեցի կը յիշեցնեն : Բայց դուք որ հայ եկեղեցական ճարտարապետութեամբ կը պարծիք , ինչո՞ւ չէք ուզեր լսել բառերը , որոնք այդ հոյակերտ եկեղեցիներու հիմքը կը կազմեն :

Ահաւասիկ . Սէր — անձնագուսապ ուժեղ կեցուածք հանդէպ կրքերու , — անձնագէտ խոնարհութիւն :

Զայս կը քարոզէ Նարեկ իրեն յատուկ բառերով : Սն չէ ունեցած դիտաւորութիւնը՝ մշակոյթի դաս տալու : Բայց անոր մշակած հողին՝ ճիշդ այն է , որ կը պակսի ի . դարու ըսենք՝ մեր մշակոյթին : Ներքին նժարը՝ մշակոյթի արտաքին նժարին : Գահապէժ զլորումներէ պահող , հակաշող և հաւասարակշող ոյժեր :

Մշակոյթի հողին՝ կ'ըսէր Գէօթէ , հողւոյ մշակոյթին է : Իսկ հողին կը մշակուի , երբ հոն բուն կը դնէ Սէրը Աստուծոյ՝ անսահման ու համակ ճշմարտին , բարւոյն , գեղեցկին , եւ սէրը ընկերին , մարդկան , որոնք հողեկան աւելի սերտ ու սեսն զօղերով կապուած են իրարու քան արտաքին դաշինքներու , շահակցութեան եւ զինակցութեան բարբարոս զօղերը : Եթէ այս սէրը տիրէր , որ լուսոյ աղբեկուին կը բիսէ ու զմարդիկ կը լուսափոխէ , պէտք պիտի ըլլար վախնալ արտաքին մշակոյթի հնարած դժոխային մեքենաներէն : Զի անոնք պիտի չկարենային կիրարկուիլ , պիտի ժանդուտին :

Այս սէրը՝ հողեկան սպառալինում կ'ուզէ՝ հակառակ սանձակոտոր կրքերու ընշաքաղցութեան , համոյամոլութեան ու շուայտութեան , անբան եսականութեան : Ամէնէն անհաշտ , մահացու թշնամիները իսկական մշակոյթի , աղնուական սիրոյ , աննիւթ հողւոյ : Անոնց դէմ ուղղուած է ծանրազէն Նարեկը : Նուածել , զսպել , յաղթահարել կը սորվեցնէ : Զի որքան նուածուին ու զսպուին , այնքան աւելի կը մշակուի հողին , անարգել կ'իշխէ դաղափարական սէրը , կ'աղնուանայ մարդը եւ մարդկութիւնը : Անձնագուսապ ուժեղ կեցուածքը դաղանաբարոյ կրքերու դէմ՝ աւելորդ պիտի ընէր երկաթեաց շղթաները , կախաղանները : Բնաշինջ պիտի ըլլային պատերազմի սերմերը : Ամէն մարդ ներքին չատ աւելի ահաւոր

կոխով՝ զբաղած՝ պիտի չխորհել մարդ կոտորել, աղջեր ոչնչացնել:

Դիւրին է ըմբռնել սիրոյ եւ անձնազսպութեան վճռական դերը հոգւոյ անհատական եւ ընկերական մշակոյթին համար: Իսկ այն՝ զոր կոչեցինք անձնագէտ խոնարհութիւն, որ հիմն է Նարեկի ի խորոց սրտի բխած եւ Աստուծոյ ուղղուած խօսքերուն ու խորհուրդներուն, այն՝ որ անոր ամէն մէկ պարբերութեան, հատաշանքին, ամէն մէկ հոգեզնին ակնարկին կ'ընկերանայ առանց միշտ ուղղակի յիշուելու — այն խոնարհութիւնը պիտի դտնէ՝ ամէնուս հաւանութիւնը՝ իրեւ էական տարր ու աղջակ հոգւոյ մշակոյթի:

Բազմաթիւ ու բազմակողմանի են նախապաշարումները անոր դէմ: Նիչէն սկսած մինչեւ... ի՞նչ հարկ անուններու: Պիտի ստիպուէի գժբախտաբար հայ անուններ եւս յիշել, որոնք ուրիշ տեսակէտէ մեղի թանկագին են: — Խոնարհութիւն: Ո՞ւր թողունք մեր սաւանակներն ու տեսակ մը ամենակարողութիւնը, ամենուրեքութիւնը: Ան կը կասեցնէ իմացականութիւնը. կը խափանէ թուչքը երեւակայութեան: Ան ստակոխ կ'ընէ մարդկային արժանապատուութիւնը ու իրեւ գաղափարական կը հոչակէ՝ ստորնութիւնն ու ստրկութիւնը:

Որքա՛ն թանձր տղիտութիւն: Խաւարամա՛ծ կուրութիւն ամենատարրական ու փայլուն արժէքի մը հանդէպ — այս լուսայորդ դարուն մէջ: Ահա պտուղը՝ արտաքին մշակոյթի, խանձող ճառապայիններու:

Պիտի չգիմեմ Նարեկի հեղինակութեան: Զի փոքուուոյց, սոնք ու ինքնահաւան մարդիկ — թէեւ ըլլան հայ — պիտի չգեղեւին արհամարհել զայն իրրեւ միջնադարեան արտադրութիւն, որուն վրայէն յաղթական ժամանակը վաղուց է կոխած անցած:

Ուրեմն ուշադիր ըլլանք Auguste Compteի. «Խոնարհութիւնը՝ ուղիղ զնահատումն է ոյժերու եւ արժէքներու, առանց երեւակայական յաւելումներու կամ յապաւումներու: Այս խոնարհութիւնն անհրաժեշտ մաս է իսկական մշակոյթի՝

քանի որ կա՛յ մարդու ինքնահաւան, անձնահաճ հպարտութիւնն ու ունայնամտութիւնը, որ եթէ չսահմանափակուի՝ ամենայն ինչ քանդելու ի վիճակի է»: Խոնարհութիւնը ճշմարտութիւնն է՝ անհատին արժէքներուն մերձեցուած: Իսկ այդ արժէքները որքա՛ն փցուն են հանդէպ Գաղափարականին: Անսահմանին արժէքները դիտել — որով միայն հոգին կը խորանայ ու կը ճոխանայ — զմարդ ի հարկ է կը մղէ դէպի խոնարհութիւն եւ համեստութիւն: Միայն ստապաշտ մարդիկ անձնատուր չեն ըլլար ճշմարտութեան, զի անձնատուր են ամբարտաւանութեան, փառամոլութեան, որ հեռի, շա՛տ հեռի՛ է հոգւոյ մշակոյթէ: Բաց աչօք զննեցէք ժամանակակից պատմութիւնը: Դիւրին է նշմարել թէ ինչ աւելներ կը զործէ ամբարտաւանութեան բարբարոս հոգին՝ աղջերու, պետութիւններու եւ մարդկութեան մէջ:

\* \* \*

Վերջացնենք:

Ի՞նչ կը պակսի մեղի:

Իմացական ո՞յժ: Երբեք չէ պակսած:

Գեղարուեստական կարողութիւննե՞ր: Մուսաները միշտ ժպած են մեղի:

Հարստութիւն: Միլիոննե՞ր կը հոսին հայ կրթական համատառութիւններու համար:

Ոչ, այդ ամէնը չեն պակսեր մեղի:

Մեղի կը պակսի՝ Սէր, որ արտաքին մշակոյթի տարրները հաւաքէ, զուգէ, կցէ, շաղախէ:

Մեղի կը պակսի՝ Անձնագէտ խոնարհութիւն, որ յանձն առնու դասաւորում, վերնախաւերու. եւ ստորնաշերտերու համերաշխ ընդիւանում, որ ծանրացնէ արժէքին ներփին կէխու եւ ոչ թէ սին փառքի արտաքին շուքը:

Մեղի կը պակսի՝ Անձնազուսպ կեցուածք կրքերու դէմ, որ կործանարար ոյժերը փոխէ չինքարար ոյժերու, կրօնի եւ բարոյականի յաւիտենական եւ միակ մարդավայել խաղաղութիւնը իրազործէ մարդու հոգւոյն եւ մարդկային ընկերու-

թեան մէջ։ Սանձէ չարամէտ սմբոխալար ոյժերը ու կրկնապատիկ սաստկութեամբ բարւոյն ծառայէ։

Այս կը պակսի՛ ի. զարու մշակոյթին, ու նաեւ մեղի, ցորչափ որ նաեւ մերն է ան։

Ուստի՝ ի՞նչ ընեմ ձեր լեզուն, ձեր դիրը — երբ անով մշակոյթին սիրու կը խոցուի — սէրը։

Ի՞նչ ընեմ ձեր բազմապիսի կարողութիւնները — ճարտարարուեստ, գեղարուեստ, սաղմաղիտութիւն — երբ կը պակսի խոնարհ ու ճշմարիտ անձնագիտութիւնը, եւ ամէն մարդ դլուխ կը ջանայ ըլլալ, ու ոչ ոք սրունք ու բազուկ։

Ի՞նչ ընեմ ձեր ոյժերը — տնտեսական, կուսակցական, կազմակերպչական — երբ կը պակսի անձնազուսպ կամքը, եւ ոյժերը կը գործածուին զիրար չէզոքացնելու, տկարացնելու, կործանելու։

Սիրալի՛ մշակոյթ։

Բ.

1915 Կ ՆԱՀԱՏԱԿՆԵՐՈՒ 0 0

## ԱԶԳԱՅԻՆ ԽԻՂՃՐ

«Ամէն Հայ կարող էր այսօր ազահով եւ եր-  
շանիկ ապրիլ պայմանով, որ Հրաժարէր Քրիս-  
տոսի Աւետարանէն եւ Ընդունէր կիսալուսինը»:  
Օ՛Կոմնոք:

Սաղարթախիտ, պտղաղարդ ծառ մըն էր հսկայ: Խո-  
րարձակ արմատները մխուած էին երկրի ծոցը: Հաստա-  
րեստ բունը՝ դարերու պողպատեայ խաւերէն կը բաղկանար  
եւ կը կրէր տարածուն, հովանաւոր ճիւղեր, բարունակներ,  
ոստեր:

Անոր բազմաղարեան կեանքը հարուստ էր յեղափոխու-  
թիւններով: Տեսած էր կեանքի գարունը: Ունեցած տօթա-  
զին ամառներ: Սէդ գաղաթին վրայէն բազմից փչած էր  
ձմեռնային սառնասառն բուքը: Վիթխարիներ արմատախիլ  
եղած էին իւր շուրջ: Իսկ ան կը հեստէր դարերու, բնու-  
թեան, մարդկան: Միշտ կանգուն էր ու իրոխա:

Բայց ահա նոր մրրիկ մը՝ կատաղի: Թուխպ ամպեր,  
փոթորկայոյզ շանթընկէց, կուտակուեցան անոր վրայ: Գոռաց  
երկինքը, կայծակ թափեց անխնայ. հողմը փչեց սաստկա-  
շունչ: Ցնցուեցաւ արմատուստ լեռներու իշխանը: Ճոնչեց  
մոնչեց զայրագին — ու դալար մեծամեծ ճիւղեր բաժնուեցան  
ինկան: Տերեւներ, որոնք վեհ զադաթը կը զարդարէին դե-  
ղապանձ, թափեցան ու ծածկեցին ծառին արմատները, կար-  
ծես՝ երակները առողջ ու կենսունակ պահելու բնազդական  
մղումով:

Սուկ զգեցան հարազատները: Ժահր պոռթկացին, նզովք  
կարգացին անսիրտ անդպայ ամպրոպներուն դէմ: Անհաշտ  
ատելութիւն երդուան ձղակոտոր հովին ու կայծակին:

Փրթորիկը կ'անցնի : Արեգակը վերստին կը ժպտի բազմախոց արիւնաթաթաւ հոկային : Արմատները աւելի խորերը կը միքճին : Նոր կանաչութեամբ ու թարմութեամբ կ'ողողուի ծառը : Նոր աւիշ շրջան կ'ընէ անոր երակներուն մէջ : Աւելի առոյգ եւ աշխոյժ, տոկուն ու ձկուն, կը ցցէ ան դադաթը՝ դէպի երկինք :

Սկո՞յ թէ ցնուութեան դրդիո է այս, յաղթուութեա՞ն թէ պարտութեան նշանակ :

\* \* \*

Ի՞նչ օկուտ դառնաղի լացէն եւ անարի ողբէն : Նահատակներու յիշատակը պէտք է մեղ թելազրէ զաղափարներ, ստեղծէ տրամադրութիւններ, որոնք վայել ըլլան անոնց դիւցաղնութեան :

Բուռն է ցանկութիւնը մարդկային սրտին ըլլալու հզօր եւ անմահ, բայց տկար է անհատը եւ վաղանցուկ : Ուստի կը մզուի մարդ՝ անհատներու միացումով ստեղծելու բարոյական-իրաւական անձ մը եւ զայն օժտելու այն կատարելութիւններով, որոնցմէ զուրդ է անհատը :

Բարոյական անձը ունի կեանք, մարմին ու հոգի : Ան կը խորհի, կը սիրէ, կը դպայ, կ'աճի, կը նուազի : Լաւադպն իրականացումն է ոյժի եւ անմահութեան, զի ոչ լոկ գումար, այլ բարձմապատկումն է անհատական կամքերու եւ կեանքերու :

Զուրդ չէ բարոյական սկզբունքներէ : Ունի ատակութիւն՝ վայլելու անբիծ բարոյականով, ստանալու յարդ ու վարկ, բայց ունի նաեւ աղատութիւն՝ ցեխով շաղախելու բարոյականն ու պատիւը :

Ունի բարոյական, ապա՝ ունի նաեւ պարտապրիչ իրամայական մը . խիղնի :

Մարդկային էութեան խորքերէն բխող ձայնն է զա խորչըրդաւոր, որ հակառակ մեր կամքին, հակառակ մեր խղճերուն՝ կը դուաց, կը սաստէ, կը խայթէ, կը տանջէ, եւ կամ՝ կը սիրաշոյէ, կը դրուատէ, կ'երջանկացնէ :

\* \* \*

Ազգը հարազատակոյն մէկ ձեւն է բարոյական-իրաւական անձի :

Ան եւս կը ծնի, կը զարդանայ, կը յառաջաղիմէ կամ կը յետաղիմէ : Հարուստ է մտքի եւ իմացականութեան օժիտներով . ատակ է կամքի ու սրտի ամենաբուռն շեղումներուն : Ունի իւր խիղնը — ազգային խիղնի :

Ազգի մը բարզաւաճումն ու բարօրութիւնը մի՛ ընծայէք բիրտ ոյժի կամ սոսկ իմացականութեան՝ իբրեւ արդիւնազործ բաւական պատճառիք : Կը հերքուիք պատմութենէ : — Ազգային խղճին կը պատկանի վճռական ձայն ու զեր : Ան կրնայ խղճել, ոչնչացնել — կրնայ կազդուրել, փիթեցնել : Թերթեցէք պատմութիւնը, եւ ազգի մը Ուկեդարը՝ հանրային անբիծ խղճի զենիթով մատնանցուած եւ արդիւնապործուած պիտի զտնէք : Եթէ մթազնի արաստառուի խղճը, կորսնցընէ խւր անալարտ յստակութիւնը, կը քանդէ, աւերակներու կը վերածէ չչն, մէծազօր պետութիւններ :

Հայ ազգն ալ ունի իւր խիղճը : Արգիւնքն է աստուածատուր բնատուր հոգեբանութեան, ընկերական խմորումներու, կրօնական ու պատմական տուեալներու, հաւաքական ովորումներու : Անոր մէջ դարեր, սերունդներ խտացած են : Անոր վրայ աշխատած են թէ՛ հոգեւոր եւ թէ՛ աշխարհական պետեր, թէ՛ աղատօրեալը եւ թէ՛ շինականը, թէ՛ սուրի եւ թէ՛ խաչի պաշտօնեան : Ազգային խիղճը մենաշնորհը չէ այս կամ այն կուսակցութեան, զասակարգին : Չէ մենաշնորհը մտաւորականներու, եւ ոչ ալ անմատչելի սրբանոցը հոգեւորականներու : Ան ցեղինն է : Ազգին, միաձոյլ միազանդ աղդին խիղճը :

\* \* \*

Ի՞նչ է բովանդակութիւնը աղղային այդ խղճին :

Բացէք մեր ազգային յիշատակարանները : Փոխադրուեցէք դարէ դար, նահանդէ նահանդ, անցէք արքանիքէ արքունիք, ոստանէ ոստան . այցելեցէք քաղաքներն ու զիւղերը, տաճարներն ու տները — եւ ամէն տեղ պիտի զտնէք հայ աղպային խղճի բովանդակութեան ոսկեբանդակ խորհրդանիշերը :

Կրօն ու Հայրենիք, Պատիւ եւ Ազատութիւն: Ահա բովանդակութիւնը Հայ Ազգային խղճի:

Կրօն — սէր Աստուծոյ, Առաջին Պատմառին:

Հայրենիք — սէր որորոցի:

Պատիւ — սէր ջինջ օդոյ եւ մաքուր շրջապատի:

Ազատութիւն — սէր օդասուն դադաթներու եւ անկաշկանդ աճումի:

«Կեալ եւ մեռանել ի վրայ կրօնի եւ հայրենեաց, ի վերայ աշխարհին եւ ընտանեաց:»

Զայս կը յեղյեղեն մեր դասական եւ ոչ-դասական հեղինակներն անխտիր:

Այս է չողջողուն աստղը, որ փայլեցաւ միշտ հայ երկնակամարի վրայ՝ ի հեծուկս զայն նսեմացնելու հսկայական ձեռնարկներուն: Այն միլիոնաւոր հրոսակները, որոնք դուռ տուած են մեր մայր հողին նեցս — ըլլան անոնք սեմեան կամքամեան ցեղեր, օտարալեզու եւ օտարակրօն կամ ցեղակից ու կրօնակից — ամէնքը մէկ նպատակ հետապնդած են խելայեղօրէն. թաղել լուսապայծառ ջահը, թծաւորել ազգային խիղճը, անհետ ջնջել կրօնը, գերեզմանի փոխել չէն հայրենիքը. պղծել պատիւը, շղթայակապ կապուել ազատութիւնը: — Բայց չեն յաջողած: Վիժած է ծրագիրը դիւային: Հրոյ, ջրոյ, սրոյ ու արեան մէջէն անվթար անշէջ դուրս եկած է ազգային խիղճը:

Իսկ ա՞յժմ: Կ'ապրի՞՝, կը չնչէ՞ ան: Կը ցոլա՞յ, կը փողփողէ տակաւին:

Այո՛:

Ազգային խիղճը, կրօնի եւ հայրենիքի չքնաղ բիւրեղացումը, պատուոյ եւ ազատութեան աղամանդեայ խտացումը, սրբազն աւանդը մեր դիւցազն նախնեաց — ան այսօր ալ չէ խոնարհած իւր բարձրութենչն, չէ տուժած իւր փայլը, լուսափողի է եւ սպիտակափառ:

Բայց որո՞ւ չնորհիւ: — Որո՞ւ չնորհիւ է որ կրնանք տակաւին բարձրիդուխ շրջիլ երկրի վրայ, կրնանք պահանջել յաղթութեան դափնի, անդորրութեան եւ խաղաղութեան ձիթենի:

Ճնորհիւ երկու միլիոն նահատակներու, որոնք իրենց արխինով ուսողեցին հայ ազգային խիղճը, որպէս զի չհասնէր անոր աղոյ ու բիծ, չնուազէր ճաճանչեղ սպիտակութիւնը՝ անփոխարինելի հարսութիւնը ցեղին:

Եթէ մեր նահատակները հրաժարէին տոհմային այդ հարսութիւնն, եթէ դաւաճանէին կրօնի եւ հայրենեաց, ուրանային պատիւ եւ ազատութիւն, եթէ ուրեմն մահու հարսուած տային Հայ Ազգային խղճին — այն ատեն, այո՛, պիտի չունենայինք արիւն-արցունքի ծով մը, պիտի չունենայինք ամայի, քարուքանդ հայրենիք, պիտի չունենայինք հոգեխոռվ աղեխարշ բանակները որբերու, պիտի չունենայինք թշուառացած անձիտուած գերդաստաններ — դեռ ի՞նչ ըսեմ — պիտի չունենայինք անթիւ անհամար թափառականներ, վախստականներ, աքսորուածներ, պանդուստներ, այո՛, պիտի չունենայինք: — Բայց, աւա՛զ, այն ատեն պիտի չունենայինք նաեւ աղդ, պիտի շիջանէր կուսաւորչայ կանթեղը. Խեղդամահ պիտի ըլլար ա՛յն խղճը, որ զիմացած էր աշխարհաղղորդ փոփորիկներու, որ իրը անսասան ժայռ՝ վշրած էր ահեղածուփ ալիքներ: Պիտի ապրէինք, թերեւս նիւթապէս հանդիսու, բայց պիտի հեծէինք՝ ծանրաբեռնուած արդար անձքունքն անոնց, որոնք ի սէր այդ խղճին չէին խուսափած զերագոյն զոհերէ: Պիտի ապրէինք թերեւս մեր ցանկացած հողին վրայ, բայց զրկուած այն օրհնութենէն, որուն՝ մեր նախնիք արիւնախառն քրտինքով արժանացած էին: Պիտի վայլէինք թերեւս մեր սիրելիները, բայց անոնց ներկայութիւնը պիտի սրէր ի մեզ զիտակցութիւնը վատանշանի եւ մատնչի, պիտի շեշտէր սա չարաբաստ համողումը, թէ մենք այլեւս չենք կուսաւորչի, չենք Սահակ-Մաշտոցի: Մէկ խօսքով, պիտի ապրէինք, բայց պիտի ապրէինք յուսակոտուր, յուսաբեկ, արհամարհուած աղքերէ, գատապարտուած պատմութենէ, երեր ու տատան նման կայենի, ամէն կողմ տանելով դաժան խայթը, անփառնակ խղճի խայթը, որ լսելի պիտի ընէր իւր ահաբեկիչ ձայնը վրէժինդիր. Ո՛վ Հայորդի, ո՞ւր է, ի՞նչ եղաւ, ի՞նչ ըրեր կրօնդ, աղդդ, պատիւդ, աղատութիւնդ:

\* \* \*

Սակայն վա՛ռք մեր անմահ նահատակներուն :  
Իրենց արիւնով ընկղմեցին այս դժնեայ հնաբաւորութիւն-  
ները :

Նախանձելի ենք :

Անստուեր է հայ խղճին փայլը : Աւելի շլացուցիչ է, ներ-  
կուած ու սրբուած բազմարիւր նահատակներու արիւնով :

Ահաւոր երկնատրանքի մը առջեւ կը գտնուէինք ազգո-  
վին . կամ ապրիլ՝ մահացներով կրօն, հայրենիք, պատիւ եւ  
աղատութիւն, եւ կամ արիւնիլ :

Արեան ծովի փոխուեցաւ հայրենիքը — ու փրկուեցաւ  
թէ՛ աղդ թէ՛ խիզ :

Ու վերստին իրականացաւ հին ճշմարտութիւնը, դոր  
գր. Լուսաւորիչ կը ծանուցանէր՝ հեթանոս թալաւորին ի  
խրաս. «Զէ՛, կ'ըսէր, չէ՛, նահատակներու արիւնով աղդ ու  
կրօն չեն չնջուիր : Անոնց արիւնը չի նմանիր ապականիչ տե-  
ղատարափի ու կարկտի, այլ պարարտ անձրեւի մը՝ արիւնով  
ամոքուած : Թափեցէք արիւնը նահատակներու — հողը կը  
բեղմաւորէք ի վնաս ձեր : Մերմեր կը ցանէք, համակ կեանք  
եւ ոյժ : Որքան հնձէք, այնքան աւելի կ'աճինք» :

Մեր նահատակներու արիւնը մեր սերմն է, մեր ողին է,  
մեր կեանքն է :

Յորչափ կայ կորովը նահատակուելու, աղդին վիճակը  
ապահով է, զի անայլայլ կը մնայ Հայ աղդային խիզը իւր  
պանծալի բովանդակութեամբ :

Այս է նահատակներուն կատարած դործը :

Անոնք փրկեցին հայ աղդային Խիզը :

ՄԵՐ ՊԱՐԾԱԿՑՈՒՅՑ

Զեմ ուղեր վիրաւորել փափուկ սրտեր : Զեմ ուղեր բիրտ  
եւ անզգայ երեւալ արեան եւ արցունքի հանդէպ : Բայց կը  
համարիմ, թէ Ապրիլեան ազգային այս Տօնը թօթափած է  
կամ պէտք է թօթափի իւր աղակիր նկարագիրը :

Թ՞վ կրնայ ժխտել, որ երբ Հայ ժողովուրդը վաթունու-  
վեց հազար արիներով բախտառոց ճակատը մղեց դենին դէմ,  
երբ արիւնեցան ծաղկաւէտ գաշտեր, լեցուեցան դիակներով  
կանաչապեղ մարզեր, երբ խոցուածներու հոնդիւնը օդը կը  
թնդացնէր ու կը հեծեծէին կարեվէր մարտիկներ — ո՞վ  
կրնայ ժխտել, որ բնական պահանջ եւ իրաւունք էր հարա-  
զատներու լացն ու կոծը, սիրելիներու ողբն ու աղիողորմ ար-  
ցունքները :

Եւ սակայն, կը դիտէ եղիչէ, կ. 97, ժողովուրդը չեր  
սողար յուսահատ. հեծեծանք ու հառաչանք արտաքսուած  
էին՝ իբրեւ նախատինք դիւցաղանց : Տիրող տրամադրու-  
թիւնը, որ կը թափանցէր մինչեւ ամենախոնարհ խաւերը,  
յաղթական էր ու ցնծալից, զի դիտէին, ամէնքը, կը տես-  
նէին «զյոյսն ինդալից» — պտուղն այդպիսի մահուան, փառքն  
անանց :

Չլանք, եղբայրներ, կը քաջալերեր ուրիշ աղդապետ մը,  
տասնուովեց զար յանաջ (Բուղ. Գ, Ժա), չաւաղենք մեր դիւ-  
ցաղները : Անոնք չինկան աննպատակ, ապարդիւն : Ինկան —  
ու անոնց փառքը ոչ ոք կրնայ խլել :

Այդպէս է :  
Փառքեր ու պարծանքներ կան, որոնց հասցնող միակ  
կամուրջն է մահը :

Պատկներ կան, որոնք կը նուիրուին ոչ թէ ըմբիւն, որ  
իւր գուճն է զբած անմեղի կուրծքին, այլ անոնց՝ որոնք իւրենց  
մարմինն ու հոգին, կեանքն ու յոյսերը կը նետեն — ո՛չ դէպի  
զերեզման, զադաղ, այլ — կապուտին, աստղերուն, զէպի  
նահատակութիւն :

Անոնց երկրաւոր կեանքին վերջակէտը չեղաւ փափուկ անկողիններու ճղնաժամը, զառամած ծերութիւնը, տիեզծ հիւանդութիւնը։ Առաքինութիւն եւ զաղափարական եղան վերջակէտ։ Պանծալի վերջակէտ։

Գնահատելու համար այս պարծանքն ու խսկական յաղթութիւնը, հարկ է վեր բարձրանալ նիւթէն ու սուտէն. հարկ է լքել ստորագրաց խորչերը եսին ու հանցյալին։

Եթէ մեր գենափթիթ կոյսերն ու երիտասարդները իրենց ձակատին վրայ գրած չըլլացին համեստութիւն ու պատիւ. Եթէ մեր մայրերն ու հայրերը իրենց նշանաբան ընտրած չըլլացին անսասան հաւատարմութիւն՝ ցմահ. Եթէ մեր կղերը իրեն կարգախօս չունենար անխարդախ հաւատք, ու եթէ ամբողջ բոյլը նահատակներուն կեանքի իմաստը չվնտոէր դաղափարապաշտ սիրոյ եւ զոհողութեան մէջ, այսօր պիտի ապրէին, պիտի վայլէին։

Բայց անոնք չուտեցին գաւաճանել, մատնել, ուրանալ, եւ արեան ճապաղիքով անցան ու գացին։

Մա՞հ կը կոչէք այդ երթը։

Զաղանք կը կոչեմ ես։ Փառապանծ չու յաղթողներու։ Երեւութական էր պարտութիւնը, խսկական է յաղթութիւնը։

Իոպէական էր մահը, յաւիտենական է կեանքը։

Ոչ մի ժամանակ, ոչ մի տեղ զաղափարականներ սպանուած են նիւթական դէնքով, մարմնաւոր մահով։

Արիւնաներկ դաշոյնը առաքինութեան բոյրերը կը ցըռէ համափիւո։ Մահկանացու կեանքին վրայ անմահութեան կնիք կը դրոշմէ։

Քան տարի յառաջ հոսող արցունքները այսօր բիւրեղացած՝ անմահներու փառքը կը ցոլացնեն շողջողուն։

Գաղանները մարդակերպ՝ որոնք սուր ճօճացուցին զուրկ են պարծանքէ։ Դարերը պիտի չկարենան ջնջել արիւնուցտ մարդակերի արատն անոնց ճակատէն։

Իսկ մենք կը պարծինք մեր նահատակներով։

Անոնք իրենց ջրամոյն, զաղանակուր ոսկրոտիններով դաղափարի նորազգի կոթողը կանգնեցին։

Ապրիլեան Սղատօ՞ն։

Փառքի տօնը իրենց մահով անմահներուն։

Անհրաժե՞շտ է սպալ ու ողբալ։ Մեզի՛ ուղղենք սուրէն ու ողբը, եթէ անոնց դիւցազնական արիւնը մեր երակներուն մէջ սպած՝ ոտնակոխ կ'ընենք այն արժէքները, որոնց համար անոնք նահատակուեցան։

Երբ անոնց յիշատակը չպանէ կենդանի արձաններ հարագատաներուն մէջ, երբ անոնք չկարենան տալ մեղ աւիւն — այն ատեն՝ անոնք անմահ, մենք մեռած ենք անփառունակ կեանքով։

Անոնք մեր փառքն ու պարծանքը, մենք անոնց ամօթն ու նախատի՞նքը։

\* \* \*

Մեր կոյսերուն եւ երիտասարդներուն ճակատները պատկուա՞ծ են նոյն համեստութեամբ ու պատուով։

Մեր հայրերն ու մայրերը ուխտա՞ծ են նման հաւատարմութիւն անսասան։

Մեր կղերը կանդնա՞ծ է հաւատքի նոյն աներեր ժայոին վրայ։

Առ այս՝ նահատակները բուռն խրախոյս են մեզ։

¶.

ՄԱՅԻՍ 28

ԱԶԳԱՅԻՆ ԱՆԿԱԽՈՒԹԵԱՆ ՀԱՄԱՐ

Դարձեա՞լ սուր կոծ, դարձեա՞լ լաց ու կական:

Դիւցաղներու յաղթական երդե՞րը կը թնդացնեն օդը թէ՝  
պարտուղներու կորիկոր նահանջի քսքսուքը պիտի լսենք:

Դէպի ո՞ւր յառած են ձեր աչքերը:

Դէպի ե՞տ — դէպի առա՞ջ — թէ՝ կը թաթաւիք ներկայի  
տիզմով:

Ներկա՞ն: Անչափելի, անկշռելի փթիթ մըն է հանդէպ  
հոլովացթին տարիներուն՝ որ անցան, եւ տարիներուն՝ որ  
պիտի գան: Կարծես իրական է միայն ինչ որ անցած է եւ որ  
պիտի գայ: Իսկ ինչ որ մենք կը կոչենք իրականութիւն՝ հա-  
զիւ ունի գոյութիւն, զի կը չքանայ յեղակարծ: Համատարած  
ծովերը անցածին եւ գալիքին — անոնք են որ իրական, պիրկ  
սեղմումով կը խղդեն ներկան:

Նայեցէք դէպի ետ: Անցեալի ծովի մէջ ցցուած է դրօն  
անկախութեան:

Նայեցէք դէպի առաջ: Ապագայի ծովէն կը բարձրանայ  
դրօշ մը անկախութեան:

Այդ դրօչներուն ի տես, որոնք երկու են եւ մէկ, մեր  
երգը այսօր յաղթական պէտք է ըլլայ: Աւերակներու սպառոր  
ու ցաւատանջ Տիկինը՝ թող այսօր, օր մը միայն, սրբէ աչ-  
քերը, հաղնի զգեստներ տօնական, զի իւր զաւակները դա-  
րաւոր երկունքի եւ պայքարի համեղ պտուզը կը մատու-  
ցանեն իրեն. Անկախութիւն:

\* \* \*

Յաղթութիւնը պատերազմ կ'ենթագրէ . իսկ պատերազմը արատն է մարդկութեան, երբ ան հողը արիւնով կը ներկէ, ընտանիքներ կը փնտացնէ, քաղաքներ կ'աւերէ՝ յաղուրդ տալու համար կրքերու, ընչափաղցութեան, փառասիրութեան, նախանձի : Բայց պատերազմ՝ պարտադրուած եւ ի սէր ինքնապաշտանութեան . պատերազմ մը՝ որուն նպատակը ըըլլայ ընկերը զրկել եւ ինք դինքն ընդլայնել, այլ՝ ի'ւրը պաշտպանել, տէր գառնալ դարերու եւ սերունդներու աւանդին — նուիրական է այդպիսի պատերազմ մը :

Ստրկամիտ, վատչուէր է այն ազգը, որ չունի կորովը նման պատերազմներ մզելու : Ու յաղթութիւնը՝ որ այդպիսի պատերազմներով կը կանդնուի, գերազանց յաղթութիւն է : Զի գծուծ, անախրտ եւ անզգայ են մարդիկ ու ժողովուրդները, երբ ցուրտ ոսկի եւ հող ձեռք բերելու համար արիւնահեղութեան կը դիմեն : Փառահեղ են մարդիկ ու ժողովուրդները, եթէ օրինաւոր անկախութեան տիրանալու համար իրենց արեան անդամ չեն ինայեր :

\* \* \*

Մարդու յատուկ է ազատութիւն : Անով է որ կարող ենք որոշում ու վճիռ տալ մեր գործերու մասին, փարիլ «Այս»ին կամ «Ոչ»ին : Ան կը մզէ զմեր մեր լուսով ու խղճով առաջնորդուելու, տէր ըլլալու մեր կեանքին ու կերտելու մեր ապահան : — Մանկութիւնը մերկացած անհատը կը պահանջէ իւր ազատութիւնը, չի հանդուրժեր խանձարուրք ու կալուկապ : Պէտք է անկաշկանդ տեսնէ ձեռք ու ոտք, պէտք է զանոնք ըստ կամի շարժել ու գործածել կարենայ, ապա թէ ոչ կը նախընտրէ կտրել նետել այն բաղուկը, որ իրեն հնազանդելու փոխարէն՝ չղթայի մը ստրուկն է գարձած : Ինչ որ տղուն համար կեանքի պայման է՝ չափահասին համար կը նշանակէ գերութիւն : Չափահասը կ'ըմբռնէ, որ իւր անհատականութեան էական մասն է ազատութիւնը, իւր կատարելութիւնն ու պատակը : Ազատատենչ մարդը ձեռք բերելու համար իւր ազատութիւնը ամէն վտանգ կը դիմազրաւէ : Նկուղներու պատերը կը կրծէ տատմներով, կը քանդէ եղունդնե-

բով . վար կը նետուի աշտարակներէ . զնդակներու, բոցերու, չեղեղի ընդ առաջ կ'երթայ . ոչինչ կ'երեւայ իւր աչքին, քանի շղթայուած կը տեսնէ իւր պատութիւնը, մարդկային արժանապատութեան էութիւնն ու փաստը : Ի սէր ազատութեան եթէ կեանքն իսկ տուժէ՝ գոհ է, զի ստրկութիւնը բարոյական մահ է, աւելի ձնչիչ, թշուառացուցիչ քան մարմնական մահը՝ ազատօրէն ընդդրկուած :

Անհատական այս ազատութիւնը՝ բնական հիմն է աղդային, պետական անկախութեան :

Երբ բազմաթիւ պայմաններու լրացումով ծագում կ'առնէ ալդ մը, անհատական «Ես»ը կ'ընդլայնի, կը խզէ սահմանափակ եղրները անհատին ու՝ շահերու, նպատակներու եւ գաղափարականի զուղումով կը կազմուի ազգային-բարոյական Ես մք :

Ազգն ալ կ'ունենայ իւր մանկութիւնը, կը հանդուրժէ որորոցի, չի զգար խանձարուրքի սեղմումը : Կը փորձէ թէեւ շարժել ձեռք ու ոտք, բայց եթէ չյաջողի, եթէ բախի տէրերու կամքին՝ չըմբռասանար, զի կը պակսի չափահաս Եսը, ինքնակիտակցութիւնը, որով ըմբռուստութեան հուրը կ'արծարծի ու կը բոցավառի :

Սակայն կու դայ նաեւ ժողովուրդներու չափահասութեան վայրկեանը : Նման անհատին՝ կ'աճին, կը զարգանան անոնք . աչքերը կը բացուին լուսոյ, մտքերը ճշմարտութեան : Ու երբ չնչէ արբունքի եւ կտրիճութեան ժամը, ժողովուրդը անկախութիւն կը գոչէ նոյնքան ստիպով եւ անընկճելիօրէն որքան անհատը՝ ազատութիւն :

Ու մինչ անհատը շա՛տ սահմանափակ է ժամանակով եւ կրնայ փոխանակ ազատութեան միանդամ ընդ միշտ կորուստի եւ ստրկութեան մատնուիլ, ժողովուրդները կրնան տոկալ ու սպասել զարեր : Կրնան նուածուիլ ու նուածել, տարուբերիլ անկախութենէ՝ ստրկութիւն, եւ ստրկութենէ՝ անկախութիւն, առանց երբեք մարելու կրակը անկախութեան : Ան կը պահուի յանթեղի հակառակ զարաւոր բանութիւններու : Հրաբխանման է այդ կրակը, որ կրնայ դարերով լուռ մնալ,

իւր ահեղ ոյժը չպացնել։ Բայց օր մը՝ դարերու կուտա-  
կութէն խոսացած եւ սաստկութեամբ բիւրապատկուած՝ կը  
պոռթիաց, կը ժայթքէ ու կը գտնէ ազատութիւնը ցանկալի։

Ինչո՞ւ տեհնչալի է այդ անկախութիւնը։

Զի անով կրնայ ժողովուրդը վայելել իւր հայրենիքը,  
որուն վրայ տիրական իրաւունքներ ստացած է իւր քրտին-  
քով, ճարտարութեամբ, ոյժով ու խելքով։ Անով միայն ի վի-  
ճակի չ' ապահովել իւր դոյսութիւնը, բարձրացնել կեանքի  
մակարդակը, բարելաւել տնտեսական ու մշակութային պայ-  
մանները։ Անով միայն կրնայ ստեղծել օրէնքներ, որոնք հո-  
վանաւորեն, սաշտապանեն ազդին մարմնաւոր առողջութիւնը,  
հոգեկան բարօրութիւնը. կրնայ սուր ճօճացնել անոնց դէմ,  
որոնք կը դաւաճանեն իւր մարմնոյն կամ հոգւոյն, ներկային  
կամ ապագային։ Անկախ ազդ մը կարող է կազմել բանակ,  
սաշտապանել հպատակներն ու սահմանները, ներշնչել վստա-  
հութիւն բարեկամներու, պատկառանք ու վախ՝ թշնամինե-  
րու։ Ազգը անկախութեան կը ձգտի, որպէս զի աղատէ իւր  
արժէքները օտարին քմահամոյքէն ու շահագիտութենէն։ Ան-  
կախութեան ծոցին մէջ է որ թոփչք կ'առնուն դիտութիւն,  
կեղարուեստ, կրօն ու բարոյականութիւն։

Անկախութեան ձգտումն այնքան նուիրական, բնական  
տրամաբանական անհերքելի իրաւունք է, որքան ինքնա-  
պաշտապանութիւնը, ապրելու իրաւունքը։

Ու ժողովուրդները՝ միայն ի սէր անկախութեան ձեռք  
կ'առնեն զէնք։ Այս կամ այն բոնաւորը, աշխարհակալը կրնայ,  
այս, անձնամոլ, փառամոլ նպատակներով ազգերը պատե-  
րազմի մզել։ Բայց երբ ազդ մը ինքնարերաբար ոտք կ'ելլէ,  
կը պայքարի, դիտցէք որ հոն դոյսութեան եւ անկախութեան,  
ապրելու կամ մեռնելու հարց կայ։

Ազգերու իսկական պատմութիւնը կը սկսի անկախու-  
թեան ձգտումէն։ Անկէ յառաջ մբափող մանկութիւն է,  
երազային, որորոցային վիճակ։ Հաղիւ կ'արթննայ աղզային  
ինքնագիտակցութիւնը, իսկոյն կը խլրտի աղատութեան

տեհնչը, ու կը սկսի արիւնային խաղը սկատմութեան բեմին  
վրայ։

Այսպէս եղած են ազգերը։

Պիտի վլանայի Հայուն չափահաս, ինքնագիտակից աղ-  
ութիւն, եթէ յայտնաբերած չըլլար անկախութեան ձգտումը։

\* \* \*

Արդ հիմայ՝ ակնարկ մը դէպի ետ։

Ի՞նչ կը փնտուն այն բաղմութիւնները, որոնք հնդկական  
լեռնագաշտերը թողուցած դէպի արեւմուտք կը չարժին,  
երկրէ երկիր կ'անցնին, փորձի կ'ենթարկեն Թրակիան,  
Փոխիւնան։ Արբունք հասած ժողովուրդ է։ Արիւնը կ'եռայ  
անոր մէջ։ Հայրենիք կը փնտուն, ուր կարենան արմատ ձգել,  
ուռամնալ, ճիւղաւորուիլ, պտղազարդուիլ։ Հայրենիք՝ —  
առաջին պայմանը, հումնիւթը, արուեստապէտին կոշտ քարը։

Կ'ունենան Հայրենիք։ Հայաստան։ Լեզու։ Ճարտարա-  
բուեստ։ Հայ բարք։

Բայց այս ամէնը ենթակայ են վտանգի։

Կը սկսի զինաշարժ։ Արարատի շուրջ զէնքեր կը շառա-  
ջեն։ Ի՞նչ կը փնտուի հայ բանակը իւր հեծելագնդով ու հե-  
տեւակով։

Անկախութիւն։

Փոթորիկ փոթորիկ կը յաջորդէ։

Կ'անցնի Ասուր — կ'անցնին կիւրոս ու Գարեհ — կ'անց-  
նին Աղեքսանդր ու Անտիոքոս։

Հայերը անկախութեան կը ձգտին։

Կը հնչէ պատմական ժամէր։

Արտաշէսեան հարստութիւն։

Հայն սկսաւ վայելել անկախութեան պառուղները։ Այսու-  
հետեւ իւր պատմութեան, պատերազմներուն մէկ նշանաբան  
ընտրեց Անկախութիւն։

Ան աչք չունեցաւ ո՛չ հողի, ո՛չ ոսկւոյ։ Թոյլ տուաւ, որ  
օտարն ալ վայլէ իւր ջուրն ու օդը, ոսկին ու պտուղը։ Բայց  
երբ թշնամի նետերու թիրախ դարձաւ իւր Անկախութիւնը,

Հայը ծառացաւ : Արքայից արքայի դէմ : Հսոմի դէմ : Իրմէ  
տասն անգամ աւելի ուժեղ պետութիւններու դէմ :

«Մէնք ենք տէրն անկախ մէր հայրենիքի :»

Այս գաղափարականով սորոեցան Տրդատ ու Արշակ,  
Վարդան ու Վահան, Աշոտ ու Մաքատ :

Անկախութեան ի սէր մզուած պատերազմներ են Հայուն  
պատերազմները : Արեւելքի մէջ արեւմտեան լոյսի այս ջա-  
չակիրները հանդիսացան անկախութեան զինուորներ պատ-  
մութեան ամբողջ ընթացքին : Կոռուցան Բիւզանդիոնի ու  
Մեքքէի, Թաթարին ու Սելջուկին դէմ : Անկախութեան նուի-  
րական կրակը փոխադրեցին հիւսիս ու հարաւ, մինչեւ որ  
մարտաիներու տարափ մը իջաւ Հայ աշխարհի վրայ :

Այնուհետեւ մոխիր, աւերակ, մէգ ու խաւար :

Սարկութեան հաստարեսս շղթաներ :

Այդ թանձրամած խաւարին մէջ, բոնութիւններէ, հարս-  
տահարութիւններէ, կեղեքումներէ, առեւանգումներէ հիւ-  
սուած այդ ժանդոս շղթային ներքեւ՝ Հայը շա'տ բան  
կորսնցուց : Սարկութեան շղթաները անսարդ հետքեր թողու-  
ցին անոր ձեռներուն եւ ոտներուն վրայ : Անհետացան նկա-  
րագրէն շատ աղնիւ գծեր : Խաւարամած այն շրջանին՝ Հայը  
մոոցաւ իւր լուսաշող պատմութիւնը, իւր դիւցազները, լե-  
զուն, աւանդութիւնները : Օտարացաւ հայ մտքի եւ սրտի  
հոյակապ կոթողներուն : Ան մոոցաւ նոյն իսկ իւր հաւատքը  
— բայց չմոոցաւ, որ սերունդ է աղատ նախնեաց : Չմոոցաւ  
անկախութեան նուիրուած ցեղին նուիրական աւանդը : Տո-  
կալ, համբերել, սպասել, ապրիլ — մինչեւ որ պոոթկումի  
ժամը հնչէր :

Անկախութեան այդ հուրն էր, որ կը մխար Ղարաբաղի  
Մելիքներու սրտերէն . որ նորանոր ծրագրեր կը ներչնչեր  
Օրիներու . քսակները լայն լայն բանալու կը տրամադրէր  
Հնդկահայ մեծահարուստները . նոր դարու չքնաղ դիւտերուն  
կ'առաջնորդէր Յակոբներ ու Ռոկաններ : Ու երբ եկաւ Միի-  
թար ու պատուեց խաւարը, որ նստած էր հայ լեզուի եւ պատ-  
մութեան վրայ . երբ եկան հայ դրագէտներ ու բանաստեղծ-  
ներ, եւ յիշեցուցին Հայուն փառքը, Հայուն իրաւունքը —

անկախութեան մոխրաթաղ կրակը ի հարկէ պոոթկումներ  
ունեցաւ Սասուն կամ Զէյթուն, նոր Վարդաններ ու Վա-  
հաններ նոր Աւարայրներ, Ակոսիներ, Ներսեհապատներ ու  
Մկնառիններ ստեղծեցին նորանոր անուններով, կոռւի եւ  
յաղթութեան նորանոր ձեւերով ու չափերով :

Վսեմ է գաղափարականն անկախութեան :

Արիւն պահանջած է ան միշտ, ու կը պահանջէ :

Տմարդի բոհակալութեան զոհերուն համար չկայ միջին,  
այլ կամ խարազանի տակ արիւնիլ իրբեւ ոտրուկ եւ կամ ա-  
րիւնիլ ու դիմել գէպի անկախութիւն :

Հայն արիւնեցաւ :

Արիւնով ներկուեցան հայ գետերն ու լճերը, արիւնով  
ուողուեցան հայ արտերն ու դաշտերը : Արիւն տեսաւ Արա-  
րատ, արիւն տեսաւ Արագած : Ու եթէ արեան հեղեղատները  
կրցած էին անկախութիւն ծնիլ անցեալի մէջ, արեան Ծո՞վը  
անատակ պիտի ըլլար անկախութեամբ օժտելու արիւնլուց  
ցեղը՝ ներկայի մէջ :

## 1918. ՄԱՅԻՍ 28

Դարեր անցեր են այն օրէն ի վեր, երբ չիջած էր Հայաս-  
տանի երկնքէն անկախութեան աստղը :

Ամբողջ մարդկութիւնը խելակորոյն՝ եղբայրներու արիւ-  
նով թաթաւած էր :

Հիւսիսային արջը ահուելի գալարումներով կեանքէ կը  
հրաժարէր :

Կայսրութիւններ ծուէն ծուէն կ'ըլլային :

Ու ահա այդ միջոցին՝ արեան հայկական Ծովէն կը բար-  
ձրանար գրօշը՝ որ կ'աւետէր աշխարհի . Անկախ Հայաստան :

Մնա՞ց անկիւն մը այնքան խուլ, որ չլսէր հայագորդ  
աւետիքը : Մնա՞ց սիրտ մը այնքան անզլայ, որ չկայտէր ի  
տես անկախութեան, որ դարերու երազն էր : Մնաց հայ մը  
այնքան խորթ եւ ստրուկ, որ չխանդակառուէր եւ չնուիրէր  
Անկախ Հայաստանի իւր հարստութիւնը, առողջութիւնը,  
ոյժը, խելքը, գիտութիւնը, արուեստը :

Մոոցանք արեան ճապաղիքները, բանտերը, անապատ-

ները, զի կը դանուէինք, վերջապէս կը դանուէինք այն կատարին վրայ, որուն համար քրտնած եւ արիւնած էր աղղը:  
Հայաստանն՝ անկախ, ու մենք՝ Հայաստանի անկախ գաւակները:

Հայաստանի աղաս քաղաքացիներ: Հայաստանի՛, եւ ոչ  
թէ Ռուսին, Թուրքին, Պարսկին:

Վերապրեցէք այդ տարիները:

Թարմացուցէք — առանց թունաւոր նախապաշտումի —  
թարմացուցէք յիշատակն այն երջանիկ շրջանին, երբ դաղրած  
էիք ըլլալէ անտէր, անտուն, թափառական:

Ստրկութեան շղթաներուն հետ միասին կը խղուէին եսապաշտութեան նուաստ սեղմումները:

Անմիաբան Հայը կը բնափոխուէր, կ'էափոխուէր:

Անկախ Հայաստան կը դառնար կենդրոնածիլ ոյժը բոլորիս: Միա'կը: Բոլորի՛ս:

\* \* \*

Անկախութեան դրօ՛չ — աւաշ'զ — արդէն անցեալի ծովու մէջ:

Դարեր սպասեցինք:

Ներկան մոայլ է: Լի արհաւիրքով:

Ուրեմն ընենք այն՝ ինչ որ ըրին մեր հայրերը:

Տոկանք: Ամէն զոհողութեամբ՝ կրակը պահենք վառ՝ —  
ևթէ հարկ է — դարեր:

Դ.

## ՎԱՐԴԱՆԱՆԴԻ

ՀԱՅՐԵՆԱՍԻՐՈՒԹԻՒՆ, ԱԶԳԱՍԻՐՈՒԹԻՒՆ

Անունն իսկ աննեալ հմայք կ'արտահոսէ, հակառակ  
տասնուշինդ սասն գարերու: Համանիշ է սուրբ արիւնի եւ  
նուիրական աւիւնի: Աննկուն կորովի եւ քնքուշ գորովի:  
Խոցանիշ է եւ խնկաբոյր:

Ուստի՝ անոր կախարդող ոյժը, թովիչ հանդամանքը,  
զիւթական բնոյթը:

Արի մարտիկներ ու խրոխտ սպարապետներ հաղուադիւտ  
չեն մեր պատմութեան մէջ:

Հայաստանի գետերը մէկ անդամ չէ որ արիւնած ու դաշ-  
տերը մէկ անդամ չէ որ ապաժոյժ դիակներով ծածկուած են:

Հայկական լեռները յաճախ արձագանգած են զէնքերու  
շկահին ու չոփնդ:

Հայկական հողը արդասարեր՝ ոչ ցանցառ դարձած էր  
մարզադաշտ, ասպարէղ մարզախոշոշ ճակատներու:

Քանի՛ էջեր մեր պատմութեան սրով ու արիւնով գրուած:

Եւ սակայն այս մէկ էջը միայն կարծես սրտերու տաքուկ  
պահպանակով զերծ մնացած է գունատելէ:

Այս Սպարապետը եւ անոր զինակիցները՝ մեղի հետ  
կ'ապրին դարէ դար:

Տղմուտի արիւնախառն ալիքները արիւնակից են մեր  
երակներու արեան:

Աւարայրի արիւնաքամ եւ անշունչ մարմինները՝ մե՛ր  
չունչով ու սիրով զմոսուած՝ կը հեստեն փուտի:

Արեւազուրկ են, պարտուած են, եւ սակայն աւելի՛ կեն-  
դանի, քան շա՛տ մը կենդանի կարծուածներ: Աւելի ճշմար-  
դորէն չքաղաքդ ու դափնեպսակ քան շա՛տ մը յաղթականներ:

Մի՛ մերձենաք իրողութեան սովորական չափանիշերով : Զի պիտի չգտնէք բան մը, որ արդարացնէր բացառիկ դիրքը ճակատամարտին, համբաւը անուան :

Ո՞չ թիւը պայքարողներուն եւ զոհուողներուն . ո՞չ անունը թշնամւոյն . ո՞չ զինուորական-ուազմական արդիւնքը մարտին :

Ունեցած ենք — կ'աւանդուի — բանակներ, որոնց արձակած նետերով արեգակը խաւարած է : — Ունեցած ենք թագակապ զօրավարներ, որոնք աշխարհասասան պետութիւններ անուղղի մատնած են : — Ունեցած ենք թշնամիներ, որոնցմէ յաղթուիլն իսկ պատիւ էր :

Բայց այդ ամէնքը մեր սրտին չեն խօսիր : Ազգային տարին անոնց անուններէն ոչ մին կ'ոգեկոչէ :

Անթիւ են հայ հողի վրայ արիւնով կարմրող դիւցազները, բայց միակ է կարմիրն Վարդան եւ ընկերները դիւցազարմ :

Ինչո՞ւ այս միակողմանի, կարծես կուսակցամիտ նախասիրութիւնը հանդէպ այն փառապանծ — պարտեալներուն :

Զի անոնք բիւրեղացումն են գաղափարականի մը :

Հոն՝ Աւարայրի վրայ՝ ստեղծուեցաւ կաղապար մը գեղատիպ, որու վրայէն Վարդաններ ձուլուեցան դարէ դար, շարան շարան :

Մեր գրական Ռոկեղարուն կը համադրեմ Ռոկեղարը զինավառ հայրենասիրութեան : Մաշտոց ու Վարդան կողք կողքի : Ռոկեղինիկ լեզու մէկ կողմ, ոսկի զէնք ու արիւթիւն միւս կողմ :

Դասական հայրենասիրութիւն եւ աղղասիրութիւն : Ինչ որ Եղիկներ ու Կորիւններ զրչով ձեռք բերին, Վարդաններ եւ Արշաւիրներ զէնքով թողուցին աւանդ : Զէնքը եղաւ դասական զրչին դասական արդիւնքը : Բայց մինչ դասական լեզուն ունեցաւ կարծատեւ կեանք, անոր պատուղը՝ դասական հայրենասիրութիւնը, որ Վարդաննեաններով հասունցաւ այնքան արագ, թողուց անմահ սերմեր : Ռոկեղինիկ լեզուն մեռցուեցաւ, ցեխով շաղախուեցաւ, իսկ Վարդաննեան հայրենասիրութիւնը ընթացաւ միշտ արեան ուղեով, միւտ դասականօրէն գեղանի ու փառաշուք :

Մաշտոցի եւ Եղիկի լեզուն հասկնալ՝ յատուկ ուսում կը

սղահանջէ, մասնագիտութիւն է՝ քիչերուն մատչելի : Անոնց լեզուով խօսիլ — զրեթէ անհնար : Իսկ Վարդանանց դասական զործը ամէն Հայ կը հասկնայ : Ամէն Հայ կարող է անոնց լեզուն խօսիլ, անոնց հոգւով ապրիլ : Ամէն Հայու մատչելի է Վարդաննեան հայրենասիրութիւնը : Ան ապրեցաւ ու պտղաբերեց տասնուհինդ գար : Հայոց պատմութիւնը՝ Վահանեաններէն մինչեւ վերջին մարտիրոսազրութիւնը հոգեղաւակն է Վարդաննեան հայրենասիրութեան : Ամէնէն խաւարակուու գարերուն՝ Վարդաննանք մնացին փայլուն աստղ : Ամէնէն արիւնկզակ հայկերներուն դէմ՝ Վարդաննանք եղան անվկանդ թումբ : Միւտ նոր աւիշ ներարկեցին : Հիմա՞յ պիտի մարէր ասողը : Հիմա՞յ պիտի չորնար աւիշը :

Ամէն տարի տօնուող Վարդաննանք՝ մէկ բան կը քարոզեն բարձրագուչ : Ամէն տարի տօնող Հայութիւնը մէկ բան կ'ուզէ սորվիլ Վարդաննեաններէն . նուիրական աղղասիրութիւն, առաքինանման հայրենասիրութիւն :

Դիտեցի՞ք որ անխտիր կը գործածեմ այս բառերը :

Գիտեմ, որ կայ անոնց մէջ տարբերութիւն, եթէ մանր վերլուծենք :

Ա՛յլ է աղղը, եւ այլ՝ հայրենիքը : Եւ սակայն չէ հնար զանոնք իրամէ բաժնել՝ անպատիժ : Աղղի որրան է հայրենիքը : Հայրենիքի մշակը, պահապանն է աղղը : Շուտ կ'օտարանայ աղղը՝ առանց հայրենիքի : Շուտ կը դառնայ խոպան հայրենիքն՝ առանց աղղի :

Ահա թէ ինչու՝ Վարդանանց օրինակը կը կոչեմ անխտիր թէ՝ աղղասիրութիւն եւ թէ՝ հայրենասիրութիւն :

\* \* \*

Յեղյեղուած, ծամծմուած բառեր դժբախտութիւնն ունին չզործաղրուելու :

Այդպէս է աղղասիրութիւնը : Ո՞վ չի՞ ճառեր աղղասիրութենէ : Բայց որքա՞ն քիչերն հարազատ աղղասէրներ են :

Վասակ աղղասէր կը համարէր ինք զինքը՝ երբ կը մատնէր հայրենիքը, որուն համար Վարդան արիւնը կը թափէր :

Ազգասիրութիւնը հասարակ միջոց է եսականութիւնը  
բարութելու, հարստանալու, փառաբանուելու:

Փոխանակ տալու, զոհարերելու տիտղոս ըլլալու, ժողվե-  
լու, դիվելու տիտղոս կը դառնայ:

Զի ի՞նչ են մեզի համար ազգ ու հայրենիք:

Ակնաղբիւր մեր մարմնական ու բարոյական կարողու-  
թիւներուն, հիմն ու պայման մեր անհատական եւ ընկերա-  
կան գոյութեան, միջնորդ մարդկային արժէքներու:

Առանց ազգային հաւաքականութեան հայրենի հողի վրայ՝  
մենք շատ տկար ենք իբր անհատ՝ զոհացնելու համար մեր  
մարդկային պահանջները, մտաւոր ու մարմնական:

Անհատները կու դան կ'անցնին, իսկ ազգը կը մթերէ  
անռանց ապրումները, փորձառութիւնները, բարեմասնութիւն-  
ներն ու թերութիւնները, լոյսերն ու նուածումները: Կը  
մթերէ ու կը փոխանցէ յաջորդ սերունդներուն: Ասոնք զերծ  
են ամէն բան սկիզբէն յօրինելու, փորձելու, քննելու ժամա-  
վաճառ եւ ուժակորոյս հարկին: Ազգային ժառանգութիւնը  
ամեցնել եւ ապա շարունակել է անռանց ալ պարտքը:

Հայրենիքն է այն արդաւանդ հողը, արեգակն ու մթնո-  
լորուը, որ մեզի կը հայթայթէ սնունդ, օդ ու լոյս: Ու աղջն է  
այն ամբարանոցը, որ այն նիւթական ու հոգեկան սնունդն  
ու լոյսը կը մատակարարէ անհատներուն:

Ազգին կը պարտինք, աղջէն կ'առնենք մեր հասակն ու  
գոյնը, մաղն ու զանզը, արիւնն ու խառնուածքը, մեր առա-  
քինութեանց ու մոլութեանց սերմերը:

Ազգ ու հայրենիք տուող են մեզի հանդէպ, եւ այդ պատ-  
ճառով իրաւունք ունին իրենց կարդին մեղմէ պահանջնելու:

Ի՞նչ:

Սիրոյ ամբողջ բովանդակութիւնը — հայրենասիրութիւն,  
ազգասիրութիւն:

Զայդ կը պահանջէն մեղմէ յանուն մտքի, մարդկութեան,  
բարոյականի, կրօնի:

Բայց ի՞նչ կը բովանդակէ ազգի, հայրենիքի ոէրը:

Զի բովանդակեր կրքոտ, անզկօն, չզտուած զգածում,  
մոլութիւն:

Ազգասիրն ու ազգամոլը վիհով բաժնուած են իրարմէ:

Մին առաքինութիւն է, միւսը մոլութիւն: Խաւար՝ եր-  
կրորդը, առաջինը՝ լոյս:

Մոլին կը յարի ազգին առանց զանազանել ուզելու, թէ  
ազգին մէջ ի՞նչն է սիրելի: Կը յարի հայրենիքի անբան բնազ-  
դով, առանց զիտնալ ուզելու, թէ հայրենիքն ինչո՞վ է նուի-  
րական:

Անոր աչքին՝ ազգ ու հայրենիք փոխարժէք են Աստուծոյ  
եւ կրօնի: Հոգեկան գունախտէ վարակուած է: Միայն ան-  
թերին, կատարեալը տեսնելու կարողութիւն ու կամք ունի: Ազգամոլին տեսութեամբ՝ ինչ որ ազգէն գուրս է՝ անար-  
ժէք է: Ամէն արժէք — զիտական գեղարուեստական եւն —  
իւր ազգին մէջ խոտացած են: Անիրաւ է օտար ազգերու հան-  
գէպ, ու չի զգար, կամ առաւելութիւն կը կարծէ իւր ժո-  
ղովուրդին թերութիւնները. իւր զգածումը եթէ ատելութիւն  
չէ՝ արհամարհանք է օտարին դէմ:

Անմի՛տ աստուածացում ազգի եւ ազգայինի, որմէ առա-  
ջին մասուողն է ինքնին ազգը: Զի հակառակ մոլի, ծայ-  
րայեղ լաւատեսութեան՝ ազգը է ու կը մնայ պակասաւոր,  
կարօտ ուղղումներու: Մոլին կոյը է: Չուզեր տեսնել ժանդը,  
բեկումը անհիւն, ու չի խորհիր զարմանը: Իբրև ազգա-  
աեաց, հայրենապաւ կը հալածէ զարման խորհուները: Ու  
մինչ ազգը կը կազմալուծուի, հայրենիքը կը քայքայուի՝ ալ-  
զամուը կը հբաւուի անոր բարգաւաճ վիճակով, որ թերեւս  
տիեզր ծնունդն է իւր թունաւորուած ըղեղին աւելի քան  
իրականութեան:

Որքա՛ն հեռի է անխարդախ ոէրը ազգի՝ հայրենիքի այս  
թոյնէն: Ան կը բովանդակէ երախտաղիտութիւն, անձնուրա-  
ցութիւն եւ նուիրում:

Ազնիւ առաքինութիւն է երախտաղիտութիւնը: Ան որ կը  
պատուիրէ ձանչնալ ամենալոյզն բարիքը եւ փոխարինել,  
կընա՞յ թոյլ տալ, որ մոռնանք մեր մեծաղոյն բարերարը.

կրնա՞յ չդատապարտել ամէն անտարբերութիւն հանդէպ առնոնց, որոնք մեր անցեալլ կերտած են, ներկայն կը ինամեն, ապագան կը պատրաստեն: Ոչ երբեք: Ընդ հակառակն այնքան աւելի ծանր է այս աղջասիրական երախտազիտութիւնը, որքան աւելի՝ մեծարժէք են աղջէ՝ հայրենիք ըխող բարիքները: — Գեղեցիկ, իմաստնալից է հայերէն բառը: Դիտնալ, ճանչնալ երախտիք ու բարիք ոչ լոկ սառն մտքով այլ նաեւ չերմ սրտով: Ճանչնալ ու զնահատել աղջին խողովակով մեզի հասած գանձերը — լեզու, պատմութիւն, մշակոյթ — առաջն քայլն է: Ապա պիտի յորդի երախտազիտութիւնը իրբ սէր, բորբոքի տեսչը՝ փոխարինելու զանոնք՝ բան մը աւելցնելով աղջին զանձերուն վրայ:

Ու հարազատագոյն երախտազիտութեան ապացոյց թողը ըլլայ անձնաղոհութիւնը. անձնուրացութիւնը: Հոն ուր երկնատրանքը եսի եւ աղջի միջեւ է, եսը պէտք է տեղի տայ անպայման: Զի բաւեր զոհել հարստութիւն, խելք, ոյժ, պէտք է զոհել իւր անձը: Զի բաւեր զոհել — ի սէր հայրենիքի — չահ ու փառք, հարկ է ողջակիզել ամենասիրելին՝ եսը: Զոհել սեպհական տեսութիւններ, երբ անոնք չեն համաձայնիր աղդային զաղափարականին: Զոհել անձնական միտութիւններ, երբ կը հակասեն հայրենիքի բարոյն: Զոհել ամէն վաստակ, երբ ան արգելք է հայրենիքի եւ աղջի գերազոյն չահին:

Եւ այդ արգէն նուիրում է — զրական կողմը անձնաղոհութեան: Բոլորանուէր նուիրում: Առ այն կը մզուի զուտ սէրը հայրենիքի եւ աղջի: Սրտազեղ եւ հոգեբուխ նուիրում ի սէր այն հողին՝ զոր աղջն է հերկած, այն յարկին՝ զոր աղջն է կանդնած, այն ժողովուրդին՝ զոր հայրենիքն է կերտած: Նուիրում — եւ ոչ թէ կոյր գերզնահատանք ու սնոտի ներբող: Նուիրում աշխատանքի — ակօս մը բանալու, աղիւս մը զետեղելու, տարակոյս մը լուծելու: Նուիրում իմացական եւ բարոյական ոյժի, գիրքի, աղջեցութեան — կորութիւններ ուղղելու, կթոտածներ ամբացնելու, խաւարամիտներ լուսաւորելու:

\* \* \*

Որոնեցէք հայրենասիրութեան եւ աղգասիրութեան այս ապարները Վարդանանց վրայ:

Բայց կա՞յ հարկ որոնելու: Ակնբախ է, յայտ յանդիման:

Երախտազիտութիւնը կը փայլէր անոնց սրերուն ու վահաններուն վրայ: Երախտազէտ էին, զի գիտէին ու, կը գնահատէին արժէքը խաչին, հայ լեզուին ու հողին — աւանդը նախնեաց: Թշնամին կը սպառնար կրօնին եւ աղջին: Անտարբերութիւնը պիտի նշանակէր ապերախտութիւն: Վարդանանք վերահաս են, թէ ի՞նչ է վտանգուածը: Գրիտորներ ու Ներսէսներ քրտնած, Մուշեղներ ու Մանուէլներ արիւնած էին անոնց համար: Իրե՞նք պիտի ըլլային ապաշնորհ դասալիքներ: Օ՛ն — զոհ զոհի դէմ: — Ու ի՞նչ չզոհեցին Վարդանանք երախտազէտ սիրով: Պիտի չըսեմ՝ իրենց կիներն ու դաւակները: Անոնք զոհուելու պէտք չունէին — զի քաջերուն հաւասար գիւցաղնութեամբ ինքնարերար սեղան մատուցին իրենց հանգիստը, կահն ու գոյքը, սէրն ու զութը: Բայց անկէ յառաջ ողջակիզած էին իրենց եսերը՝ խմբուած մէկ կամքի, մէկ ծրագրի, մէկ զաղափարականի, մէկ մարդու շուրջ: Զնաշխարհի'կ տեսարան: Տոհմեր ու տներ, ազտորեար ու շնական իրարու կը խառնեն իրենց սէրերն ու քէները, կրքերն ու կղձերը. կը կազմեն մէկ զանդուած՝ մէկ գիշերը, կրքերն ու կղձերը: Կը կազմեն մէկ զանդուած՝ մէկ զրօշի տակ — ու կը նուիրեն: Գերազոյն նուիրում — վեր մարմնէ, տնէ, տոհմէ: Նուիրում վերասլաց թափով ու կրօնաշունչ խանդով: Նուիրում ի սէր կրօնի, հայրենիքի, աղջի աղասութեան:

Մարտիկներ գասակա՞ն հայրենասիրութեան եւ աղգասիրութեան: Անոնց համար չունէր գոյութիւն ո՛չ իրական ո՛չ զիտական խտիրը աղջի եւ հայրենիքի: Մէկ աղջի, մէկ հայրենիքի զաւակներ — կրկնապատիկ խոյանքով եւ սաստկութեամբ կը սիրէին, կը զոհուէին, կը նուիրուէին:

Մենք — ափոս՛ս — մի ենք աղդով, բայց ոչ հայրենիքով: Մենք ստիպուած ենք իրը հայրենիք ճանչնալ եւ սիրել երկիր մը, որ թէրեւս թշնամի է այն հողին, զոր մէր եղացրները մը մայր հայրենիք կը ճանչնան ու կը սիրեն: Ուրեմն անիրը եւ մայր հայրենիք կը ճանչնան ու կը սիրեն:

Հնա՞ր է մեղ համար համերաշխ ազգասիրութիւն եւ հայրենաս-  
սիրութիւն :

Հակադրութիւնը պատրանք է : Խաղն է դարերու : Քմայքը  
բիրտ ոյժի , որ զմեղ ցիրուցան է ըրած : Մեր ազգասիրու-  
թիւնը պէտք է ազատ ըլլայ պատահական ու մասնական կաշ-  
կանդումներէ , ու գրկախառնուի այն հայրենասիրութեան  
հետ , որ զՀայաստան կը ճանչնաց Մայր Հայրենիք Հայ ժողո-  
վուրդի :

\* \* \*

Ազգասիրութիւնը առաքինութիւն է եւ իրր այսպիսի  
նման ուրիշ առաքինութիւններու միայն կորովով , կամքով ու  
նկարագրով կ'իրագործուի :

Դիւրաւ կ'արտասանենք , կը մեկնենք զայն , բայց շատ  
գժուարաւ կը զործագրենք անխարդախ ու զաղափարական  
ազգասիրութիւնը : Եւ ճիշդ այն տարրը , որ ազգասիրութեան  
կու տայ հմայք , զբաւչութիւն , նոյն այդ տարրն է իսկական  
գժուարութիւնը , խոչընդոտը :

Անձնուրաց , անձնազոհ նուիրում — ահա ազգասիրու-  
թեան հոյակապ վսեմութիւնը , ու միաժամանակ՝ դասուկ-  
նիքը :

Դիւրին է ազգային նպատակներու համար լումաներ նե-  
տել : Զէ՞ որ մուրացկանին ալ նոյնը կ'ընենք : — Դիւրին է  
ազգով զբաղիլ , քննադատել , խծրծել , առաջարկներ ընել :  
Զէ՞ որ օտարն ու թշնամին ալ կը քննադատենք : — Դիւրին է  
ազգային պաշտօններ վարել , պատասխանառու դիրքեր յանձն  
առնուլ : — Զէ՞ որ կարկառուն գիրքն ինքնին իսայծ է անձնա-  
սիրութեան :

Անձնուրաց նուիրումը աւելին կը պահանջէ ազգասէրէն :  
Փշոտ է անոր ճանապարհը : Հէկնական են անոր վրայ ուղ-  
ղուած ակնարկները : Բայց ան կ'ընթանայ անսայթաք , բարձր  
ի զլուխ ջատագով կը կանզնի ազգին , չի գոհանար ո՛չ թոյլ  
ողբով , ո՛չ կըոտ անէծքներով : Ազգին մէջ տեսնել ուղածը՝  
նախ իւր վրայ կը ցուցնէ : Ազգին վրայ խարանուածը՝ նախ  
իւր վրայ կ'ուղդէ : — Եթէ կը տեսնէ վատասերումը երի-

տասարդ սերունդին , կը քննէ ինք զինքը՝ իւր մէջ ոչնչացնե-  
լու համար վատասերումի մանրէները : — Մինչ ուրիշներ ան-  
տարեր են ազգին լեզուին ու անցեալին հանդէպ , ազգասէրը՝  
իրեւ նուիրական մասունք կը հաւաքէ ամէն ծանօթութիւն  
ազգային փառքերու մասին : — Բայց անձնազոհ նուիրումը կը  
փայլի բոցավառ , երբ կադ ու կրիւ , հեռ ու նախանձ իր մա-  
հարեր թոյներ մուտ գործեն ազգային մարմնէն ներս ու սպաս-  
նան կազմալուծել , սառեցնել , մահացնել : Ու ահա ազգա-  
սէրը՝ որ կը լքէ իւր «Վորքը» , իւր եալ , իւր լաւագոյն կար-  
ծած տեսութիւններն ու համոզումները՝ ի սէր միութեան ,  
համերաշխութեան : Կը զոհէ ամէն բան , զի գիտէ , թէ երբ  
ազգ մը միութիւն ունի ամենայն ինչ ունի : Առանց միութեան  
եւ համերաշխութեան՝ ի զուր է խելքը , հարստութիւնը — եւ  
կամ՝ բուն պատճառ է քայլայումի : Տկարներու միութիւնը  
ոյժ է : Ուժեղներու երկառակութիւնը՝ տկարութիւն : Աղ-  
պաէրը կը զոհէ ամէն շահ ի սէր այդ միութեան :

Դժուա՛ր է այսպիսի ազգասիրութիւն : Բայց գեղեցիկ է :  
Ի՞նչ չնաշխարհէիկ նկարագիր — նկարագիրը ազգասիրին :  
Անձնազոհ նուիրումի կրակով զտուած : Ոսկի՝ զերծ կղկղանքէ :  
Զի զնահատուիր ժամանակակիցներէ , կը զնահատուի ապա-  
գայ սերունդներէն : Դատափետումներու լեզի բաժակը ցմրուր  
քամելով՝ նկարագիրը չի մեռնիր , այլ կ'անմահանայ : Ժամա-  
նակակից զրուատիքը կը մեղկացնէ , կը ջլատէ : Ազգասէրին  
էական զործն է՝ աւանդը վորհանցել յաջորդներուն : Զայդ  
կը կատարէ ամուր ու պինդ նկարագրով :

\* \* \*

Կան ժարդիկ , որոնց զաղափարականն է ողորիլ ազգի եւ  
ազգասիրութեան դէմ :

Եթէ ըսէին . Ազգասիրութիւնը ցնորք է , զի անհնար է  
ուրանալ զոհել իւր եսն ու շահերը — պիտի հասկնայի ու  
ներէի :

Բայց կոուիլ ազգասիրութեան դէմ ու ազգը կոչել՝ թոյն  
ու սերմ պատեղազմներու — չարութիւն է կամ տգիտութիւն :

Սէր ընտանիքի , սէր ազգի , սէր մարդկութեան — մարդ-

կային ընկերական սիրոյ եռաստիճանն նուիրապետութիւնն է, ուր սէրերը զիրոր չեւ ժխտեր, արտաքսեր այլ կ'ենթադրեն, կ'ամբողջացնեն :

Ազգասէրը օտարատեաց չէ : Ազգասէրը բարեկամ չէ պատերազմի, զի չի կրնար, չուզեր տեսնել աւերումը իւր հայրենիքին, անզաւակումն իւր եղբայրներուն : Միայն ստիպուած՝ կ'ընտրէ սուր ու մահ՝ պահելու համար աղատութիւն ու պատիւ, պաշտպանելու համար հայրենիք ու կրօն :

\* \* \*

Վերադառնանք Վարդանանց :

Որքա՞ն տարբերութիւն անոնց եւ մեր ժամանակին միջեւ : Գոյութիւն չունի Քէշը : Գոյութիւն չունի դասական շունչով մարզուած հայութիւն : Գոյութիւն չունի ամէն Հայու հասարապէս ժպտող Հայրենիք մը — Մայր Հայաստան :

Եւ սակայն նմանութիւնը մեծ է : Անուննե՛րը փոխուած էն : Մնացած է հայագրուժ ծրագիրը Քէշին — աւելի ընդլայնուած : Մնացած է Հայութիւն մը — Հայաստանէ ներս ու դուրս — կարեվեր բազմախոց, չորս հովերուն ցիրուցան, բարքերով ու լեզուով իրարու օտար, բայց կապուած իրարու արինով եւ ազգասիրութեամբ, հայրենասիրութեամբ :

Դասական չէ լեզուն : Դասական կրնայ ըլլալ հոգին : Ու անհրաժեշտ է դասական հայրենասիրութիւնը Վարդանանց — մանաւանդ այսօր :

Անոնց նման հարկ է որ ծառանանք բոլոր կարգի Քէշերու դէմ ու զոհենք ամենայն ինչ ի սէր ազգային աւանդին :

Զեռն ի ձեռն, միասիրտ, միաբան — անոնց նման :

Համեմատութեամբ այս էական նմանութեան՝ երկրորդական են տարբերութիւնները :

Անոնց ձեռքը՝ դէնք. մեր ձեռքը՝ դրիչ : Անոնք՝ բանակախումբ. մենք՝ դպրոցախումբ : Անոնք՝ հայրենիքի մէջ. մէնք՝ հայրենիքէ դուրս : Անոնք՝ հայրենասիրութեամբ աղդասէր. մենք՝ ազգասիրութեամբ հայրենասէր :

Բայց թէ՛ անոնք թէ՛ մենք՝ Հայ հայրենիքի եւ Հոյ ժողովուրդի համար :

Ե.

Հ. Պ. Ը. Պ.

## ՈՉ ՄԻԱՅՆ ՄԱՐՄԻՆ

Հայ Մարմնակրթական Ընդհանուր Միութեան ծրագիր — կանոնագիրն է զաղափարներուս աղբիւրը։ Հին զրքոյկ է։ տպուած 1919ին։ Գիտեմ թէ չառ բան փոխուած է։ Բայց փոխուած է արտաքուստ, իսկ էականը, ներքինը՝ մնացած է անխախտ։

Գրքոյկին առաջին էջին վրայ կը կարդամ։ «Հայ Մայրեր, վստահութեամբ մեղի յանձնեցէք Զեր զաւակները։ Զանոնք պիտի վերագրածնենք Զեղի՝ աւելի աղնիւ, աւելի հզօր, արի և գորովու։

Այս հրաւէրը ունի<sup>o</sup> արժէք նաեւ այսօր։ Պէտք է ունենայ, եթէ հակառակ արտաքին, պատահական փոփոխութիւններու՝ ոչինչ փոխուած է Հ. Մ. Լ. Մ. ի էական ու զաղափարական ծրագրէն։

\* \* \*

Հ. Մ. Լ. Մ. ի անունը ինձ համար պատճառ է աղնիւ չպարտութեան, օրինաւոր պարծանքի։ Անոր անուան հետ կ'երեւակցիմ խումբեր ու խմբակներ հայ պատանիներու առողջ մարմնով, կարմիր այտերով, կրակուրոց աչքերով, հագուստով ու կապուստով մը՝ որ հեռի է զիրոց ու զեղիս կեանը մը մատնանշելէ։

Բայց արդեօք — կը հարցնեմ ես ինձի — խարուսիկ չէ<sup>o</sup> երեւոյթը։ Զէ<sup>o</sup> կարելի զուսպ շարքերով փառութիւն ծածկել եւ յուսախար ընել թէ՛ ծնողները եւ թէ՛ հայ ժողովուրդը։ Դժբախտաբար կարելի է։ Եթէ կառչիք Հ. Մ. Լ. Մ. անուան

կան կեանքի մակերեսին վրայ, որոնք վատաբարոյ, վատարանց են խոր եւ էական հարցերու մէջ: Քաջ են ծովու ամենի ալիքներուն դէմ — բայց վատօրէն կ'ուղանան իրենց գործած յանցանքը, վատօրէն կը փախչին արժանի պատիժէն, վատօրէն կը մատնեն խիզճ ու պատիւ, վատօրէն կը ստեն:

Կը կրկնեմ. իմ գատաւորութիւնս չէ անարգել մարմին ու մարմնամարդ: Ես կ'ոգորիմ միակողմանիութեան դէմ. մարմինը մարզելու թեքելու՝ եւ հոգին անտեսելու դէմ: Կը պահանջեմ ներդաշնակ զարդացում, ուր հոգի եւ մարմին իրենց սպատած տեղն ունենան, ուր մարմնոյ ոյժին համընթաց՝ հողին զօրանայ: — Ուստի կը հիանամ ձեր վրայ, եթէ այնպէս կարծրացնէք ձեր մարմինը, որ սառուցապատ գետի մէջ կարենաք լողալ, բայց հիացումս յափշտակութեան կը փոխուի, եթէ ունենաք կարծրադէմ արիութիւնը պաշտպան կանզնելու իրաւունքի եւ արդարութեան՝ մարզադէմ զաղաններէ շրջապատուած: — Յարգանք ձեր մարզանքներուն, ձեր ճարպիկութեան ու բանդիտութեան, եթէ հրդեհի առթիւ կեանքեր փրկէք, բայց պաշտամունքով խառն սէ՛ր ձեզի, եթէ կատղած փոթորկած մարդկան մէջ խաղաղութիւն վերահաստատէք: — Սենեկա կը զրէք լուկիլիսուի (80 նամակ): «Շատերը մարմինը կը մարզեն, բայց ոչ հոգին... եթէ կարելի է մարմինն այնպէս մարզել, որ դիմանայ թշնամիներու կիցերուն ու կոռւիներուն, արեւու կիզիչ ճառապայթներուն, խոցող սրերու — ինչո՞ւ հնարաւոր պիտի շրլայ մարզել հոգի ու միտք, սիրու ու կամք այնպէս, որ անսասան մնայ բախտի հարուածներուն դէմ»:

Հոգւոյ ու մտքի, սրտի եւ կամքի մարզանքով կը կերտուի նկարագիրը:

\* \* \*

Նկարագիր չի նշանակեր բոռւնցք մը ճանման, ատամներ սուր ու սպիտակ, աչքեր կորովարիք, մսաններ ուռած: Նկարագիրը ոյժ է կենդրոնացած կուտակուած ամբարուած: Կամքի՝ եւ ոչ թէ մարմնոյ: Գեղեցիկ է Huxleyի սահմանը.

«Ուժեղ կամք՝ վափուկ խղճի առաջնորդութեամբ»: — Յիշեցի՞ք արդեօք ձեր հրաւէրը: Ի՞նչ կը խոստանաք ծնողաց երբ կ'ըսէք. «Ձեր որդիները պիտի վերադարձնենք ձեղի աւելի հզօր, արի եւ զորովոտ»: Ուրեմն ոչ միայն մարմին: Հզօր եւ արի — ահա ուժեղ կամքը: Աղնիւ ու զորովոտ — ահա վափուկ խիզճն ու սիրտը:

Հ. Մ. Ը. կապարակաւ կը խոստանայ կազմել նկարագիր, ներքին արժէքը, խկալան մարդը:

Գիտեմ — ոչ միայն նկարագիր, այլ նաև միտք ու մսան: Այս երեքին ներդաշնակ զարդացումէն կը բխէ կատարեալ մարդը: — Տիեզժ էք, եթէ լոկ մսան ու միտք մշակէք, եւ անտեսէք արտաքսէք նկարագիրը: Ի՞նչ օգուտ փառակերտ նաւի մը բեկորներն ըլլալէ: Միայն միտքը չ'աղատեր զձեղ զարդացնելու ահուելի վտանգէն: Միայն մսանը չի պահեր զձեղ զասալքութեան եւ երդմնազանցութեան խարագիէն: Առանց նկարագրի՝ չկայ հարազատ Հ. Մ. Ը. զի առանց նկարագրի, միա՛յն մարմնով, անհնար է իրադործել անոր վսեմ ծրագիրը:

Ծրագրին մաս կը կազմեն երդում մը նուիրական, դաւանանք մը բազմաստիճան, կարգախօս մը վսեմ: Երեք ծանրակշիռ մասեր ծրագրին, որոնք նկարագիր կը պահանջնեն, նկարագիր կը կազմեն, ու — նկարագրով կ'իրականանան:

Երդում մը սուրբ: Արտասանուած հանդիսապէս, պաշտօնական շրջապատով, ուղղուած Ամենատեսին, Ամենակարին, որ Պահապանն է արդարութեան, Աղբեւրը ճշմարտութեան: — Ձեր աննիւթական երդումը անխոցելի վահանի մը կը կարօտի: Նետերը, որոնք կը տեղան Աստուծոյ եւ հայրենիքի դէմ, ձեր երդումին դէմ տեղացող նետեր են: — Ինչո՞վ դիմադրել, վահանափակել: Երկաթեայ կուրծքո՞վ: Կաշնըուոն մսաններո՞վ: Բայց աննիւթական նետերը կրնան վկանդուիլ միայն աննիւթական վահանով: Աստուծոյ եւ աղին հաւատարօրէն ծառայելու երդումը՝ կրնայ յարգուիլ միայն աննիւթական ուժովը նկարագրի — պողպատեայ կամքով ու վափուկ, պարտաճանաչ խղճով: Ապա թէ ոչ կը տապալիք իրը վատշուեր, իրը երդմնազրութ, զի չունեցաք ուժեղ

կամքը՝ ու լոեցիք, ուր հարկ էր խօսիլ. խօսեցաք՝ ուր հարկ էր լոել. շարժեցաք՝ ուր հարկ էր կապարի նման անշարժ մնալ: Ծառայել Աստուծոյ եւ հայրենիքի՝ երբեմն խօսք մըն է, երբեմն լուսութիւն մը. երբեմն շարժում մը եւ երբեմն՝ անշարժութիւն: — Զեր երդումը կը պահանջէ նկարագիր:

Դաւանակ մը բազմաստինան: Կը պարտագրէ ոչ միայն քաղել անկոփ առապարներէ, մաղել սեպ ու լերկ ժայռեր, բարձրանալ ամպածրար զաղաթներ, մխուիլ անել բաւիղներ: Կը պարտաղրէ նաեւ կոխել առապարներն ըմբոստութեան, ընդունել կրքերն անսանձ, մաղել սեպ ժայռն անսասան հաւատարմութեան, վերանալ ամպածիր զաղաթներն անձնաղոհ աղղասիրութեան եւ հայրենասիրութեան, մխուիլ բաւիղներն ընկերականութեան: Դաւանանք մըն է, որ կը պարտագրէ քաղել բարոյականութեան նեղ ու քարքարուտ կածաններէն: — Մի՛ պարծիք թէ կոշտացած են ձեր ներբանները, քարանման են ձեր ջիլերը, թէ վարժ էք քնոյ եւ անքնութեան, ծարաւի եւ սովի, արեւու եւ հեղեղի, ձիւնի եւ բուքի — աւա՛ղ, մարմնոյ ի՞նչ հսկաներ ողորմելի գաճաճներ կը դառնան, երբ բարոյականութիւնը կը ցուցնէ իւր անողոք երեսը: — Երբ դաւանանքդ կը պահանջէ հշմարտութիւն, իսկ չահդ կը չշնչէ ստախօսութիւն. Երբ դաւանանքդ կը հրամայէ հնազանդութիւն, իսկ ամբարտաւանութիւնդ կը դոչէ ըմբոստութիւն. Երբ դաւանանքդ կը պատուիրէ հաւատարմութիւն, իսկ մոլութիւններդ բաղմամբոխ կ'աղաղակեն մատնութիւն — այս ահաւոր ժխորին ու փոթորկին մէջ՝ անպէտ են բաղուկներդ, սրունքներդ, մսաններդ: Պէտք է նկարագիր — ուժեղ կամք, փափուկ խիղդ պարտաճանաչ, ապա թէ ոչ կը զգետնիս չնչասպառ, կը գլորիս դարահոս, կը մատնես ամէն սրբութիւն եւ արժէք: — Զեր դաւանանքը կը պահանջէ նկարագիր:

Կարգախօս մը վսեմ: Հոգին Միութեան: Զսպանակը արիական գործերու, ձեռնարկներու: Առաջին մասը կարգախօսին՝ բարձրացիր: Զեմ նշմարեր զայն թաղիքէ զլխարկներու կամ կաշիէ գոտիներու վրայ: Բայց խորաքանդակ զրոշմուած է հողիներու մէջ: Ու նպատակը՝ չէ նիւթական, տեղական բարձրութիւն: Զի բաւեր ուրեմն ունենալ կարչնեղ

սրուններ, անմաշ կօշիկներ, անբեկ դաւաղաններ: Կարգախօսը կը թելազրէ վեհօրէն՝ Բարձրացիր վեր սուտէն ու փուտէն. բարձրացիր վեր եսիդ կեղտու խորչերէն. թո՛ղ ստորնագարչ խորհուրդները վրէժի, տաելութեան, նախանձի, ու բարձրացիր օգասուն կատարները ներումի, ընկերական սիրոյ, անեղը բարութեան: Թող ժանտ մթնոլորտը անժուժեկալութեան, անյատակ անզունդը ջատող հանոյքներու, ու ե՛լ բարձրացիր հեղասիւք սարերը ժուժկալութեան, ողջախոնչութեան: Բարձրացի՛ր, բարձրացի՛ր: Բայց, թոյլ են մարմնոյ անդամները, ծնկերը կը կթոտին, զլուխը կը պտուտկի, արին կը թաւալի գետին: Այդ բարձրութեան կրնայ համնի միայն ոսկրուտ, անվեհեր նկարագիրը: Նիւթական Արարարար կարող է ըլլալ բաժինը մարմնով ու նիւթով ուժեղին, իսկ Արարար կրօնի ու բարոյականութեան, Արարար հարապատ աղղասիրութեան եւ հայրենասիրութեան — այդ Արարար բաժինն է նկարագրին, ուժեղ կամքին, փափուկ խղձին:

Սակայն, արինե՛ր, դարձուցէք ձեր աչքերը շուրջ բոլոր: Նայեցէք գէսի վար: Քանինե՛ր թանձր քուն մը նիրհեն՝ թմրած աղղամնենդ, կրօնադաւ, անբարոյ թոյներէ: Մարմնով հաշմանդամներու, ժանտախտաւորներու կողքին՝ նշմարեցէք աւելի թշուաները կրօնով ու բարոյականով, աղդային ու մարդկային զգածումներէ սնանկները: Գետնամած են: Մեռելութիւն է անոնց վիճակը, յուսահատութեան խորավիտն է անոնց վերջակէտը: — Օ՛ն, արի՛դ, բարձրացա՞ր: Կերտուած է մէջդ զուտ ու ձոյլ ոսկի նկարագիրը: Ուրեմն՝ գործի՛ Բարձրացո՞ւր: Սպաս գեր ընկերուի ոյժերդ, լոյսերդ: Եղիր ոտք՝ կաղին. ձեռք՝ խեղին. լոյս՝ կոյրին. յենարան՝ տկարներու. ապաւէն՝ հալածուածներու: Արի պաշտպան օրիորդներու եւ տիկիններու պատուցն: Հոն՝ ուր դու կ'երեւաս, պէտք է լոեն խօսքերը պիղծ. պէտք է փարատի մառախուղը նենդութեան, դաւի, կեղծիքի. պէտք է պապանձին վենուսեան ու բակլուսեան լեզուներ: — Սակայն այս ամէնը կրնաս ու պէտք ես կատարել ոչ թէ բուռնցքով, աքացիով, այլ նկարագրիդ անդիմաղրելի ուժովը, որ կ'ազդէ, կը

սովորէ , կ'աղնուացնէ , կը բարձրացնէ՝ առանց խոց ու վէրքի :  
— Զեր կարգախօսը կը պահանջէ նկարադիր :

Երանի՛ բոլորս ստացած ըլլայինք նման ծրագրով զան-  
զուած թրծուած նկարադիր : — Հայրենիքը պիտի ըլլար ան-  
տէր : Աղդը պիտի ըլլար հէք ու չուառ : Մենք պիտի ըլլ-  
լայինք հայրենազուրկ , թափառական : Ոչ ոք պիտի կարենար  
զմել հայրենիքէ աքսորել . ոչ ոք՝ Արարատը յափշտակել : Զի  
ուր որ գաղթէինք , ամենազառն աքսորալայրն անդամ՝ նկա-  
րագրի իբր մաս՝ հոդոյ մէջ պատապար ամբաթաքուց՝ պիտի  
կրէինք՝ կրօնի ու Հայրենիքի անդին արժէքները :

Այսպէս կ'ըմբռնեմ Հ . Մ . Լ . Մ .

ԲԱՐՁՐԱՑԻՐ , ԲԱՐՁՐԱՑՈՒՐ

Զերն է վսեմ կարդախօսը , վեհ նշանաբանը :  
Այդ է ձեր կեանքը — բարձրանալ : Այդ է ձեր կոչումը  
— բարձրացնել :

Զեր կեանքը — Զեր կոչումը :  
Բայց ո՞վ էք դուք : — Հայ Մարմնակրթական ընդհանուր  
Միութիւն :

Այսչա՞փ միայն : Լոկ մարմնակրթութիւն : Վսեմ խօսքը՝  
լոկ տեղական վերե՞լք մատնանշելու համար : Այդ է ձեր  
կեանքը : Այդ է ձեր կոչումը : Աշխարհագրական լեռ մը —  
զաղափարակա՞ն : Լեռ մը բարձրանալ , ճամբայ յորդել , ջուր  
դանել , խարոյկ վառել , ցից տնկել : Կ'արժէ՞ այդքան ոյժ  
սպառել , գոչել , աղմկել , խանդավառել : — Զա՞րժել : Ու  
խանդավառութիւնը պիտի ըլլար ընդհանուր , պիտի ըլլար  
տեւական , եթէ դուք սոսկ նիւթի ծառայէիք , նիւթ ըլլայիք :

Նիւթը դուրկ է գաղափարականէ : Իսկ դուք գաղափա-  
րական մը ունիք — Արարատ , խորհրդանշանը Հայ ցեղին ,  
անոր հայրենիքին , դարաւոր պայքարներուն ու ձգտումնե-  
րուն , անոր անսասան հաւատքին ու վերջնական յաղթու-  
թեան : Այդ զաղափարականին լուագոյն ցուցանիշներ են Զեր  
մատները : Անոնք բարձրադոչ կը քարոզեն վեհութիւնը ձեր  
կեանքին ու կոչման , փառաշուք խկութիւնը Միութեան մը ,  
որ համեստութիւնն ունի ինք զինքը մարմնակրթական անուա-  
նելու : Զեր վեր ցցած մատները կը նշանակեն զաւանանք մը ,  
որ կը պարունակէ ոչ լոկ առողջապահական , այլ նաեւ աղ-  
դային ու բարոյական զաղափարական մը՝ արժանի Արարա-  
տով խորհրդանշուելու : Այդպիսի գաղաթ մը բարձրանալու  
համար՝ Կ'արժէ որ ձգտէք մարմնոյ բոլոր մսաններն ու հող-  
ւոյ բոլոր ոյժերը : Կ'արժէ , որ Հայ ժողովուրդը դուրգուրայ  
ձեր վրայ ու Հայ ամբողջ Երիտասարդութիւնը խոնուի ձեր  
չուրջ : Դուք ըլլար համակ Հայ Երիտասարդութիւնը : Զի  
ո՞ւր կընայ Հայ Երիտասարդութիւնը ապրիլ վսեմալոյն կեանք  
մը : Ա՞ւր՝ իրագործել վեհազոյն կոչում մը :

\* \* \*

կեանքը շարժում է : Ոչ՝ մեքենական, արտաքուստ եկող կորսուող շարժում, այլ ինքնաբուխ, ներքնաբուխ : Անով կը սնանի, կ'աճի, կը բաղմապատկուի անհատը : Անշարժութեամբ՝ մահը կը դառնայ բռնապետ իշխան :

Շարժում է նաև բարոյական կեանքը : Ու մարդու բարոյական կեանքը երկու ուղղութեամբ — իրարու հակընդդէմ — կրնայ շարժիլ : Դէպի վայրաքարչ մզումներովը՝ եսամուլութեան, լմբոստութեան, զեղիսութեան, ու դէպի վեր՝ երկնաձիկ ոյժովս ասաքինութեան, բարութեան ու ճշմարտութեան, անձնազոհութեան եւ արդարամտութեան : Ամէն մարդու մէջ դոյցութիւն ունին այդ իրարամերժ մզումները՝ դէպի վսեմն ու դէպի զուհիկը, դէպի կատար ու դէպի խորխարատ : Ամէն մարդու կուրծքին ներքեւ ծածկուած է ոճագործ մը եւ դիւցաղն մը : Ու իրաքանչիւր մարդու ազատակամ ընտրութենէն, վճիռէն կախուած է միոյն կամ միւսին յաղթանակը : Մին կամ միւսը — ոճրագործը կամ դիւցաղնը — պէտք է պարտուի, մեռնի, որպէս զի մին միայն իշխէ : Այդ կոփը մզելու համար կ'ապրինք : Այդ կոռուի մէջ յաղթանակ կանգնելու համար՝ կ'արժէ որ ապրինք :

Արդ երբ կը կարդամ Հայ Արիին գաւանանքը, հաճոյքով կը նկատեմ, որ ան վճոած է՝ ապրեցնել դիւցաղնը, խղղել ոճրագործը . բարձրանալ ամէն գնով, ու երբեք՝ գլորիլ :

Դաւանանք կը բաղկանայ 12 կէոէ : Մէն մի կէտ կենսական նշանակութիւն ունի : Դիւցաղնին — որ պիտի յաղթէ ու ապրի — նկարագիրը կը կազմէ : Մէն մի կէտ՝ մահու հարուած է ոճրագործին հակոտնեայ ունակութիւններուն :

Տասներկու ոսկեղին աստիճաններով վերելք մըն է դաւանանքը . հարուստ ներքին մաքառումներով : Յաջորդող ամէն աստիճան նոր զոհ մը, նոր ճիկ մը կը պահանջէ, նորանոր կնճիռներ կը բարդէ — ու հարթելու կը դրդէ :

Դժուար ու սեպ վերելք : Բայց Հայ Արին, կը աքնի, կը քրտնի, կ'ապրի ամէն օր, ամէն ժամ ու կը բարձրանայ : Այն ժամը որ չի նշանակեր բարձրացում՝ կրնայ առթել դահավիժում : Բայց գաղափարականի շողոզուն ասազը կը հարվիժում, կը քաշէ դէպի վեր : Թոյլ չի տար սահելու սայթաքերէ, կը քաշէ դէպի վեր :

Եւ : Դաւանանքի կատարէն կը ժպտի կատարեալ մարդը — որուն պէտք է համնի Արին ապրելով կեանք մը մաքուր զածումի, խօսքի, գործի : Պէտք է բարձրանայ մինչեւ անվեհէր հաւատարմութիւն հանդէպ Աստուծոյ, հայրենիքի :

Երբ մարմանայ ձեր մէջ հաւատարմութիւն Աստուծոյ եւ հայրենիքի, ձեր կեանքը կ'ըլլայ հասուն պտուղներով զարդարուած բարձրուեցէ ծառ մը, կեանքը տիպար մարդուն, եւ տիպար՝ հարազատ, զտարիւն Հայուն :

Ինծի համար պատմական Հայը համանիչ է հաւատարմութեան : Այնչափ կը հեռանաք Հայութենէ, որչափ՝ հաւատարմութենէ : Ու եթէ լքէք հաւատարմութեան սկզբունքը — սկզբունքը նաև ձեր դաւանանքին — կը մեռնի ձեր մէջ թէ՛ Արին թէ՛ Հայը :

Հաւատարմութիւնն էր համագումարը Հայուն առաքինութիւններուն : Հաւատարմութիւն կրօնի եւ խղճի, հողի եւ ցեղի, ընտանիքի եւ զաւակի, խօսքի ու գործի — ահա կարձ ի կարձոյ հայ առաքինութիւններու ցանկը, հայելին Հայ բարոյականին :

Կատարեալ մարդ էր հաւատարմութեամբ կուռ Հայը : Ու երբ Հ. Մ. Լ. Մ. Կ. Արիները կ'երգնուն հաւատարմութիւն Աստուծոյ, հայրենիքի, ընկերի, եւ իրենց կեանքին նպատակ կը զնեն՝ այդ երգումը գործադրել — ինչպէ՞ս չողջունեմ անոնց մէջ ոչ միայն Մարդը, այլ նաև Հայը :

Առաքինի, հաւատարմ Հայը, տիպար Հայը մեր պատմութեան դիւցաղնական ըրջաններուն, վտանդի մէջէ : Վտանդ՝ կորսուելու իրեւ բարոյականի, նկարագրի տէր անհատ, եւ կորսուելու իրեւ ցեղ մը որ հաւատարիմ եղած էր միշտ Աստուծոյ եւ հայրենիքի : Անոր մըաց կը բռնանան ստորնամէտ մզումները՝ հարհուած օտարութեան ու տառապանքի աննպաստ ու բարոյալքիչ պայմաններէն : Հայ երիտասարդներու մէջ — որոնք ապդին յոյսն են, որոնց վրաց պիտի յենու ցեղին ապագան — ծաւալ կը գտնեն ու կը խորանան ցեղին խորթ մոլութիւններ : Կը խաթարուի կ'աղճատուի բնիկ նկարվիրը Հայուն : Ոչ տակաւ, այլ զգլսիչ արագութեամբ կ'անյայտանան հաւատարմութիւն, արդարութիւն, անձնա-

զո՞հ աղղասիրութիւն, ու անոնց տեղ կ'երեւան վաստախտարակ սկզբունքներն ու հայեացքները Եսին, Նիւթին, Սուտին — երեք ամէնէն ահաւոր թշնամիները բարձրացումի: Մի՛ փնտուէք հօն այլիւս հաւատարմութիւն ո՛չ Աստուծոյ, ո՛չ Հայրենիքի, ո՛չ Ազդի: Այս նուիրական արժէքներուն, ընդունակ չեն անոնք՝ որոնք ամենայն ինչ օգտապաշտական կշիռքի վրայ կը դնեն: Զկայ անոնց մօտ զաղափարապաշտ, խանդ, հոդի: Տարբները շարժող բարձրացող կեանքի: Այլ միս, ոսկի, երկաթ: Տարբներ մահուան: Ազդայի՛ն ճղնաժամ, հոգեվարք: Սողոսկող Հայեր, հողամած, գետնամած՝ փոխանակ նման նախնեաց թոչելու, սուրալու:

Ինչո՞ւ սակայն այս մոայլ պատկերը: Զի ան բնական հետեւութիւնն է հիմնական սպակասի մը: Կը սպակի զաղափարականը, որ միշտ չողայ անոնց առջեւ եւ հրամայէ. Բարձրացի՛ր:

Դուք ունիք զայն: Կը լոէք այդ վոեմ հրամայականը: Անոր հետեւիլ է ձեր կեանքը: Ու այդ կեանքը մերձեցնել նաեւ ընկերին՝ պիտի ըլլայ ձեր կոչումը:

\* \* \*

### Բարձրացուր:

Ազդ մը իւր զատիքարակութեամբ կը փրկուի, իւր գաստիքակութեամբ կը կորսուի:

Գիտեմ, որ ընտանիք ու դպրոց ըլլալու են սրբանոցները զատիքարակութեան:

Բայց կը կատարե՛ն, կրնա՞ն կատարել անոնք իրենց պաշտօնը: Արտաշխարչի, միջավայրի ազգեցութիւնը աւելի ուժեղ է յաճախ: Ծնոտանիք ու դպրոց չեն կարող տղուն հետեւիլ ամէն տարիքի եւ ամէն տեղ: Շատերը կը լքեն դպրոցը ճիշդ այն հասակին, երբ ամէնէն աւելի կարօտ են ուղղուելու, առաջնորդուելու:

Դպրոցի եւ ընտանիքի քով ուրեմն՝ դործունէութեան ընդդարձակ դաշտ մը բաց կը մնայ:

Անհրաժեշտ է կաղմակերպութիւն մը, որ մասնաւորապէս այդ շրջանին նեցուկ ըլլայ պատանիներու: Զթողու որ

դպրոցի եւ ընտանիքի մէջ տրուած թոփչքը կասի: Արգելու գահապիթումը: Ամրապնդէ սկզբունքները: Տայ կեանքի փոթորկիներու գիմացող գաղափարականներ:

Հ. Մ. · Լ. Մ. կրնայ խաղալ այդ գերը: Կրնայ դառնալ հրապարակային թումբ՝ վատասներումի եւ օտարացումի դէմ:

Ահա պատանի դպրոցականներ — չըջանաւարտ: Որքա՞ն դիւրաւ կրնան մոլորիլ, յաճախել ժամագրավայրեր՝ ուր նիւթական նեխ օդին հետ՝ բարոյականն ալ ապականած է: Դիւրաւ կ'ըլլան հետամուտ ժամանցի մը, որ ի վերջոյ իրենց պատիւն ու խիզճը պիտի արժէ: Զի արդիական սկզբունքէ եւ խզճէ զուրկ հանրութիւնը լայն լայն կը բանաց անոնց առջեւ ամէն գուռ ու ճամբայ դէպի ինքնամոռացում եւ հոգեսպանութիւն — անչափ անբան հաճոյքներով:

Արինե՛ր, յանուն ձեր կարգախօսին՝ դաւանանքով ու երդումով յանձնառու եղած էք այդ վտանգուածները զերծ պահանջությունէ, տալ մաքուր օդ ու սնունդ, հայթայթել կաղդուրիչ ժամանց, հոգեպարար ու մարմնակիրթ հաճոյքներ: Ձեր զաղափարականը սիրելի ընծացեցէք անոնց՝ ձեր օրինակով: Առանին ու հրապարակը, աշխատանոցի, զործատան ու զրանենակի մէջ, ամէն տեղ ու ժամանակ՝ բարձրացուցէք մարդկային ու աղղային աղնիւ կրթութեան տարբներովը, որոնք ամփոփուած են ձեր գաւանանքին մէջ: Բարձրացուցէք, որպէս զի բարձրանան եւ իրենց կարգին՝ իրենք ալ կարողանան բարձրացնել:

Այսպէս պիտի աղղէք նոր սերունդին վրայ:

Ան պէտք է Հայ ըլլայ:

Հայ՝ սրտով ու նկարագրով: Հայ նաեւ լեզուով:

Պիտի հանդիպիք սովիեստներու, որոնք լեզուին կարեւորութիւն չեն տար, ու կը պարծին թէ սրտով հայ են:

Այդպիսիներուն պիտի ըսէք. Սիրտգ չեմ տեսներ, թոյլ տուր որ լեզուով հասկնամ: Հայ սրտիդ թող հայերէնն ըլլայ թարզման:

Լեզուն է ամենաուժեղ աղղակը ազգի պահպանման, ու ցայտուն յայտանիչը ինքնութեան: Առանց լեզուի՝ աղղէն

ոչինչ կը մնայ զգալի շօշափելի : Անթիւ օրինակներ կ'ապացուցանեն, որ լեզու եւ աղղային զգածում իրարու համընթաց են : Բացառութիւնները նաեւ այս կէտիս մէջ՝ օրէնքը կը հաստատեն : — Ու երբ այսօր պատանիներ — չյիշենք չափահանները — կամ յանցանքով կամ առանց յանցանքի ոչ միայն աղճատ հայերէն մը անդամ չեն արտասաներ, այլ անդիտակ են հայերէնի . երբ անոնց տղիտութիւնն այն աստիճանի կը թանձրանայ, որ հայ դրականութեան, մշակոյթի դոյութիւնն անոնց զարմանք կը պատճառէ — ի՞նչ կրնայ ըլլալ ապագան հայ աղդին : Տիո՛ւր հեռապատկեր : Աւելի ճիշդ՝ դառն իրականութիւն :

Յառա՛ջ անցէք, Արինե՛ր, ու կատարեցէք ձեր կոչումը բարձրացնելու : — Ի՞նչ կ'ըսէ ձեր զաւանանքը : Թիւ 7. «Սկառաւը մաքուր հայերէն կը խօսի ամէն ատեն եւ ամէն տեղ» :

Կը նշմարէ՞ք բաղմութիւնը պատանիներու, օրիորդներու, որոնք մեծ մեծ չէնքիրէ դէպի հրապարակ կը դիմեն : Լաւ դիտեցէք զանոնք խօսելէ յառաջ : Անոնց մորթն ու աշքերը, մազն ու հասակը աւելի հասկանալի կերպով պիտի խօսին քան անոնց լեզուն : Խորթ հնչիւններ, օտարութիւններ : Բայց անոնք ձեր եղբայրներն ու քոյրերն են : Զեղի կը կարօտին հայանալու համար — նաեւ լեզուով : Անոպայ զաշտմը : Նետուեցէք, լծուեցէք կործի : Ձեր միութեամբ պաշարեցէք զանոնք : Թող հնչէ մայրական լեզուն : Լեզուն ըլլայ զօդը սրտերուն, մտքերուն, շահերուն : — Երկեցէք, ճառեցէք, վիճեցէք, կատակեցէք — հայերէն : Ու ձայներու ու բառերու բախումէն թո՛ղ ցատկէ կայծը ու վառէ տոչորէ ամէն սիրտ : Հայ լեզուով բարձրացուցէք՝ օտարութեամբ անդամալոյն Հայ աղդին զաւակները :

## ԱՐԺԱՆԻՒ Է ԱՊՐԵԼՈՒ

Արժէքները անմահ են : Ամէն մարդ անդիմաղբելի մղումը կը զգայ արժէք մը ներկայացնելու, իրականացնելու : Անոր մէջ կը դանէ կեանքին խմասար, իւր գոհանակութիւնը, իրաւունքը ապրելու :

Արժէքներու նուիրապետութեան մէջ ոչ աննշան տեղ մը կը պատկանի նկարագրին : Մարդկային ճշմարիտ մշակոյթը պիտի չգեղեւի անոր ընծայել նոյն իսկ առաջին տեղը : Զենկարագիրը կը բովանդակէ բարգով ու ճշմարիտով թրծուածուշն անհատակութիւն . զաղափարականի յարած եւ անդուլ դէպի վեր նկրտող անխոտոր կամք . ինքնակացութիւն անկախութիւն՝ հանդէպ քմահաճոյքներու եւ կրքերու, դրսէն խուժող տպաւրութիւններու եւ հրապարակութիւններու . աներեր հաւատարմութիւն խղճի եւ սկզբունքներու : Ան կը լրացնէ յառաջադիմութեան եւ բարձրացումի ամէնէն անհրաժեշտ պայմանները՝ ներքին միութիւն ու կենդրոնացում, լուսաշող ոյժ : Հակադիրն է յեղյեղուկին, գոհենեկին, մոլեկանին : Իբրեւ քաջարի զինուորը բարւոյ եւ ճշմարտի՝ ան իւր խորհուրդներէն ու գործերէն արտաքսած է սուտն ու նիւթը, յաղթած է վայրաքարչ սողոսկով Եսին :

Գիտութիւն, արուեստ եւ արհեստ կը նսեմանան նկարագրին քով : Միասին՝ մեծարժէք են : Առանձինն՝ վնասարկար : «Մարդ կրնայ ըլլալ մեծ դիտնական, բայց բարւոյ մէջ յետակէմ չարագործ» : Փեստալոցցի այս խօսքին փաստեր առատօրէն կ'ընձեռն միտք ու փորձառութիւն :

Գեղեցիկ եւ օգտակար են բնական գիտութիւնները, բայց կը ճգմեն կը քայքայեն զմարդ, երբ ան չունի իւր մէջ հակակիւը՝ նկարագրի ոյժը : Կեանքի արտաքին պայմանները կը լաւանան, եւ հաճոյքները կը բազմապատկուին ու դիրաժատոյց կը գառնան գիտութեամբ ու ճարտարարուեսով, բայց կը դիւրինայ նաեւ վատասերումը : Այս խմասով կը դիէ Louis de Broglie, մին մէծագոյն բնագէտներէն «գիտու-

թեան մերձեցումները՝ ոչ ամէնքը բարերար են, ու սույզ չէ, թէ անոր զարդացումը պիտի ապահովէ մարդկութեան իրական յառաջաղիմութիւնը, զի տարակյոս չկայ՝ որ յառաջաղիմութիւնը կախում ունի շատ աւելի մարդու հոգեկան ու բարոյական բարձրութենէն քան կեանքին նիւթական պայմաններէն (Matière et Lumière, Paris 1937, էջ IX): Զուրկ բարոյական նկարագրէ՝ մարդ քիմիական ծանօթութիւնները կը գործածէ սպաննելու: Եթէ նկարագրի ուժով մարդ իւր ներս բնակող զաղանը չէ սանձահարած, եթէ չէ իւրացուցած անձնազո՞հ ու անշահախնդիր մարդասիրութիւն, գիտութիւնները եւ ճարտարարուեստները՝ տեսականորէն կը շինեն, կը բարձրացնեն, բայց զործնականորէն կը քանդեն ու մահ կը սփուեն: «Լոկ իմացականութիւնը, կ'ըսէ Արիստոտէլ, առանց նկարագրի եւ բարոյական ոյժի՝ մէտ է ճայրայեղ վատասերութի»: Որուն համաձայն է Գէօթէի սոսկալի վճիռը՝ «Գաղանէ աւելի զաղան է մարդ» եթէ ունի իմացականութիւն, բայց չունի նկարագրի ու բարեմէտ կամք:

Դանտէ՝ դժոխքին մէջ կը նկարագրէ տեղ մը լի հառաջներով, կրծտումներով ու վայերով, խաւարակուու ու քստմնելի: Այն տեղը բնակարանն է աննկարագիր մարդկան, որոնք խաղալիքն են եղած միջավայրի, ժամանակի, իրենց կրքերուն. Կամալուրի խաղալիքը արտաշխարհի աղդեցութիւններուն, իրենց հիւանդաղին քմայքներուն. յարաշարժյարափոփոխ են նման տերեւի, երեր ու տատան նման եղէզի՝ բարոյն եւ ճշմարտին ծառայելու, ցաւի տոկալու, եւ դժուարութիւններու դէմ — առանց մատնութեան ու դասալքութեան — պայքարելու մէջ: Աննկարագիր մարդը իւր մէջ կը կրէ դժոխքը ու կը զլորի դժոխք: Դժոխքի ծնունդ՝ դժոխք կը սուեղձէ: «Զկայ աւելի վատ նկարագրի՝ քան զուրկ ըլլալը նկարագրէ» (Լաբրիւձը):

\* \* \*

Դէպի ո՞ւր կ'ընթանայ հայ երիտասարդութիւնը — երկի՞նքը մաքուր նկարագրի թէ՝ աննկարագիր դժոխքը: Անոր հոգերանութիւնը կը խոստանա՞յ լաւ արդիւնք:

Հ. Մ. Բ. Մ. Երիտասարդական կազմակերպութեան նույիրուած օրս թոյլ կու տայ նման հարց մը քրքրել:

Անհնար է հայ երիտասարդութենէ սպահանջել միասնական նկարագիր ու հոգերանութիւն: Տեղահանութիւն եւ աքսոր կասեցուցին ու արդիլեցին առողջ սերունդի մէջ բնականոն ու միասնական զարդացումը: Հոգեկան ու մարմնական տաղնապ ու տառապանք, զանազան երկիրներու ու ժողովուրդներու քաղաքակրթական իրարու աննման աղդեցութիւնները՝ աննպատ պարագաներ են՝ միասնական նկարագիր կերտելու:

Բայց միասնական է հայ երիտասարդութեան ժխտական նկարագիրը, յոոի հոգերանութիւնը:

Բնիկ հայկեան, տոհմային նկարագրի մի՛ վինտոէք հոն: Փոխ առնուած, չորս հովերէն՝ Արեւելքէն ու Արեւմուտքէն, նոր ու հին աշխարհներէ կցկցուած կարկուած:

Օտարոտի, խորթ հոգեբանութիւն — տիպուր հոգեբանութիւն: Համաշխարհային սերմեր ինկան հայ երիտասարդութեան մէջ — իսկ այն սերմերը՝ վատասերումի սերմեր էին ու զործեցին խոր աւեր հայ նկարագրին մէջ:

Երիտասարդ ըլլալ կը նշանակէր ըլլալ դեռատի, նորածիլ, կարօտ առաջնորդի, ղեկավարի: Կը նշանակէր: Բայց այսօր այդպէս չէ ֆրանսայի՝ ու չղիտեմ ո՞ր երկիրներու մէջ, չետեւարար նաեւ մէր մէջ: Երիտասարդութիւնը իրաւունք ունի անսահման աղատութեան, անկախութեան, մենաշնորհներու՝ յանուն երիտասարդութեան: Զկայ պէտք ուրիշ արժէքներու եւ արդիւնքներու: Ո՞վ կոնայ համարձակիլ երիտասարդները վարելու, ուղղելու: Զափահանե՞րը: Ծնո՞ղները: Կը պակսի առանց լոյս, ոյժ, գաղափարական: Զառամածներ են: Անատակ կեանքի եւ պայքարի: Երիտասարդնինինին կ'որոշէ իւր մտատիպարը, կրօն ու բարոյականը:

Ով որ չի համաձայնիր՝ թշնամի է:

Մահու կուր ամէն հեղինակութեան դէմ որ կը յանդզնի չափ ու սահման որոշել երիտասարդներու իրաւունքներուն, համայքներուն, սիրոյն եւ ատելութեան:

Այս կը կարդան ու կը լսեն, այս կը գրեն ու կը քարողեն  
Երիտասարդական շարքեր :

Թերեւս ծանօթ էք է . Գլեզէրի վէպին : Նշանաբանն է .  
«La guerre — ce sont nos parents.» Երիտասարդութիւնը կը  
կանգնի մարդկացին ամենաբնական եւ ամենակարեւոր հեղի-  
նակութեան՝ ծնողաց դէմ : Կենսաբաղձ կենսայորդ երիտա-  
սարդներու չար ողին, մղաւանջն են ծնողք : Անոնց հեղի-  
նակութիւնը սուտի վրայ է Հիմնուած : Զէ թէ սէր՝ այլ առե-  
լութիւն բունած է ծնողաց սրախն մէջ : Իսկ սէրը . կը վե-  
րապահեն իրենց : Նախանձավառ կեղծաւորներու խմբակցու-  
թիւն մըն են չափահասներն ու ծնողները : Կարող անդամ չեն  
հասկնալու երիտասարդի սիրալ . կարօտը, տենչը : Երիտա-  
սարդը իրաւագուրկ է, միայնակ, թշուառ, հալածուած : Ու  
բանաւորները, դաշիճներն են՝ ծնողք ու դաստիարակ կո-  
չուածները : Ճշմարիտ, առողջ երիտասարդին կարդախօսը  
պէտք է ըլլայ՝ փշրել զղթաները ամէն զծով ու տիրանալ ան-  
սանձ աղատութեան : Աղատութիւն մահու եւ կենաց, կրքի ու  
մոլութեան, խօսքի ու զործի, վայելքի եւ հաճոյքի, համայ-  
նալարական աղատութիւն՝ սեռական սիրոյ : Այս է երիտա-  
սարդին կրօնն ու բարյականը, փառքն ու պատիւը : Զոհարե-  
րութիւնն՝ աննմտութիւն է . հնազանդութիւնը՝ ստրկամտու-  
թիւն . հայրենիք ու ազգ՝ արհամարհու ժպիտ շարժող սին  
բառեր : — Զեզ կը թողում երեւակայել տեսարանները՝ որոնք  
կը ձեւանան տներէ, դպրոցներէ, համալսարաններէ ներս՝ ընդ  
մէջ տղոց եւ ծնողաց, աշակերտներու եւ ուսուցիչներու :

Զկարծէք թէ այդ երիտասարդները կոպիտ լեռնցիներ են :  
Քաւ լիցի : Բարեկիրթ, քաղցրալեզու, նրբածեւ, աղնիւ :  
Գիտեն սահիլ ու պարել : Լողալ ու թռչիլ : Երգել ու ճառել :  
Ունին ամբողջ փայլը արդիական քաղաքակրթութեան : Բայց  
չունին համեղ, հասուն նկարագիր . չունին արժէք տեւական :  
Տհաս պտուղներ են առ առաւելն, որոնք եթէ հասունային  
պիտի ստանային թոյր ու բոյր, համ ու հիւթ : Բայց պիտի  
չհասունան, զի թշնամի են բարոյականի ու կրօնի ջերմիկ  
ձառագայթներուն :

\* \* \*

Եթէ հարցնէք փրկութեան ճանապարհը — աչքերս կ'ուղ-  
ղուին Հ. Մ. Լ. Միութեան : Միակը չէ ան, որ կընայ ու պէտք  
է կուտի օտարութենէ ներածուած որոմին դէմ : Կան ուրիշ  
հաստատութիւններ եւս : Բայց ոչ նոյնքան յարմար եւ աղդու-  
ռոքան Հ. Մ. Լ. Մ. :

Կ'ենթաղրեմ Հ. Մ. Լ. Մ. մը՝ կատարելապէս հաւատա-  
րիմ իւր կոչման ու դաւանանքին, իւր երգման ու կարդա-  
խօսին : Ան ունի ամէնէն արդիական եւ երիտասարդական  
հոգւոյն պատշաճ, աւելի ճիշդ՝ այն հոգիէն իսկ բխող միջոց-  
ներ՝ երիտասարդներու քայլերն ուղղելու գէպի բարձունքը  
իսկական նկարագրի : — երիտասարդին ոչ մի կարիքը ան-  
տեսուած է արիական դաստիարակութեան մէջ : Մարմին ու  
հոգի, կամք ու միտք, սիրտ ու խիզ ներգաշնակօրէն, ձեռն  
ի ձեռն կը զարդացուին : Կրօն ու բարյական առաջին, էական  
տեղը կը բոնին իրբեւ գերազոյն արժէքներ . եւ ապա կը յա-  
ջորդին արժէքներու սանդուղի միւս աստիճանները . աղդ ու  
հայրենիք, ընտանիք ու ընկեր : Հեղինակութեան միակ փրկա-  
ռէտ ու բարերար գաղափարը՝ իւր բոլոր բարեմասնութիւն-  
ներով կը փոխուի իրական կեանքի : Գայլիկներու եւ արինե-  
րու կը ներարկուի «պատկառանք» հանդէպ Մեծերու, պատ-  
կառանք հանդէպ ընկերին իրաւունքներուն, պատկառանք  
հանդէպ մարմնոյ եւ հոգւոյ, Աստուծոյ եւ ուեւէ կարգի կրօ-  
նական ու աշխարհիկ պետերու : Պատկառանքն առանձին  
կրօնայ հիմ ծառայել գաղափարական նկարագրի : — Ճշելէ-  
յետոյ երիտասարդներու գիրքը — հնազանդութիւն ու պատ-  
կառանք — հանդէպ հեղինակութեան, որքա՞ն դիւրաւ Հ. Մ.  
Լ. Մ. կրնայ անոնց տեղը որոշել մարդկութեան մէջ, անոնց  
կեանքը կապել ընկերութեան կեանքին, որքան դիւրաւ կ'ա-  
ղատի երիտասարդները ներքին փոթորիկներէ : Ուժեղ միաս-  
նակութիւն մը ձեռք կ'առնու անոնց հոգին ու մարմինը, կը  
չքայնէ անհաշտութիւնը զգայականութեան եւ հոգւոյ ու հե-  
ղինակութեան սկզբունքը կը հաստատէ նաեւ անհատին մէջ :  
Այս մէկ դործով արդէն անմահ արդիւնք կը վաստիի հան-  
դէպ երիտասարդութեան : Զի հպատակեցնել մարմինը հոգ-  
դէպ երիտասարդութեան :

ւոյ, սրտին տեսչերը՝ կրօնով ու բարոյականով պայծառ մտքին, ազատութիւնը՝ բանականութեան — ի՞նչ կը նշանակէ այս, եթէ ոչ՝ ամբողջ մարդը կրթել ու գաղափարական նկարագրով օժտել: Ամուր ու ներկուու նկարագիր: Առանց ներքին պառակտումներու ու քայլայումներու: Առանց հոգեբանական «ճեղքերու»:

Հ.Մ.Լ.Մ. կը կրթէ, կը կերտէ — անաղմուկ, անշշուկ: Ամենապարզ ու գործնական միջոցներով: Կեանք ու գործ, ընութիւն ու ճարպիկութիւն, խաղ ու վաղք են միջոցները: Արձակ ասպարէզ կու տայ պատանիներուն՝ ցուցնելու որ անարժէք չեն ու կը մղէ բարձրագոյն արժէքներու: Յաղուրդ կը գտնէ լիուլի, մանաւանդ մրցումներով, մարդկային տարերային եւ անդիմաղբելի ձգտումը՝ արժէք մը մարմաշնելու:

Զկայ հոն թմբութիւն, ընդարձացում: Խանդ ու եռանդ չեն սպանուիր: Կը սրուին, կը հրահրուին: Արտաքին յորդ ու գեղուն կեանքը չի խափաներ ներքինը: Մասնիերու ոյժը՝ սերտ աղերսի մէջ է կամքի ոյժին հետ, որ բարւոյն, միայն բարւոյն ի սպաս կը զրուի: Ու բարւոյն հետամուտը՝ ի հարկ է ունի ներքին, անհատական կեանք, խոր ու հիւթալից:

Այսպէս մարզուածները՝ ամենալաւ ճանապարհի վրայ են հասնելու ճշմարիտ նկարագրի: Այսպիսիներու կը սպասն ընտանիք ու հայրենիք, պետութիւն ու մարդկութիւն: Զի կարելի՞ է աւելի գորովոս զաւակներ նուիրել ընտանիքներու, աւելի արի սպաշտպաններ՝ հայրենիքի, աւելի հաւատարիմ քաղաքացիներ՝ պետութեան, եւ աւելի արդիւնաւոր անդամներ՝ մարդկութեան, քան Արիները՝ որոնց վրայ Հ.Մ.Լ.Մ. իւր դրոշմն է դրած:

Անոնք պիտի չծերանան ժամանակէ յառաջ՝ ինչպէս ուրիշ մեղկ ու պղերդ երիտասարդներ: Իսկ երբ ծերանան՝ իրենց երիտասարդական ոյժը — չափահասութեան համեղ պառւղներ տալէ վերջ — պիտի պայծառակիոլութի ու փացլի իրբեւ հասուն իմաստութիւն:

Հ.Մ.Լ.Մ. կրնայ զայս:

Ու եթէ ուղէ — արժանի՛ է ապրելու:

9.

## ՄԽԻԹԱՐ ՍԵԲԱՍՏԱՑԻ

Ծն. 7 Փետր. 1676 — † 27 Ապրիլ, 1749

ԴՐՈՇԻՆ \*

Աշխարհահայեացքի, գաղափարի խորհրդանշան է դրօշը:  
Ազգեր ու պետութիւններ, նոյն իսկ ընտանիքներ ունին  
իրենց գրօշը, եթէ ունին իրենց գաղափարականն ու աշխար-  
հահայեացքը:

Կարելի՞ է միթէ, որ զուրկ մնան դրօշէ կրթական հաս-  
տատութիւններ, ուր գաղափարականներ կը հասունան, եւ  
ուր՝ եթէ չեն կերտուիր գարակալմիկ աշխարհահայեացքներ,  
գոնէ կերտուածները կը փոխանցուին սերունդէ սերունդ:

Մխիթարեան վարժարանն ունի իւր դրօշը:

Ան կը խորհրդանշէ Մխիթարեան գաղափարականը, դաս-  
տիարակչական հայեացքը:

Նորաստեղծ չէ հայեացքը: Հնաւանդ է: Յաղթական  
դուրս եկած է կոխներէ: Իւր մէջ կը կրէ զրաւականը ան-  
դրագոյն յաղթութիւններու, որոնք մեզի, Հայուն, պիտի  
պարտադրուին:

Զի երբեմն կը պարտադրուին նաեւ յաղթութիւններ...

\* \* \*

Աշխարհահայեացքը ճիզն է մարդկային մտքին — ճիզ մը  
որուն սաստկութեան ու թափին ներքեւ կեանքեր կը խամրին  
— հաստատելու կամուրջ՝ հակոտնեայ երեւոյթներու, ճշմար-  
տութիւններու, իրականութիւններու միջեւ: Կամուրջ ու  
ներքին միասնական զօղ՝ իրարամարտ տարրներու:

\* Մխիթ. վարժարանի մը դրօշը, որուն վրայ կը տեսնուին Արարատ,  
Մխիթար Արբայ, Արծիւ մը, Առիւծ մը, անկիւնագիր չորս բառ՝ Կրօն, Գի-  
տութիւն, Ազգ. Հայրենիք, ու եռագոյն ժապաւէններ:

Անարժէք է աշխարհահայեացք մը, որ չունի լոյս՝ նշմարելու ներքին աղերսը, եւ զուրկ է ոյժէն՝ հաստահիմն կամուրջ ձգելու:

Այս դրօշին անկիւնագիր բառերը՝ անհաշտ թշնամիներ կը թուին շատերուն. Կրօն, Գիտութիւն, Ազգ, Հայրենիք:

Միփարեան դաստիարակութեան դաղափարականն է՝ անհատ զանգել այս ըստ երեւութին իրար ընդդէմ արժէքներով. նկարագիրը քառապատիկ տարրներով կազմել ու ամրապնդել, քառածայն համերգի մը նման ներդաշնակ: Կամը ջել անկիւնագիր բառերը՝ աշխարհահայեացքով մը յաւերժական՝ նման ճշմարտութեան:

\* \* \*

Միա'յն կրօն, միա'յն գիտութիւն, միա'յն ազգ, միա'յն Հայրենիք — միակողմանի են կիսկատար:

Հոյակապ ու վսեմ, բարձր ու բարձրացնող ճշմարտութիւններ, դաղափարներ՝ կ'ուզէք: — Դիմեցէք կրօնի: — Բայց եթէ դիմէք միա'յն կրօնի. եթէ արտաքսէք գիտութիւնը, միաքը, տրամաբանութիւնը — ձեր կրօնը կ'ըլլայ անհիմն, անմիտ, անտրամաբան:

Մտաւոր փաստե՞ր, յայտ յանդիման պատճառաբանութիւններ կը փնտոէք: — Ուզդուեցէք դէպի գիտութիւն: — Բայց եթէ արտաքսէք կրօնը՝ կ'ունենաք հիմեր առանց սիւնազարդ շնչքի: Գիտութիւնը փաստ ունի, դաղափարական չունի. վեհ, վառող հրդեհող, վարակող դաղափարական — կը գրէր նահատակ հայ բժիշկ մը: Երկնահուպ դաղափարականները՝ մենաշնորհն են կրօնի:

Կրօնը՝ կ'ենթագրէ միտք ու գիտութիւն: Միտք ու գիտութիւն կը ձգտին կրօնի: — Հիմ ու դաղաթ: Խարիսխ ու խոյակ: Մոյթ ու կամաբակապ զմբեթ:

Կրօնը չէ որ կը հակառակի գիտութեան ու մտքի, այլ տկարամիտ կիսկատար կրօնագէտը:

Գիտութիւն ու միտք չէ որ կը հերքեն կրօնը, այլ տկարասիրտ գիտուն-տգէտ համբակը:

Թող մնան ուրեմն անխախտ անխանդար՝ Միփարեան դրօշին վրայ՝ կրօն ու գիտութիւն: Իբրեւ սրտակից, հպմախոհ բարեկամներ:

\* \* \*

Բայց ահա թշնամիները՝ ազգի եւ հայրենիքի: Զարժա՞նք միաժամանակ կրօնի եւ գիտութեան: Եթէ մի են թշնամիները, ապա կայ ներքին, սերտ աղերս այս չորս արժէքներու միջեւ:

Թշնամիները՝ յանուն մարդկութեան, միջազգայինի: Պիտի ուզէին ջնջել հանել Միփարեան դրօշէն եւ սրտերէն ոսկեքանդակ խորագրում՝ Ազգն ու Հայրենիքը:

Միակողմանի, թերակատար լմբանում: Տգիտութիւն ու տմարդութիւն — ողաքարը ազգի եւ հայրենիքի դէմ:

Ոչ մի իրական հակասութիւն հայրենասիրութեան ու մարդասիրութեան միջեւ:

Մտացածին է վիհը: — Աղնիւ նկարագրէ, անշահանդիր հոգիէ չեն բիսեր թշնամութեան շարժառիթները — ընչափալցութիւն, փառամոլութիւն, բոնակալ ամբարտաւանութիւն:

Որքա՞ն պարզ է ինդիրը առո՞ղջ, չթունաւորուած մտքերու համար:

Ազգ եւ Հայրենիք բնական հիմն են համարուն եւ հողակից մարդկան: Բնական է սիրոյ եւ երախտագիտութեան զգածումը այն հողամասին հանդէպ, ուր մեր բունն է ընձիւղած, ճիւղաւորուած, ուր մեր արեան հոսանքը խոր ակօններ է փորած: Սէր եւ երախտագիտութիւն ա'յն ազգին հանդէպ, որ մեզի պատմութիւն լեզու ու մշակոյթ է պարգեւած:

Միփարեան դրօշը կը քարոզէ անկեղծ ու ջերմ ազգասիրութիւն եւ հայրենասիրութիւն: Ու հպարտ է, որ կը քարոզէ: Նուիրակա՞ն դաղափարական: Կրօնաշունչ:

Պիտի գա՞յ ժամանակ, երբ լքուի այս դաղափարականը՝

իրբեւ հնամաշ, ինչպէս լքուած է դաղափարը երկրի անշարժութեան:

Կրնա'յ գալ, եթէ անհետին հայրենիքներն ու ժողովուրդները: Ու կ'անհետին ժողովուրդները, հայրենիքները՝ երբ երկիրը հարթանայ, լայնութիւն ու երկարութիւն չքանան. երբ մարդիկ միանուազ ու համաչափ ունենան ամառ ու ձմեռ, սանամանիք ու դալարիք: — Իսկ մինչեւ այն՝ կ'արժէ պատուէրը մտքի եւ բարոյականութեան. Սիրէ հայրենիքը. Սիրէ ժողովուրդ:

Տեսէք ուրեմն զիրկընդիսառն՝ ազգ ու հայրենիքը, կրօն ու դիտութիւն: Կամուրջ՝ աջնամախ ու վերէն վար:

\* \* \*

Դրօշի դաղափարականին հեղինակն է Միիթար Սեբաստացի, ինքնին կենդանի դրօշ ու կոթող:

Կրօնի խոնարհ պաշտօնեան էր ան, անձնատուր այն դաղափարականներուն, որոնք միայն կրօնի սեպհական են ու մագնէսի նման կը քաշեն մարդկացին սիրտը: Կրօնի նուելրած էր ան իւր մանկութիւնն ու երիտասարդութիւնը, իւր չափահաս առնականութիւնն եւ ալեզարդ ծերութիւնը: Անոր մօտ կրօնասիրութիւնը դիմակ չէր: Անձնազոհ կրօնասիրութիւնը չէ կարող կեղծիք ըլլալ: Խորքէն կը բխէ ու բացարձակին հետ իրական կապ կը հաստատէ՝ զմարդիկ օրհնելու եւ երջանկացնելու համար: Հարազատ կրօնասիրութեան, աստուածաշտութեան փորձաքարն է անձնանուէր ընկերութիւնը: Այդ փորձաքարին վրայ՝ Միիթար կը յայտնուի իր զուտ ոսկի:

Միիթարայ անձը պիտի չըլլար զրաւիչ, առինքնող, անոր կրօնը պիտի չըլլար ճշմարիտ, եթէ ան ըլլար թշնամի դիտութեան: Բայց Միիթար չէ ծառայած խաւարի: Ան չահ էր պայծառ, լուսասիիւռ:

Բաւ է յիշել, որ հեղինակ է ոչ միայն քրիստոնէականի այլ նաև քերականութեան. ոչ միայն Ս. Գրոց մեկնութիւններու, այլ նաև Հայերէն բառազրքերու: Հարկ չկայ գրա-

յուցակի: Միիթար զիտութեան լոյսին ծառայեց — աչքի լոյսին գնով:

Իրբեւ պաշտօնեայ թէ՛ կրօնի թէ՛ գիտութեան՝ Միիթար ապրեցաւ ու զործեց ազգին ու հայրենիքին համար: Նոյն իսկ օտարութեան մէջ: Հակառակ օտարութեան բոլոր հրապոյրներուն:

Զպակսեցան փորձեր՝ զինքը հեռացնելու ազգէն: Փայլուն հեռապատկերներ օտարին մօտ: Լայն ասպարէզ գործի՝ վայել իւր մտաւոր ու բարոյական ձիրքերուն: Կատարելապէս պիտի գնահատուէր ու վարձատրուէր . . . :

Բայց Միիթար չհրապուրուեցաւ: Զօտարացաւ: Մնաց հաւատարիմ ազգին, խոնարհ ու տառապած ժողովուրդին:

Թերեւս տիտղոս մը աւելի ունենար օտարներու մօտ: Բայց տիտղոս մը — ուրիշ ոչինչ: — Իսկ ազգը՝ նախ հալածեց զինքը, բայց ազա նուիրեց իւր սիրտն ու սէրը:

Միիթար՝ այն բորբոք հայրենասէրը՝ թողուց, ստիպուեցաւ թողուլ հայրենի հողը: Ապրեցաւ պանդուխտ, մեռաւ նժղեհ, ինչպէս բիւրաւորներ իւր ժողովուրդին: Սակայն երբեք, երբեք չմոցցաւ ինչ որ իւրն էր, եւ որուն ինքը կը պատկանէր — հայրենիք ու հայ ժողովուրդը: Հայրենիքի Սրտին վրայ հանգչեցուցած էր իւր զլուխը եւ անոր հետ համազարկ կը դրոփէր իւր սիրտը: Հայրենիքի համար էին իւր ձեռնարկները — վանք, վարժարան, տպարան — հայրենիքի համար էին իւր աշակերտները: Հայրենիքի եւ հայ ժողովուրդին համար գրեց ու գործեց, աղօթեց ու քարոզեց:

Դիւցազնական՝ բայց քաղցր է հայրենիքի համար մեռնիւ ըսած են հիները — պատերազմի գաշտի վրայ՝ իրեւ պատուար թշնամեաց դէմ:

Աւելի՛ դիւցազնական՝ զի դառն է՝ ապրիլ հայրենիքի համար — մեռնիլ հայրենիքէ հեռու:

Միիթար ապրեցաւ հայրենիքէ հեռու՝ հայրենիքի համար: Ու կ'ապրի տակաւին: Պիտի ապրի անվերջ:

\* \* \*

Իսկ դու Դրօ՛շդ Միհթարեան ծփա՛, ծածանէ՛ ու խմբէ՛  
շուրջդ հայորդիներ : Յիշեցուր անոնց արժէքները դաղափա-  
րական : Յիշեցուր փառքերը, որոնք անցած են, բայց կրնան  
վերադառնալ, զի չեն մեռնիր :

Յարդա՛նք՝ ոչ թէ նիւթին՝ որմէ կազմուած ես, այլ գա-  
ղափարին՝ զոր կը խորհրդանշես :

Մենք պիտի անցնինք, իսկ դու պիտի մնաս :

Բայց պիտի չմնաս անփոփոխ : Զեմ ուղեր որ մնաս ան-  
փոփոխ :

Թող հոլովին տարիները ու շրջեն զքեզ ցիսոր ծերութիւն :  
Ալեղարդ ալեծածան դառնաս — զրօ՛շդ նուիրական :

Ու երբ փոխուին ժամանակները. երբ աշխարհի անիւր  
դառնայ. այն անիւր՝ որով ժողովուրդներ կը դահալիթին,  
ժողովուրդներ կը բարձրանան — լաւ ուշ զիր, զրօ՛շ — երբ  
քու Արծիւդ թեւերը թափ տայ ու քու Առիւծդ մոնչէ՝ հե-  
ռուէ՛ն, շատ հեռուէն — ժամանակն է, զրօշդ իմ նուիրա-  
կան, գնա՛ հեռացիր : Հեռացիր — ու մօտեցիր : Եւ ալեղարդ  
գլուխդ հանգչեցուր վեհին ստորոտը :

Մոխրացիր փոշիացիր հոն : Ու Արարատիդ հողին խառ-  
նուին փոշիներդ :

Այդ ըլլայ վարձքդ :

300

«Ազգային գրադարան



NL0539316

